

Kat. Komp.

588318



BIBLIOTHECA
UNIV. IAGELL.
CRACOVENSIS

Mag. St. D.

1

Sublet Feol 2225
 Bassam Boma
 mentura

Mag. St. Dr.



lagodnie przez...
 enia namawia y kieruie, zupełną zaś do na-
 enia się moc woli nąszey zoftawuie, ták: że mo-
 łowiek (co w sobie sami uznaiemy) według
 inienia wewnętrznego czynić, zgađzaiać się z
 y łaską Boską, álbo nie cz-
 mże do pokuty pobudkom,
 iwić duszy przez poświęce-
 noże. Gdy tedy Wiará wfi-
 nie, oneż przez łaskę Bos-
 onywaiąc, ták zaráz y usprá-
 áko y Jákob Apostoł mowi: (O) Auranam Ociec
 izáli nie z uczynkow uspráwiedliwiony iest, ofiárowa-
 Syna swego Jzáká na Ottarz? widzisz iż wiára
 nie robiła z uczynkami iego, á z uczynkow wiára się

Intr
B
sona

enia namawia y kieruie, zupełną zaś do na-
enia się moc woli nászey zoftáwuie, ták: że mo-
łowiek (co w sobie sami uznaiemy) według
nienia wewnętrzneho czynić, zgádzaiać się z
y łáską Boską, álbo nie czynić, sprzeciwiáią
mże do pokuty pobudkom, á zátym áni usprá-
liwić duży przez poświęcenie iey wewnętrzn-
noze. Gdy tedy Wiárá wspólnie z uczynkami
nie, oneż przez łáskę Boską współ czyniącą
onywaiąc, ták zaráz y uspráwiedliwia człowie-
áko y Jákob Apostoł mowi: (o) Abraham Ociec
izáli nie z uczynkow uspráwiedliwiony iest, ofiarowa-
Syna swego Jzáaka na Ottarz? widzisz iż wiárá
nie, robíta z uczynkami iego, á z uczynkow wiárá się

PAROCHIANUS
OBEDIENS

*Pro Bibliotheca
Guehornensi
et Thaumaturga
Bipartitus. 1771.*

De duplici debito Parochianorum,
audiendi scilicet MISSAM & VER-
BUM DEI, in sua Parochia, saltem di-
ebus DOMINICIS & FESTIS MA-
JORIBUS, stante commoditate.

REIMPRESSUS

Annô quô

ForMa gregis In Christo obeDiente
In CLarVlt 1761mô.

C R A C O V I Æ

Typis Semin: Episcop. Academi: Diocesani.

In Stemma Illustrissimi Præsulis
PATARENSIS.



I.

Rex Ponti, excubias Cervo commiserat olim.
Excubat ad Templum, pervigil iste, DEI.

II.

Ut Cervus nitidas currit sitibundus ad undas,
Salvandi Populi: PRÆSULIS una sitis.

III.

Anrea sūt(cernis) quæ gestat cornua Cervus,
Publicus hæc, toties igne probavit Amor.

BIBLIOTHECA
UNIV. X. DEBEL
PATARENSIS

588318

I

Ad

Illustrissimum Excellentissimū
& Reverendissimum Dominū.

D. FRANCISCUM

DE POTKANA :

POTKANSKI

DEI & Apostolicæ Sedis Gratiâ Epi-
scopum Patarensem; Suffraganeum;
Canonicum, Vicarium in Spiritualibus;
& Officialem Generalem Cracovien-
sem, Seminarli Episcopalis Aca-
demico-Diœcesani Protectorem, &
Mecœnatem Amplissimum.

**PROPHASIS
DEDICATORIA.**

*P*arochianus Obediens, iterum
atq; iterum, Lucem publicam
videre cupiens, Illustrissimo Tuo ut
consecretur Nomini; multa sunt
que

quæ sibi justè succensent, & mihi
bellè persuadent motiva. Non po-
tes enim non acceptare, eò, quò con-
suevisti clementi animo ad Te ve-
nientem, Tuis sacris se ingerentem
Manibus Parochianum, ANTI-
STES Sacrorum! Vicaria in hac
florētissima & amplissima Diæce-
si Optimi Pastoris Potestas Ocelle &
Pupilla, imò eundem gratam & acce-
ptam à me Tibi fore victimam,
haud ambigo; quia obedientem:
cùm & DEO (ex sensu Grego-
rii & Augustini Ecclesiæ Docto-
rum) ditius nihil offeratur; bona
voluntate. Si obedientiæ typus est,
impigra, prompta, ac moræ impa-
tiens voluntas, præcurrit iter in
Tuum conspectum, Parochiano meo
eà præpeti velocitate & ingenti agi-
litate

litate, quâ etiam solertissima inge-
nia vincit, captum eorum exce-
dens, quâ pro Bono Ecclesie & Pa-
triæ præstat; tot emensis in Cam-
po Lechico meritorum stadiis, recte-
gestorum Olympiis, omni ævo glo-
riosus CERVUS Tuus Gentilitius.
Profectò: ut illum eminentia sua
non gravant cornua; quin quoties
imminenti occurendum malo, quo-
ties ab ovili Christi infensos arcen-
dos lupos aggreditur, ocyor, ven-
tis & agente nimbos Eurô feratur,
sic in virtute Sanctæ obedientie,
Parochiano meo, ad munia devotio-
nis, pietatis, filialis amoris, &
observantiæ Ecclesie suæ Paræ-
cianiæ deferenda, onus eximit o-
mne, ad currendam viam man-
datorum ejus; impigrum, prom-
ptum,

ptum, alacrem, & minimè tardum efficit. Permitte ergò Magne Præsul, ad Aram præcelsi Tui Nominis tenuitatis meæ vel tantillum litâsse, non dedignanter suscipe exilem hanc opellam, quæ tanquam tributarium debitæ venerationis & observantiæ vectigal, Tuae benevolentiae sinum appellat, ego Academico-Diæcesanum Episcopale Seminarium, ac me ipsum singulari Tuae Protectioni commendans, DEUM Ter Optimū Maximū precari nō desinam: ut digna Virtuti Tuae, digna meritis digna Nomini, quàm altiores ad Infulas & ornandas in Senatu Curules, ex Thesauro Immensæ suæ Bonitatis à Rege Sæculorū Immortali Tibi succedat ætas, & amplissimis
au-

*auctus successib9 vive tam diu, donec
Te magnitudo gestorum, singulari-
tas operum, æternatura sacrorum
memoria, faciat immortalem. Ita
vovet.*

Illustrissimæ Dominationis
Vestræ.

Indignus coram Deo
Exorator.

M. Stanislaus PATELSKI
Seminar: Vice Præfectus.

PARO

LIBRARY OF THE UNIVERSITY OF CHICAGO

Epistola Illustrissimi & Re-
verendissimi olim ANDREÆ
SZOLDRSKI Episcopi Posna-
niensis ad Clerum suæ Diæce-
sis data Anno Dñi 1647. de his
Libris

*Universis & Singulis Parochis Curatis,
& non Curatis, totiq; Clero Diæcesis Po-
snaniensis, Salutem in Domino.*

VENERABILES FRATRES

TABESCERE fecerat olim Prophetam ze-
lus DEI; comederat zelus Domus DEI:
nec mirum; Nihil visu audituq; miserabilius,
quàm abominatio desolationis in loco sancto, in
eo præsertim, qui vitam & misericordiam cri-
buit, qui nascentes in regione umbræ mortis il-
luminat, qui denigratam super carbones anima-
rum faciem lavacro regenerationis emundat, de
cujus plenitudine accipimus universi, verbò, qui
Mater est. Erat sanè quod Divinissimum Va-
tem angeret, illa Sancta Sanctorum negligi, si-
ve contemni potius à populo, qui quidquid victo-
riarum, honorum, benedictionum, calò propitiâ
obtinuerat, totam quantum erat, iis debebatur.
Sed proludum nostrorum temporum illud erat.

Rari sunt etiam hodie, qui loco sancto, nimirum Ecclesiis Nostris Parochialibus, filialem affectum exhibeant. Imo qui maternos ipsius frequentent sinus, jam vel ingenii vilioris censurantur, vel statûs. Planè filii matris suæ, deserunt eam gratis, si non etiam oppugnant, dum quos ipsa primò nascentes exordîo, vita, calo, seu par-turiunt, seu signavit, hanc illi vel ignorantia con-demnant, vel eludunt contemptu, vel quod pejus est odio prosequuntur. Omnino sedet sola Civi-tas plena populò, facta est quasi vidua domina gen-tium. Via Sion lugent, ed quodd non sit, qui ve-niat ad solennitatem, omnes porta ejus destructa, sacerdotes ejus gementes, & ipsa oppressa ama-ritudine. Triticum nostrum cum paleis, vinum nostrum amarum, eloquium non dulce. Nemo est cui frangamus panem, nemo qui veniat ad fontem aqua viva, nemo qui materna ubera con-torqueat. Si mater est, ubi sunt filii? si do-mina, ubi servi? si magistra, ubi discipuli? Quor-sum ovile sine armento? ad quid Pastores absq; ovibus? cur exedra. sine studio? Vita, sine ani-ma subsidio? Completum est in Nobis illud Pro-pheta, duo fecit mala populus meus, me dere-liquerunt fontem aqua viva, & foderunt sibi cisternas, dissipatas, quæ continere non valent aquas. Cum enim passim, non nisi in Capellis Religiosorum, sive Verbi Dei studium, sive Sacramentorum ardor, sive Sacro-sancti Sa-crificii desiderium, ab omnibus quaeritur, dolen-dum

dum Nobis est quod Parochiales Ecclesie, qua-
 ad tremendum Dei Tribunal, rationem commissi
 sibi gregis redditura sunt, novercare videntur, &
 tanquam alienum quid vel inops ab omnibus de-
 seruntur. Quamobrem cum incidisset in Manus
 Nostras Liber cui titulus Parochianus Obediens
 olim ad mentem Sanctissimi illius Præsulis luci-
 dissimi purpurati Collegii Sideris, cui (teste gra-
 vissimo Bellarmino) non est inventus similis, qui
 conservaret legem Episcopalem, Caroli inquam
 Borromæi conscriptus, & qui potissimum ad su-
 premam observantia Sacro-sancti Concilii Tri-
 dentini collimare videtur metam, non sine utilis-
 simo argumenti usu faciendum duximus, ut idem
 liber ex utilitate totius Christiani populi, potis-
 simum verò Diœcesis Nostræ (cui licet indigni-
 præpositi sumus) è Typographia iterum prodiret.
 Eum verò ita usui omnium & studio commenda-
 mus, uti ipsa materiei dignitas, & animarum
 necessitas postulat. Hinc quilibet vestrum agno-
 scet, quantum à recto conscientia tramite illi
 deviant, qui vestras Ecclesias non frequentant,
 vel saltem diebus Dominicis & Festis Sacrifi-
 cio Missæ & Verbo Dei audiendo, non inter-
 sunt, exinde ad notitiam omnium promanabit, ad
 hac non sine scrupulo conscientia teneri quemli-
 bet, imo ipsi Religiosi intelligent, se ad ea populo
 insinuanda & docenda, omnino Sacro-sancto Ec-
 clesie Dei præcepto necessitari. Valete.

A D P A R O C H O S
E T P A R O C H I A N O S.

Domini Pastores ac fideles Parochiani, statim ac Tractatum hunc diligenter conquisitum præ manibus habere potui, & subiectam materiam ejusque necessariam tractationem expendi, illico è re Pastoria esse existimavi cum venire in lucem quoquo modo ipsomet Concionatore licet in seio, cum enim pro comperto haberemus eum esse magno DEI, pietatis & veritatis zelo & studio, prudentiæ & doctrinæ sufficientia præditum, utpote sacre Theologiæ Licentiatum in sæculo, & Regium Duaci Philosophiæ Professore acutissimum & postmodum inter Patres Capucinos ejusdem Philosoph. & Theolog. in Conventu Leodiensi Lectorem & tanquam Cameraci stationarium Prædicatorem, sub tempus Concilii Provincialis ultimi Cameracensis publicè coram populo & præcipuis Cathedralis Ecclesiæ Dominis officiariis conciones hoc Tractatu contentas elocutum esse, immo duobus Episcopis Synodi illius tunc adhuc durantis visas & perlectas fuisse & placuisse, putavi vel inde satis superque constare posse de futura utilitate imbreSSIONis quam quò citius potui prosequutus sum in favorem vestri & promotionem boni publici. Valete in Domino & mei in sacrificiis & precibus vestris memores estote.

Vester ex animo ROB. Abb. Henn.

✠

LITERÆ IPSIUSMET
PRÆDicatoris ad
amplissimum & expertissi-
mum virum Dominum
D. ANDREAM TREVIGIUM,
Serenissimæ suæ Celsitudinis à Consiliis
& Medicinæ Doctorem, has Conci-
ones Parochiales scriptas videre ac
legere vehementer desiderantem.

Amplissime Domine. Benedicite mihi. *Ve-
stras accepimus quibus concionculas nostras
quas de debito Parochianorum hoc anno 1631. Ca-
meraci sub temporis Concilii Provincialis ibidem
celebrati in pleno conventu stationis ordinaria cum
Dei gratia pronuntiavimus, vobis ad aliquot dies
transmitti videntas & percurrendas desiderabitis,
ignoscite si non ita promptè respondimus votis ve-
stris, visum est enim nobis, ne tadium aliquod in
lectione ipsarum concionum, prout jacebant, pa-
teremini eas potius in formulam compendiosi cu-
jusdam tractatus redigere, simplicissimi tamen &
permodum quasiuncularum & ad eas responsi-
onum collecti, sic enim scrupuli, & dubia commo-
dius enodantur & doctrina clariùs faciliusq: com-
prehenditur: hæc igitur vobis transmitto, lecti-
oni ac judicio vestro plenè confido, addite emen-
date, aclete: Omnia mea vestra sunt, & quo-
ni*

nam semper vereri soleo ne aliquid in sit quod
vel tantillum Religiosam modestiam dedecet: ro-
go vos de hoc me monere cum omni Christiana
liberalitate libertateq; & lubentissimè quibuscunq;
correctionibus vestris acquiescam. Scit enim Do-
minus quo zelo & fine de subiecto hoc pro sug-
gestu sub illud Provinciale Concilium dixi ur-
gentibus etiam me hortatu suo piissimo eruditis-
simis & primariis Ecclesiasticis viris. Ideo e-
nim imprimis rem hanc tractavi in Parochia sta-
tionali ut obedirem Sacrosancto Conc. Trid. Item
Bulle Clementis Octavi qua nobis Regularibus ar-
cte ex autoritate Apostolica precipitur frequen-
ter in concionibus & catechesibus nostris hortari
& monere populum ad reverentiam Parochorum
Missamq; eorum audiendam, diebus infra dicen-
dis. Secundo, ut Divinam sacerrimamq; Sedis
Apostolica, & Ecclesia Christi Domini Sponsa
authoritatem in hac temporum malignitate plebi
fidelium suscipiendam reverendamq; curarem: in-
sinuando quàm sapiat animam Catholicam Ec-
clesiamq; filiam, obedire simpliciter & cordialiter
Summi Pontificis & Patris nostri sanctissimis de-
cretis, statutis, Canonibus, ordinationibus, moni-
tionibus, consiliis, hortamentis & desideriis, ea-
rumq; præponendo sine ulla hesitatione quibuscun-
que aliis quorumvis hominum passionibus contra-
riis. Tertiò, ut Reverendissimos Dominos E-
piscopos pro mea tenui parte juvarem in illa ipsa
(qua certè in Tridentino, ipsis imposta est ex
præ-

præcepto) cura monendi populum de suo ad Pa-
rochiam debito. Quartò, Ut hujus obsequii ex-
hibitione tentarem aliquatenus consolari Domi-
nos Paroebos super desolatione suarum Parochia-
rum meritò afflictissimos. Quintò, Ut pro mea
conscientia exoneratione animabus idiotis ignorantiam
sui debiti veritatem palam facerem, earumq; cer-
tiori directioni ac saluti consularem. Sextò, ut
maculam illam à nobis Religiosis omnibus propul-
sarem quod putemur ad nostrum proprium inte-
resse attendentes avocare Parochianos à suis Pa-
rochiis & ad nostras Ecclesias attrahere contra
Iura & Canones Ecclesie. Septimò, ut ma-
lam illam radicem secare satagerem modernam
inquam secularium inobedientiam Ecclesiarum Pa-
rochialium desertivam & contemptivam. unde in-
fallibiliter consequitur hodiernus (præsertim in
Flandria nostra antehac alioqui tam Parochia-
na & devota) Dominorum Pastorum contem-
ptus, doctissimorum licet, & in Theologia gra-
duatorum, moribusq; & vita exemplarium: ex-
quo contemptu deplorabili, tanta sensim pullulant
scandala & incommoda ut R. P. Canisius Soci-
etates IESU ad illud Evangelii. Ego sum pa-
stor bonus. Meritò dixerit communis contem-
ptus ac neglectus Pastorum. qui nunc passim ir-
repsit omnium ferè malorum hæresum ac Schisma-
eum fontem & fomitem prabet Octavò, De-
niq; ut ex anino promovere conarer gloriam Do-
mini qui tunc maxime à suis fidelibus honorari
cre-


credendus est, cum ei humiliter obeditur, & sanctissima ejus voluntas (qua per Ecclesia Romanae sacras ordinationes innotescit & exprimitur) sicut in celo & in terra a dimpletur: ad quod ut fideles congruentius inducerentur conciones istas edisserui, & in hanc formulam vobis lubentius & distinctius legendas collegi ac modo mātto, quantocyus tamen mihi certa manu remittendas cum vestra bona venia.

AMPLISSIME DOMINE.

Tuus in Domino F. B. C. I.



Reim



REIMPRIMATUR

M. STANISLAUS MAM-
CZYNSKI J. U. D. & Pro-
fessor CANONICUS Cathedra-
li Cracoviensis, Universitatis
Cracoviensis PROCANCEL-
LARIUS, JUDEX SURROGA-
TUS.






APPROBATIO

PAROCHIANUS OBEDIENS Du-
aci Impressus apud Ioannem Ser-
rurier, & à Doctoribus Catholicis ap-
probatus cum sanam & utilem do-
ctrinam contineat iterum typis man-
dari potest datum Roth. in Palatio
Archiepisc. die decima septima Maij
1634.

*Petrus Acarie Theologus Roth.
Eccles. Vic. Generalis.*





A P P R O B A T I O

Bipartius hic Tractatus, cui titulus est. **PAROCHIANUS OBEDIENS**, compositus per R. P. B. B. C. P. nihil habet, sanæ fidei contrarium. vel à bonis moribus alienum, sed potius zelosè simul ac dilucidè docet, quantam olim habuerint, & etiamnum habeant obligationem Christi Fideles ad frequentandam Ecclesiam suam Parochialem, tum ad Missam, tum etiam ad Verbum DEI in ea audiendum Dominicis saltem diebus, maioribusq; Festis.


Itaque cum scopus præsentis Tractatus, non alius sit quàm ut Matri Ecclesiæ debita reverentia ac obedientia præstetur, populus, que ad officium suum, & ad antiquam ac laudibilem consuetudinem revocetur, dignus omninò videtur qui prælo committatur, ut in lucem emissus ab omnibus legatur. Actum Duaci die 8. Augusti. 1633.

GEORGIUS COLVENFRIUS S.

Theol. Doct: ejusdem Regius Ordinariusq; Professor Collegiata Ecclesiæ S. Petri Præpositus & Canonicus, Duacensis Universitatis Cancellarius, & Librorum Censor.

THEODORUS VAN COVVERDEN,

S. Th. Doct. ejusdemq; in Alma Universitate Duacena Regius ac Ordinarius Professor.



C E N S U R A.

PAROCHIANUS iste OBEDIENS
veterem & fugitivam avorum no-
strorum consuetudinem firmis argu-
mentis retrahere, id est, multorum
pia vota implere conatur. Nec fru-
stra fortassis esset, si homines tam ca-
pide quæ sunt JESU CHRISTI, quam
e & sua diligenter.

Interim Libellus doctrina, pietate,
prudencia plenus est, & videri ac lu-
cem videre meretur. Lovanii ilj. Id.
Febr. cio. lxx XXXIII.

LIB. FROMONDUS.

S. Th. Doct. & Profest.

Ordinar. Libror. Censor

Archiepiscopalis.





CANON Conc. Tridentini, de audi-
endo VERBO DEI. *Sess. 24.*

De reformatione Cap. 4.

Moneatque Episcopus po-
pulum diligenter, teneri u-
numquemque Parochiæ suæ
interesse, ubi commodè id fie-
ri potest, ad audiendum
VERBUM DEI.





CANON ejusdem Conc: Trid. *Sess.* 22.
in Decreto de observandis & evi-
tandis in celebratione Missæ.

Doceantq; populum, quis sit,
& à quo potissimum prove-
niat sanctissimi hujus Sacrifi-
cii tam pretiosus ac cælestis
fructus. Moneant etiam eun-
dem populum, ut frequenter
ad suas PAROCHIAS saltem
DIEBUS DOMINICIS, &
majoribus FESTIS accedant.



PRÆLIMINARIA QUÆSITA.

De


Parocho & Parochia

Q. 1. *Quid nomine Parochi indicetur:* Re-
cum Barb. de Off: Par. p. 1. & 1. a-
pud Ethnicos eos dictos *Parochos*, qui
legatis publicè Romam missis victui necessa-
ria suppeditabant. Apud Christianos verò eos
dici *Parochos*, qui Episcopi autoritate Ec-
clesiis Præfeti, Divini Verbi, & Sacramen-
torum pabulum ad pascendas animas submi-
nistrant. Alio nomine *Parochus* dici solet
Plebanus à Plebe, vel populo. cujus curam ge-
rit C. scriptum est. de Elect. Solet etiam di-
ci *Rector* à regimine, quod in subditos exer-
cet. C. 1. de capell. Monach. cap. 3. de
vita, & honestate Clericorum. Item *Cura-*
tus à cura, quam ex officio in commissos si-
bi habet. Barb. de potest. parochi, p. 1. n.
11. Item *Pastor* ab ovibus, quas pascendas
suscepit. Item *Sacerdos proprius* ab officio,
quod potestate Ecclesiastica ipsi soli respectu
horum subditorum est collatum. in cap. O-
mnis utriusq; sexus. de pœnit & remiss. Item
Paracus ab incolatu sibi designati domicilii.
L. pupillus ff. de verborum significatione.
§. Incola.

Q. 2.

Q. 2. *Quid dicatur Parochia?* R. Parochia proprie est locus, in qua degit populus alicui Ecclesiæ deputatus, ac certis finibus limitatus. *Ægid. Bellam. Conf. 38. n. 8. apud Barb. cit. Constituitur non minus quam decem domibus, distinctis, & familiis. C. Unio. 10. q. 3. limitatur verò sic, ut nec ipsi in alia, nec alteri in ipsa quidquam agere liceat. Calcan. Conf. 34. ex n. 10. apud Bellamer. cit. A Parochia dicitur Ecclesia Parochialis. Bellam. loc. cit.*

Q. 3. *Quæ requirantur ad constituendam Ecclesiam Parochialem?* R. 4. esse requisita; primum est potestas fori pœnitentialis. 2. Locus certis finibus constitutus. 3. Ut Parochus curam exercent nomine suo. 4. Ut suo nomine singulariter, & non cum aliis ad regimen admittatur. *Rota Cur. Rom. Decis. 52. à n. 1. usque ad 19. Unde sepultura, jus ad decimas, asservatio Sanctissimi, non probant Ecclesiam Parochialem, nisi præsumptivè. Ecclesia Parochialis est beneficium Curatum, non tamen vicissim. Ut constituatur, requiritur autoritas Episcopi, cujus est eam designare. C. Nullus omnino. XVI. q. 7. Si plures sint Ecclesiæ Parocho designatæ, una dicitur Mater, reliquæ Filiales.*



✠(H)✠

PAROCHIANUS

O B E D I E N S.

SIVE

T R A C T A T U S

D E

VERBO DEI

Audiendo in Parochia sua diebus
Dominicis & Majoribus Festis.

Q. 1. *AN Parochiani debeant audire verbum
Dei in sua Parochia?*

R. Quod sic, qualiter & quibus die-
bus hoc debitum sit implendum jam jam di-
cemus.

Q. 2. *An Parochiani omnes teneantur in Pa-
rochia sua audire concionem, saltem omnibus die-
bus Dominicis & solemnibus Festis si habeant com-
moditatem?*

R. Quod sic: idque ex jure communi novo,
ultimi Oecumenici Concil. Trident. sess. 24.
de reform. ca. 4. per expressissimum Ca-
nonem.

Q. 3. *Quis est ille Canon Tridentini obligans ad
concionem parochialem dictis diebus?*

RESP. Quod sit hic dicta sessio 24. de
ver-

verbo ad verbum : Moneatq; Episcopus populum diligenter teneri vnumquemque parochiæ suæ interesse vbi id commodè fieri potest ad audiendum verbum Dei.

Q. 4. An quia statim initio jam citati Canonis ponitur hac vox (Moneat) sit putandum (sicuti quidam visus est velle obijcere quod parochianis, audire verbum Dei in parochia, dictis diebus, stante cōmoditate, sit solum consilii meræ libertatis ?

R. Quod non : ratio est, quia hæc per Episcopos adhibenda monitio, non est de re relicta optioni populi, sed de re omninò obligatoria ex virtute verbi Teneri. Præterea etiam si abesset verbum Teneri: ista consequentia non valet. Monendus est aliquis de re aliqua, ergo non obligatur ad eam. Paulus Actorum cap. 20. valedicendo fidelibus quibusdam; loquebatur eis de necessariis ad salutem, ad quæ ipsi obligabantur; & tamē ibi adhibebat vocem Monendi. Non cessavi. inquit, cum lachrymis monens vnumquemq; vestrum. Item Tit. 2. Hæc loquere, inquit & exhortare, nempe vt senes sobrii sint, sani in fide, anus similiter non criminatrices. En monentem de obligatoriis. Conciones sacræ quid aliud sunt, quàm perpetuæ monitiones ad peccatores de parendo præceptis. ad quæ ipsi obligantur? vnde vir vel tenuiter Theologus statim aduerterit hæc inter se jesse distinguenda : Præcipiens: præceptum: obligatio: monens: monendus.

Præ.

OBEDIENS.

37.

Præcipiens est Concilium gnerale: Præceptum est Canon jam supra quaesito. 3. à nobis expressus: Obligatio est ipsum conscientiae vinculum: Monens sive monitor de quo mentio in Canone supradicto, est ipse Episcopus: Monendus autem, est ipse populus Parochianus Cùm itaque Patres Concilii mandant vt Episcopus moneat, non volunt significare, ut ipse Episcopus præcipiat sive ut aliquod de ea re præceptum condant, cùm ejusmodi præceptum præsupponatur jam esse antea ab ipso Concilio conditum: sed solùm, ut diligenter per suas monitiones intimet populo suam obligationem ad parendum præcepto ipsius Concilii, & curet seriò illud præceptum deduci ad praxim.

Q. 5. An verbum, Teneri, in nostro Canone posito in quaesito. 3. importet obligationem præcepti, seu in conscientia?

R. Quod sic, & quidem ita expressè vt de hoc nullatenus debeat dubitari.

Q. 6. Quomodo probari potest 1. vocem Teneri importare obligationem ejusmodi?

RESP. Ex eo quod in materia obedientiae Legum Teneri & obligari sunt synonyma: sicut gladius & ensis porta & janua.

Q. 7. Quomodo idem probari potest 2do?

RESP. Per hoc inconueniens. Nam si demus vobis ex conniventia, auferri à voce Te-

teneri obligationem conscientiae: tunc peto, quod restabit ei significatum proprium & genuinum? praesertim in hoc nostro Canone? Quid inquam erit illud tam serio, tam diligenter, tam necessario (juxta mentem Concil. in Decreto de Reformatione) per Episcopos plebi inculcandum? hoc est quid importabitur tunc juxta sensum Patrum, per vocem *Teneri* nudumne tantum consilium? Nemo, ut puto, sani judicii hoc dixerit: nā & est falsum & implicat contradictionem, aliquem teneri ad id quod est tantum consilii: esset enim respectu ejusdem teneri & nō teneri. Iam autem Practicabilia ad quae facienda nos urget Superior legitimus, oportet continere alterutrum nudum scilicet consilium monitionemque simplicem, aut absolute praceptum, eoque obligativum in conscientia: cum igitur *Teneri* non sit vox continens nudum consilium, convincitur omnino continere verum praceptum.

Q. 8. Quomodo et id probari potest idem, nimirum in voce Teneri importari veram praepi obligationem?

RESP. Sic posse probari. *Teneri* & obligari, ut ante dicebamus sunt synonyma; continentq; pari significato non nudum consilium, sed vere praceptum: ergo obligatio quam importat, est praepi proprie dicti & in conscientia est effectus immediatus, necessarius &

reci

reciprocus respectu præcepti ex quo resultat :
jam verò causa necessaria & effectus neces-
sarius, inferunt se mutuo quo ad existentiam:
proindeque ubicunque est vera obligatio, ibi
quoque infallibiliter subest præceptum, sicut
si dies est, etiam est sol lucens: si luna est
eclipsis, etiam est interpositio tertia inter solem
& lunam. Cur autem infallibiliter ex vera
obligatione inferatur præceptum, idè est quia
obligatio non nascitur nisi ex præcepto, siue
interim illud præceptum sit juris naturalis,
siue positiui divini, vel humani: Extra hæc
enim, nulla inveniri potest obligatio consci-
entiæ, sed mera libertas. At verò Canon Con-
cil. supra dictus continet jus humanum Ec-
clesiasticum commune, novum, siue legem hic
et ubique receptam ac promulgatam. Teste
autem Diuo Thomâ 1. 2. q. 92. art. ult: legis
proprium est obligare in conscientia; ergo
hic Canon ut pote lex per vocem *Teneri* obli-
gat in conscientia. Hoc autem facile est exem-
plò declarare: Nam sicut funis seu vinculum
materiale, ibi ligat bovem, ubi eum tenet &
ipse bos ubi tenetur, ibi ligatur, verbi gratiâ
in cornibus: ita vinculum præcepti spirituale,
ibi ligat seu obligat hominem, ubi eum tenet,
nempe in anima seu cōscientia. Vinculum autem
illud conscientia, est ipsa præcepti obligatio,
ergo illa obligatio est in cōscientia; In qua
enim

enim alia sui parte teneri & ligari posset creatura libera & rationalis & spiritualis quatenus talis. nisi in anima, spiritu, ratione, seu conscientia per vinculum legis? quod quidem vinculum propterea bestias ipsas ligare non potest, quia carent conscientia & ratione.

Q. 9. Quomodo 4to probari potest hanc eandem vocem Teneri obligare parochianos in conscientia?

Resp. Posse idē præterea probari autoritate Eximiorum Dominorum Doctorum Universitatis Duacensis, qui omnes ibi supponunt præceptum, & per consequens, obligationem conscientia; & particulariter idem sentit Dominus Spagnolæus Doctor & Præpositus Congregationis Oratorii, qui nuper de hac ipsa certissima præcepti, (dequo agimus) obligatione, prolixam & solidam orationem habuit in confesso Doctorū dictæ Duacensis Academiæ: imo præterea in suis ad summulam Cajetani *Annotationibus*, nuper Duaci impressis dictam obligationem Parochianorum veraciter elucidat: quas etiam Romam videndas misit, & placuit.

Q. 10. Quorum 5to autoritate probari potest vocem Teneri, à Conditoribus statutorū usurpatam, continere obligationem præcepti?

Resp. Idem probari autoritate omnium Doctorum Franciscanorum: nam Sanctus Bonaventura Cardinalis & Doctor Seraphicus,
San-

Sancti præterea *Antonius Paduanus, Bernardinus, Ludovicus, &c.* Imo universus Ordo S.

Francisci, ante quadringentos annos: cum præter illa præcepta formalia, quæ in regula sub verbo, *Præcipiendi per sanctam obedientiam*, continentur, attenderet esse quasdam alias ordinationes sub solo verbo *Teneri*, positas: nunquam ausus fuit aliter sumere vocem *Teneri*, quam præceptivè & obligatoriè in conscientia, igitur sic sentiendum est indubiè de significato illius vocis in materia statutorum.

Q. 11. Quomodo bto probatur vocem. Teneri. in materia statutorum continere vim præcepti?

Resp. Id probari posse præterea, & quidem peremptoriè, ex decisione super hoc facta in Concilio Viennensi per Clementem 5. in sua Clementina *Exiui* de verborum signif. libro quinto Clementinarum tit. 11. ubi dictus Sanctissimus Papa resolvit quod in Regula Minorum, ubicunque ponitur illa vox *Teneantur*, quantumvis scilicet nuda & sola, obtinet vim præcepti, & tanquam tale debere à toto Ordine servari declarat: Et quamquam vox dicta fuerit posita in Regula Minorum à S. Francisco, dictante JESU CHRISTO, non autem ab ipso Concilio Viennensi, vel Clemente Papa, quia tamen Papa est supra omnes Ordines eorumque Regulas, ad eumq; pertinet eas in vero sensu explicare, & Fratrum

Regu-

Regularium conscientias in dubio de conscientiae obligatione, extra scrupulum ponere, dignatus est in dicto Concilio prædictam vocem, *Teneri*, explicare (conformiter utique sensui Curiae Romanae, styloque ac usui terminorum in Conciliis) præceptorie & obligatorie, & ut præceptum debere observari de Patrum Concilii sensu, exposuit. Ecce Concilium universale, & Sancta Sedes Apostolica, extunc, consulta & rogata de genuina significatione vocis *Teneri*, respondit & decidit, ut supra. Quid igitur mirum, si eadem Sedes Apostolica in suo (alio Concilio Tridentino universali eodem suo stylo ac vocabulo, *Teneri*, utens) intelligenda sit per idem ipsū vocabulum expressisse vim præcepti? Itaq; indubie dictus Canon supra Quæsito 3tio. positus ob vocem *Teneri*, obligat in conscientia parochianos, instar scilicet aliorum omnium præceptorum: ideoque & sub aliquo peccato, hoc enim est obligari sub peccato, quod obligari in conscientia: quod re vera commune est omni omnino præcepto.

Q. 12 *Quid senserit de sensu dicti Canonis Tridentini: & vi vocis Teneri, S. Carolus Borromeus?*

Resp. Eandem veram Parochianorum, audiendi in parochia verbi Dei, diebus Dominicis & majoribus Festis obligationem (si scilicet adsit commoditas) optime probatam relin-

linqui, testimonio & prædicationibus, specu-
 li verorum Pastorum S. Caroli Borromæi:
 qui fuit Nepos Pii quarti, & unus ex Cardi-
 nalibus Patribus Concil. Trid. Qui proinde
 probè novit quo zelo reformandi disciplinam
 Ecclesiasticam, quoque sensu sacrosancta Syno-
 dus, cui ipsemet intererat. cujusque cum aliis
 Patribus sanctiones & Canones concipiebat
 & juratus subscribebat: novit, inquam, quo
 zelo & sensu dicta Synodus intenderit *Tene-
 ri*, plebem ad verbum Dei parochiale, in
 dicto suo Canone supra Quæsito 3. à nobis
 hic expresso. Ipse autem Canonem istum vo-
 cemq; *Teneri*, cum vera obligatione præcepto-
 ria intellexit; de qua ejus mente nemo dubi-
 tare potest, si duo quædam attendat. Unum
 est: manifesta ipsa distinctio quam adhibet
 circa hoc in literis suis Prouincialibus, inser-
 tis in Concilio Provinciali Mediolanensi sex-
 to; quas integre citabimus in posteriore parte
 hujus nostri Tractatus, ubi agemus seorsim
 de debito audiendi Missam parochiæ, nunc ve-
 rò tantum earum particulam ad præsens propo-
 situm nostrum assumemus, quæ talis est. *Et nu-
 per sacra Tridentina Synodus Oecumenica, ab E-
 piscopo fideles non solum hoc moneri voluit, ut fre-
 quenter ad proprias parochiales Ecclesias saltem
 Dominicis diebus Festisque majoribus accedant,
 sed illud etiam diligenter ostendit unumquemq;*

Tene.

Teneri. ubi commodè fieri potest, parochia sua interesse ad audiendum verbum Dei; ac proinde id praeerea statuit, à Parochis, animarumvè Curatoribus inter Missarum solemnias, aliquid ex iis quæ in Missa leguntur exponi. & sanctissimi illius sacrificii mysterium aliquod explanari, plebes sibi commissas salutaribus verbis pasci, easq; doceri, quæ scire omnibus necessarium est ad salutem. Hactenus literæ. Ubi dū S. ille Cardinalis dicit quòd sacrosancta Synodus Non solum moneri voluit (scilicet parochianos de frequentatione propriæ parochiæ, loquendo de frequentatione generaliter) sed illud etiam, diligenter, ostendit vnumquemque Teneri, &c. (scilicet ad verbum Dei parochiale audiendum) dum inquam sic loquitur, fatis ostendit differentiam esse, inter Moneri absolutè, & teneri. Et hoc. plus dicere & continere, quàm istud, nimirum certissimam obligationem: quam tamen non importat vox, moneri. Hæc enim duo longè diversa, Synodus monet: & Synodus declarat & ostendit teneri. Vnde licèt sit contenta simplici monitione, ubi igitur de frequetatione parochiæ in genere, quo ad qualiacunque officia quæ fiunt in parochiali Ecclesia: dum tamen eadem S. Synodus descēdit determinatè ad verbum Dei, tum aliter se gerit, & diligenter ostendit (ait S. Carolus) vnumquemque Teneri. Vnde etiam ex mente S. Caroli sancta Synodus plus
 impor-

importari vult in voce *Teneri*, quàm significatum nudæ monitionis aut consilii: alioquin non diceret *Non solum moneri voluit sed diligenter ostendit teneri*: proinde debitum audiendi verbi Dei in parochianis non est debitum nudæ monitionis vel consilii, sed præcepti: non est optionis. sed vinculi: non est libertatis, sed necessitatis: non est de actu vel re indifferente, sed plebibus ex obligatione imposita. quod vel etiam hinc satis colligi potest, quod S. Carolus hunc ipsum Canonem de verbo Dei audiendo in parochia, in dictis literis suis vocet decretum, statim hæc subiungens: *His igitur ejusdem Tridentina Synodi decretis &c.* decretum autem de actu faciendo, obligat subditos ad illum, præsertim cū intentionem suam obligandi exprimit per vocem *Teneri*.

Alterum quod supra monuimus attendi debere, ex quo facile colligi possit vocem *Teneri* in dicto Canone, obligare parochianos in conscientia, etiam de mente S. Caroli, est ejus penè incredibile & indefatigabile studium, labor, anxietas: fervor, Zelus & quotidiana instantia, in reductione plebis ad parochias suas procuranda: Confestim enim post confirmata ab Avunculo ejus Pio 4. S. Concil. Trid. decreta, ipse velut exemplar Pastorum capit exemplari sollicitudine satagere ut populus intel-

intelligeret se teneri ad id de quo nunc tractamus, ut in propria Ecclesia Parochiali, verbum Dei diligenter perciperet, & quidem inter Missæ Parochialis solemnia. Immo ad id sollicitè faciendū suæ Provinciæ Coëpiscopus pressit, perſuasit, induxit: secum profundè reputans, aurea illa dicti Canonis verba. *Moneatque Episcopus populum, diligenter unumquemque teneri, &c.*) adse pertinere: diligenter, inquam, ut proinde in hoc ipso, quasi infinitam posuerit diligentiam. quia incredibili affectu, populi salutem diligebat: vox enim diligenter à diligendo deducitur. Cum itaque nobis constet de vera obligatione parochianorū, juxta mentem S. Caroli Cardinalis quā collegimus ex dictis, scriptis, & factis ejus, ut jam patuit. relinquitur in verbo *Teneri*, includi præceptum: & veram in conscientia obligationem resultare.

Q. 13. An & ubi Franciscus Suarez Societatis JESU, aliquid de hoc Canone Concilii Tridentini, & supra dicta voce Teneri, scripserit?

Resp. Quod pauculum quidpiam scripserit, idq; super 3. part. D. Thomæ, ad quæst. 87. art. 6. Disputatione verò sua 88. sect. 2. ex occasione Missæ parochialis.

Q. 14. Quæ sunt ipsissima verba Suaris loco jam citato posita?

R. Hæc esse (supposito tamen Canone Tridenti-

dentini de verbo Dei á Parochianis audiendo, quem præallegat, & antea Q. 3. hujus tractatus expressimus) hæc inquam sunt ejus verba: Et illa obligatio, si in rigore sumatur pro obligatione præcepti, non est absoluta, sed supposita commoditate, ut Concilium loquitur & doctrina necessitate, sine qua præceptum affirmativum non solet obligare, quando lex ipsa, tempus non determinat: ad audiendam enim concionem nullum hactenus est tempus lege præscriptum.

Q. 15 An ex illis Suarez verbis, constet eū nobiscum sentire: nimirum Canonem prædictum esse obligativum, & vocem Teneri, includere veram præcepti obligationem?

R. Quod sic; nam exponit vocem Teneri supponendo eam continere obligationem in rigore præcepti quā supposita cæteras Canonis seu statuti dictiones cursim glossat.

Q. 16 An Suarez hanc Canonem de obligatione Parochianorum audiendi verbi Dei in Parochiali Missa, bene glossauerit?

R. Quod non: quod antequam ostendamus hic videtur interserenda Bulla confirmationis Concilii Trid: edita à SS. Domino N. Pio 4. saltem pro ea parte quā huc facere videbitur.

Q. 17. Quid habeat dicta Bulla Pii 4. contra glossatores statutorum Concilii Tridentini edita Anno 1563.

R. Sic habere: Ad vitandum præterea perversionem-

sionem & confusionem qua oriri potest, si unicuique liceret, prout ei liberet in decreta Concilii, commentarios & interpretationes suas edere; Apostolicâ authoritate inhibemus omnibus tam Ecclesiasticis personis cujuscumque sint ordinis conditionis & gradûs: quàm laicis quocunque honore ac potestate præditis; Prælati quidem sub interdicti ingressus Ecclesiæ: aliis vero quicunque fuerint, sub excommunicationis latæ sententiæ pœnis, ne quis audeat sine authoritate nostrâ ullos commentarios glossas, annotationes, scholia ullumvè omninò interpretationis genus super ipsius Concilii decretis, quocunque modo edere aut quidquam quocunque nomine etiam sub prætextu majoris decretorum corroborationis, aut executionis aliove quæsito colore statuere. Si cui verò in eis aliquid obscure dictum & statutum fuisse eamque ob causam, interpretatione aut decisione aliqua egere visum fuerit ascēdat ad locum quem Dominus elegit, ad Sedem videlicet Apostolicam omnium fidelium magistram cujus authoritatem etiam ipsa S. Synodus tam reverenter agnovit. Nos enim difficultates & controversias si quæ ex eis decretis ortæ fuerint nobis declarandas, & decidendas, quemadmodum ipsa quoque S. Synodus decrevit, reservamus: parati sicut ea merito de nobis confisa est omnium Provinciarum necessitatibus

ea ratione quæ nobis commodior visa fuerit providere: decernentes nihilominus irritum & inane si secus super his à quoquā quavis auctoritate scienter vel ignoranter contigerit attentari. Hactenus Bulla Pij 4.

Q. 18 An Suarez bene glossaverit decretum seu canonem Concilii supra à nobis Q. 3. expressum de audienda concione Parochia?

R. Quòd non, ut patebit examinando Suarez verba supra à nobis Q. 14. posita. Quamvis enim in sua illa brevicula glossa processerit supponendo per vocem *Teneri* importari obligationem præcepti in parochianis: tamen præmittens voculam *Si* visus est quasi voluisse de hoc dubitare, num scilicet illa obligatio esset præcepti cum tamen ut supra ostendimus Q. 8. nulla sit vera obligatio, nisi orta ex præcepto sive interim juris naturalis, sive post Divini humani, cumque Concilium Viennense declarârit in voce *Teneri*, contineri præceptum in Regula Minorum. Et certè sensus communis hominum perpendens Concilium Oecumenicū Trident: loqui ibi de re gravissima nimirum de reformanda disciplina fidelium, statim hoc advertere potest, quid enim est *Teneri*? aut quâ alia magis propriâ ac efficaci voce potuisset S. Synodus tuam obligandi intentionem exprimere: proinde Suarez malè dubitavit de mente S. Synodi.

Q. 19. An Suarez rectè prosequatur suam Canonis Tridentini glossam dicendo: ista præcepti obligatio non est absoluta, sed supposita commoditate?

R. Quod sic: ea siquidem parte nil adulterat vel mutat de sensu & verbis Concilii: nam vero sic habetur in dicto Canone: *Vbi commodè fieri potest*: unde parochiani ob rationabilem causam legitimè impediti, non obligantur interesse concioni parochiali; sed viderit persona parochiana cum se absentat an id fiat ex legitimo aut rationabili impedimento & num ea ex parte agat sincerè & bona fide cum Domino Deo suo, qui intuetur cor.

Q. 20 An Suarez glossando Canonem præfatum, rectè addat, non obligat, nisi supposita doctrina necessitate?

R. Quod non: Ratio prima est: quia hoc addit de suo, Concilium enim id non habet. Ratio secunda est, quia esto verum esset hunc Canonem non obligare nisi in tempore necessitatis doctrinæ (quod tamen concedimus tantū gratis & loquendo ad hominē) adhuc plebs teneretur parochiam adire diebus à Concilio determinatis doctrinæ excipiendæ causa: quia præceptum & statutum illud sacrosanctæ Synodi respicit, non hanc vel illam personam, sed populum universum at verò in populo semper est necessitas doctrinæ præsertim illius quam SS. Synodus sess. 5, cap. 2. vult continuo inculcari,

nem.

nempe ut doceantur de scitu necessariis ad salutem, de virtutibus & vitiis &c. Ratio tertia est quia (& utinam hoc benè expendisset Pater Suarez) necessitas verbi Dei populo, dictis diebus, in parochiali Missa administrandi, non est solum ad docendum & erudiendum, (ne alioquin de Ecclesia fiat Academia) sed insuper & quidem principaliter ad convertendū, ad terrendum, ad animandum, ad inflāmandum, ad commonendum, & eo zelo ac fervore animas peccatrices concutiendum sancto Spiritu adjuvante, ut jactū fideliter illud verbi divini semen, operetur timorem salutarem divinorum judiciorum, non minus in speculative doctis, quā in idiotis, satis enim obvium est, quod multi multa sciunt, non ideo tamen sanctius vivunt, quin ut plurimum, sua scientia vanè inflati dureſcunt, & evaneſcunt in præſumptionibus suis, ut proinde illis vel maximè, sit necessarius Dei sermo, vivus efficax, & penetrabilior omni gladio ancipiti, quo feriantur in anima, vulnere ntur in conscientia rea humiliantur in corde: quò jam parvuli facti, illuminentur à Spiritu Dei ut possint nunc dicere, in veritate Domine JESU verba vitæ æternæ habes, declaratio sermonum tuorum illuminat & intellectū dat parvulis: Beati qui audiunt verbum Dei & custodiunt illud. Ratio quarta est: esto necessitas doctrinæ & instructionis populis sit unus ex

finibus à SS. Synodo intentis non tamen iste est solus finis. Unde licet tu parochiane, audiens in alieno templo concionem, esses ibidem sufficienter de necessariis instructus, non es tamen propterea liberatus & exemptus ab audiendo verbo Dei in Ecclesia tua parochiali: *Tum* ideo quod Sacrosanctum Concilium neminem ab ista obligatione exculet, si habet commoditatem *Tum* etiam quia, inquam, præter dictum illum finem doctrinæ necessariorum ad salutem, Patres Concilii. Trident intenderunt insuper finem alium sui præcepti, non minus sanè animabus & bono communi necessarium, nempe pulcherrimum illum ordinem debitæ oviam subjectionis ad suum ipsarum Pastorem intenderunt item bonum publicum spirituale per conservationem disciplinæ Ecclesiasticæ, quæ non parum in eo elucet, quod omnes *Parochianos sic in bono ordine & modestia statis diebus in propria Parochiali Ecclesia congregari, adunari, simul orare communicare, sacris mysteriis adesse, Dominum adorare & ei concertatis veluti feruoribus adhærere, mirum in modum excitet, nutriat, foveatque mutuam inter se charitatem, & indubiè exemplo sit, ad imitandam in divinis pietatem Ratio quinta est quia certius sacrosancta Synodus per hunc Canonem ejusque (si parochianis suppetat commoditas) perpetuam dictis diebus obligationem ad verbum Dei parochiale,*

voluit se ipsā firmitus assecurare de salute Parochiani cuiuscunq̃ ne videlicet verbi Dei pabulum dimittat ad quod ex SS Synodi decreto, obligationem habere se sentiat: voluit etiam cavere securitati conscientiaē Pastorum (quibus salutis ovium onus incumbit) faciendo per hanc in parochia comparandi obligationem, ut Pastoribus certius constare possit de conversatione singulorum si enim nulla penitus imposita esset ad parochiam pro verbo Dei obligatio, multi hic nec alibi illud audire curarent & frequenter facile à via mandatorum Dei deficerent & perirent:

Q. 21. An Pater Suarez rectè addat, ad audiendam enim Concionem nullum hactenus tempus est lege præscriptum?

R. Quod non: hoc enim dicendo contradicit Oecumenico Concilio Trid. quod sess. 5. cap. 2. determinat tempus Concionis Parochialis, nempe Dominicas & Festa solemnia. Ubi imposita præcepti obligatione Episcopis & Pastoribus prædicandi per se vel alios, mandat id fieri per hæc verba: Diebus saltem Dominicis & Festis solemnibus, sibi commissas plebes pro sua & earum capacitae pascant salutaribus verbis. Iam verò supra dicta obligatio audiendi verbum Dei ex ore Episcoporum & Pastorum, plebibus imposita sine dubio respicit & necessario refertur ad illos præscriptos dies, quibus illic tenentur ple-

B 2
bibus

bibus sibi commissis prædicare, atqui tempus & dies qui illi determinatè præscribuntur sunt Dominica & Festa solempnia; est igitur Aliquod ad audiendam in parochia concionem tempus lege præscriptum: & per consequens dictus Theologus malè glossavit hunc Canonem dicendo nullum hæctenus tempus esse lege præscriptum.

Q. 22. An Pater Suarez per suam illam glossã non tantum quia glossa est, sed & quia Concilio contraria incurrerit penam contentam in Bulla confirmationis dicti Concilii Tridentini quæ prohibet glossas super illius Decreta, sub pena excommunicationis?

R. Non esse meum de hac re judicare: ut omitam, quod fortasse dictæ Bullæ tunc aut memor non fuerit Iess: 5. c. 2. Tridentini Concilii, quo tempore id glossabat, non relegabat, & sic bona fide dixerit, quod dixit.

Q. 23 An Azorius aliquid scripserit de hoc statuto audiendæ Concionis?

R. Quod suarum institutionum Moralium parte 1. l. 7. cap. 3. loquitur de hac materiâ, in hæc verba *Septimò quaritur: An saltẽ Divinã Concionem, quæ ad populum diebus Dominicis & Festis habetur, audire præcepto cogamur? Inde hæc quæstio movetur quod Tridentina Synodus sess. 24. c. 4. de reformatione ait. Moneat Episcopus populum diligenter, teneri unumquemq; parochiæ suæ interesse, ubi id commodè fieri potest, ad audiendum verbum*

Dei

Dei. Et Paludanus 4. distinct. 15. quæst. 5. A. 2. concl. 2. dicit Est autem Ecclesiæ Conventus ad Missam & ad vespervas & ad sermonem quando fit in diebus festis, unde ad illum tenentur. Communis est sententia tali præcepto credentes non cogi: unde dicendum est Concilium cum ait (Ad audiendum verbum Dei) posse intelligi de sacris concionibus, vel de Evangelio quod in divino Missæ officio recitatur. Rursum docet Concilium Parochianos, si ad verbū Dei audiendum, aliquò se recipiant, oportere eos se ad suas parochias conferre, ubi id commodè fieri potest: non tamen simpliciter & absolute debere sacris concionibus interesse, sed in suis parochiis, ubi possunt id commodè facere. Item sess. 22. in decreto de observandis & evitandis in Celebratione: Missæ, ait Moneant Episcopi eundem populum ut frequenter, ad suas parochias saltem diebus Dominicis & Festis majoribus accedant. Ubi non dixit, cogant, iubeant, sed moneant. Hæc Azorius:

Q. 24. An Pater Azorius servârit dictam Bulam Pii 4. prohibentem, sub excommunicatione, gossas super Decreta Concilii Trid. saltim sine autoritate Papæ?

R. Quod charitas quæ non cogitat malum, & nihil agit perperam meritò nos monet ut ab isto iudicio supersedeamus, & istud iis ad quos spectat discutiendum, relinquamus.

Q. 25 An Pater Azorius hunc Canonem Tridentini de Verbo Dei audiendo in Parochia, benè glossârit?

R.

R. Quòd non: ut facillè erit videre discursum ejus Q. 23. positum per partes examinando

Primò enim dicit communem esse sententiam, *Credentes non cogi* (ubi, *cogi*, est terminus. improprie positus pro *Teneri*) cū Doctorum communis sententia sit contraria, ; nimirum *Teneri*, seu ut loquitur, *cogi* ut patuit ante Q. 9. 10. 11. Imò Conciliū ita statuit videlicet unumquēq̃ teneri. Nisi fortè suam, & unius atque alterius Regularis qui libenter sua ipsorum templa plebificarent, appellet sententiam communem. *Secundo* videns quod vox *Teneri* contineat præceptum, nec se possè, ex parte istius vocis ostendere Parochianos esse liberos à concione Parochiali : quid egit ? quæsiuit effugiū in glossando suo modo, hanc aliam vocem ejusdem Canonis, nempe *Verbum Dei*, omnino contra textum Concilii & Canonis intensionem. Ipse enim dicit per *Verbum Dei* sub disjunctione, indifferenter intelligi *Sacras Conciones*, vel *Evangelium quod recitatur vel cantatur in Missa* : cū tamen id sit omnino falsum: ratio est, quia in toto illo sessionis 24. cap. nil agitur de Missa, & nec ulla quidem sit mentio de illa toto illo capite, sed solummodò agitur per totum, & quidem expressissimè de functione prædicationis, ut patet legentibus. *Tertidò* inconvenienter loquitur : nam si Parochianus te-

nea-

neatur ad verbum Dei ut cantatur vel recitatur in Missæ officio, cur non similiter tenebitur audire Epistolam cū sit verbum Dei, aque ac Evangelium nisi forte per sacras conciones, intelligat ipsas epistolas & tunc omnino exclusa maneret prædicatio cū tamen de illa solā agatur toto illo capi. *Quarto* colligimus ex hac Azorii glossa vocem *Teneri* importare veram præcepti obligationem: eam enim supponendo transit ad glossanda alia decreti verba. *Quinto* hanc præcepti obligationem detorquet ad auditionem, Missæ, cū per verbum Dei intelligat Evangelium in Missa cantatum vel recitatum, ergo etiā Epistolam, quæ & ipsa quoque est verbum Dei cantatū vel recitatū & hinc colligitur eum tenere, quod audire Missā parochialem sit præcepti, nā alioqui ridicula esset obligatio ista, ad audiendum cantari vel recitari in Missæ sacrificio Evangelium, sic ut parochiani liberè ante Evangelium abessent, & post Evangelium discederent si vellent. Unde videtur Azorius plus concedere quam ab eo petatur, dū vult verba sess. 24. cap. 4. continere præceptum obligans sive ad concionem, sive ad Missam parochiæ, cum utramque posse intelligi putet sub nomine verbi Dei. Interim falsissimum est eo loco Concilii per *Verbum Dei* posse intelligi Evangelium in Missa cantatum vel recitatum, unde mirum est quid Author ille animo versaret, cū ita glossaret.

Q. 26. An Azorius benè prosequatur glossã suam dicendo, Concilium Tridentinum dicto loco docere, quod Parochiani si eant aliquò ad Concionem, teneantur ire ad parochialem?

R. Quòd non: Concilium enim non apponit in Canone suo voculam, (*Si*) loquitur enim absolute & absque *si* eant aliquò: proindeque omnes ligat in conscientia: Azorius è contra omnes liberat: cum per suum (*Si*) liberæ cujusque optioni relinquat ire vel non ire ad concionem: Itaque hoc est Synodi veneranda Decreta misere alterare.

Q. 27. An Azorius rectè addat, Concilium in allegato Canone docere, Parochianos simpliciter & absolute non debere audire concionem, sed in Parochiis suis?

Resp. Quòd non: sed è contra hoc esse pessimè & infideliter glossare, quod ut melius advertatur, consulendus est ipse Canon de verbo Dei audiendo, à nobis supra Quæsito 3. expressus, iterumque cum textu Azorii Quæsito 23tio positus: nam ibi sacrosancta Synodus simpliciter & absolute obligat ad concionem stante commoditate: præterea ipse Azorius sui ipsius verbis, sibi ipsi contrariatur, penè in eadem periodo: quin & duæ ejus propositiones as interimunt: nam ipse loquens de parochiani ad audiendam Concionem Dominicis & solè nibus Festis, stante
ici-

scilicet commoditate eam audiendi, dicit secundum Canonem quem glossat, *Parochianos simpliciter & absolute, non debere sacris concionibus interesse sed in suis parochiis hoc est, oportere eos se ad suas parochias conferre, ubi id commodè fieri potest.* Quæ duæ propositiones ut se mutuo euertere ostendantur, sic possunt manente eodem sensu exprimi in forma, *Prior quidem sic: simpliciter & absolute Parochianus non tenetur ad concionem. Posterior sic, Parochianus tamen tenetur ad concionem Parochia.* Ipse ambas ponit ut veras, cū tamen revera utraque illarum sit vera, statim inferat alteram falsam: itaque si prior sit vera, posterior erit falsa, & ex aduerso si posterior sit vera, prior erit falsa. Nam ne, negativè optimè proceditur à toto in modo ad partem, sive ut alii dicerent à magis communi negato ad minus commune negatum: exempli gratiâ, non bibo aquam, ergo non bibo aquam fontanam. non habeo equum, ergo non habeo equum ferocem. similiter per infallibilem consequentiam sequitur: *Parochianus non tenetur ad concionem, ergo Parochianus non tenetur ad concionem Parochialem, idque juxta hanc maximam topicam: de quocumque negatur totum in modo de eodem negatur & pars in modo: vel de quocumque negatur magis commune, de eodem negatur & minus commune.* Concio autem in genere est totum in modo

modo, & magis commune comparatione *Concionis Parochialis*. Si itaque hæc conclusio argumentationis nostræ, ergo, non tenetur ad *concionem Parochialem*, est vera: falsa erit ejus contradictoria, quæ erat propositio Azorii posterior, supra à nobis expressa, hæc videlicet *Parochianus tenetur ad concionem parochialem*. E contra, si posterior propositio Azorij hæc nempe: *Tenetur ad concionem parochialem*, est vera: sequitur per locum à parte in modo ad totum: vel à minus communi ad magis commune, affirmatiuè, hæc conclusio vera: ergo tenetur ad concionem, absolute scilicet & simpliciter loquendo, quâ existēte vera, sequitur ulterius istam esse falsam, *Parochianus non tenetur ad concionem* cum sit ejus contradictoria: illa autem erat prior propositio Azorii prius à nobis expressa. Ex qua discussione, patet verum esse quod initio diximus, nimirum Azorium tam malè glossare dictum Conc. Tri. Canonem de Concione, ut & sensum Canonis euertat & sensum in meta contradictionis inuoluat. At ne quis fortè dubitet num istæ duæ propositiones sint contradictoriæ *Parochianus tenetur ad concionem parochialem*, & *Parochianus non tenetur ad concionem parochialem*: quas jam nunc per legitimam consequentiam intulimus ex supra positis propositionibus Azorii *Respondeo* esse verè contradictorias, non autem subcon-

con-

trarias, licet altera earum non sit universalis exprello signo universalis: satis enim est sentu & significatione aut ambas, aut alteram esse universalem, & facile posse exprimi signum, saltem in affirmativa, constat enim ex Canone sess. 24. c. 4. *Omnem parochianum teneri ad concionem & proinde hæc universalis est vera: Omnis parochianus tenetur ad concionem Parochialem* cuius contradictoria est hæc, *Parochianus non tenetur ad concionem parochialem*, ambæ autem: ut iam ostendimus, asseruntur ab Azorio, una quidem expresse, altera verò implicite, quod satis est ut ejus glossam vehementer improbemus.

Q. 28. Quid aliud adducat Azorius ad ostendendum Parochianos non obligari ad audiendum verbum Dei in parochia?

R. Illum adducere per modum objectionis statutum Concilii Trid. sess. 22 in decreto de observandis & vitandis in celebratione Missæ quod est tale: *Moneant Episcopi eundem populum ut frequenter ad suas parochias, saltem diebus Dominicis & Festis majoribus accedant.* Azorii ergo ad hanc objectionem solutio est, Parochianos non teneri proinde ad concionem parochialem, quia (inquit) Concilium non dixit hic *Cogant, aut jubeant, sed moneant.* Quæ solutio partim claudicat, partim continet falsum. Claudicat, qui ex monitione adhibendâ, de faciendo aliquo actu, statim infert nullam esse obli-

obligationem ad illum ; cum potius è contrariò ut plurimum soleant moneri ii qui sunt obligati, ut scilicet satisfaciant suæ obligationi. Sicuti ergo ex eo quod soleant filii moneri de honorandis Parentibus patre ac matre, non sequitur quod non sint ad id obligati. Ita & hic ex eo quod Parochiani debeant per Episcopos moneri de frequentanda parochia non bene infertur, quod ad id non teneantur, saltem quantum attinet ad concionem Sufficienter enim : Concilium decernit & declarat teneri sess. 24. c. 4. quod ita esse, non est necesse hic repeti, sed debet supponi: hæc enim non pugnat ut scilicet Concilium uno in loco statuatur parochianos teneri ad frequentandam parochiā (intellige quantum ad concionem) & alio in loco velit eos de hoc moneri. Porro quod Azorius addit, quod Synodus non dixerit Episcopis *Cogant jubeant*, (scilicet Parochianos audire concionē in parochia dictis diebus stante commoditate) unde inferri posse putat Parochianos ad id non teneri: puerile est, nam jussio illa sive decretum obligativum ad id quod supra, est factum & conditum ex tunc ab Oecumenico Trid. Concilio: & proinde Concilium prudentissimè non dixit, *Episcopi id jubeant sed moveant*, scilicet jussum nostrum seu decretum executioni mandari. Et proinde manet Parochianos ad concionem in parochiā teneri,

ex parte Concilii licet de hoc debeat per Episcopos moneri.

Q. 29 Quomodo jam ab Azorio data solutio ostendi possit continere falsum?

R. Sic ostendi posse: dicit enim, quod Con. Trid. ubi in sess. 22. agit de frequentanda Parochia; Nondixerit Episcopis, Cogant Iubeant hoc autem falsum est: & solum remitto ad dictam sess. 22. In decreto de observandis & vitandis in Celebratione Missæ, quod incipit Quanta cura. Ibi enim sub finem immediatè post statutum jam à nobis Q. 28. citatum S. Synodus sic concludit. Hæc igitur omniaque summam enumerata sunt omnibus locorum Ordinariis ita proponuntur, ut non solum ea ipsa sed quaecumque alia huc pertinere visa fuerint, Ipsi pro datâ sibi à sacrosancta Synodo potestate, ac etiam ut deligati Sedis Apostolicæ, prohibeant, mandent, corrigant, statuunt: atque ad ea inviolatè servanda, Censuris Ecclesiasticis, aliisque penis quæ illorum arbitrio constituentur fidelem populum compellant: non obstantibus privilegiis exemptionibus apellationibus, ac consuetudinibus quibuscunque. Ecce, ut Episcopi exactius faciant observari ordinationem illam Concilii de frequentanda Parochia, unâ cum quibusdam aliis dicit expressè ut compellant & mandent quod idem est, ac cogant, jubeant quod tamen negat Azorius, ut proinde eius solutio ante data Q. 28. merito videatur continere falsum.

Q. 30. An qui prælumeret asserere revera Parochianos non obligari ad concionem Parochiæ, interim dum Concilium Trid. asserit & decernit eos teneri ille non sit injurius omnibus sacri Concilii Patribus?

R. Illum esse injurium: nam est illum habere omnes illos Sanctos Patres pro falsariis doctrinæ Catholicæ in Ecclesia Christi, quasi populum fidelem decipere volentibus sicuti verbi gratia. Merito haberer ego pro tali, si præsumerem publicare in hac Cathedrali Ecclesia Cameracensi, publicè coram toto hoc populo, tanquam doctrinam Catholicam, Omnes adolescentulas innuptas teneri vovere virginitatem & ingredi Religionem. Merito enim turbarentur & reclamarent dicentes. Ecce iste Ecclesiastes publicat & prædicat absolute in facie Ecclesiæ, Omnes urbis Virgines teneri ingredi Religionem & tamen ad id verè non tenemur.

Deinde est habere illos sanctos Patres pro non sincerè loquentibus: pro duplicibus corde habentibus obligationem in ore & tamen eam negantibus in corde: Dicentibus & statuentibus unum voce, & contrarium cogitatione: proindeque sibi ipsis contradicentibus: Si enim Teneri non sit reuera obligari: erit liberum reuera esse, non datur medium: sunt enim contradictoria in virtute, cum teneri & liberum esse in conscientia sit idem quod in conscientia Teneri & non Teneri.

neri. Absit etiam ut vel tenuissimam umbram suspicionis habeamus, quadrigentos & octo Sanctos Concilii Patres jocosos fuisse, quasi joco & pro nihilo dixissent *Unūquemque tene-ri* quando quidem cum infallibili assistentia Spiritus sancti ea sint elocuti decretivè & in sancta sinceritate, quæ per spatium octodecim annorum (quibus duravit Concilii celebratio) diuinitus eis fuerunt inspirata secundum quod eadem, cuique parochiano cum majori securitate ad salutem per suos pastores dirigendo, visa fuere necessaria.

Q. 31 An Concilium Trid. loquendo obligatorie de audiendo Verbo Dei in Parochia. loquatur conformiter juri antiquo Ecclesiastico?

Rcsx. Quod sic. Nam de Consecratione distinct. 1. cap. Sacerdote, ex Concilio Carthaginensi sic habetur *Sacerdote in Ecclesia verbum faciente, qui egressus de auditorio fuerit, excommunicetur.* Ex hoc vero textu evidens colligi potest argumentum, fuisse ex tunc præceptum obligans ad audiendum Verbum Dei, Concilium autem Trid. conformiter decernit hanc obligationem his verbis, *Teneri unūquemque cum hac solum differentia, quod præcepti quidem vinculum retinuit, sed excommunicationis pœnam sustulit: quæ nihilominus excommunicatio, in antiquo illo jure adjecta præsupposita, ex præcepto aliquo, obligationis, indubiè, signum fuit.*

Q.

Q³² *An obligatio Tridentini Concilii ad concionem Parochorum sit fundata in jure naturali?*

Resp. Quod sic. Quia ipsa ratio naturaliter dictat hoc. Si enim Pastor ipse seu Parochus tam strictè obligatur Dominicis & sollemnibus Festis populo fideli prædicare, ut habetur Conc. Trid sess. 5. cap. 2. Item sess. 24. cap. 4. Reuera omninò convenienter rationi naturali, exadverso subjecit obligationem in subiecta plebe, ad suos, ipsis iisdem diebus, Pastores audiendos, si commode fieri potest. Ratio est, quia cum Parochianus & Parochus sint Correlatiua: sicut etiam ouis & Pastor, plebs & plebanus: pascendus & pascens, obligationes eorum prout correlatiua sunt, debent etiam esse reciproca: proinde, si Pastor per aliquam functionem sui officii Pastoralis, debeat se habere actiue ad oves suas pastorales seu parochianas, infallibiliter sequitur, eas è converso debere se ad ipsum habere passivè: id est, debere se ei submittere, & modo ac tempore per Concilium determinato, ea suscipere quæ ipse Parochus dictis modo ac tempore, obligatur eis communicare. Cum igitur hæc mutua Pastoris & Parochianorum obligatio, quo ad verbum Dei prædicandum & audiendum sit fundata in ratione: optimè concluditur, supposita Pastorum ad prædicandum plebi obligatione, obligationem plebis ad

ad audiendum, fundamentum habere in jure naturali. Confirmatur argumento à simili: nam eodem modo, Concilium Tridentinum in materia Confessionis sess. 14. cap. 5. ex eo quò Sacerdotes, post JESU CHRISTI è terris ad cælos ascensum, relictì ab illo sunt tanquam ejus Vicarii, Præsides & Iudices, ut in foro pœnitentiæ, remissionis aut retentio- nis peccatorum sententiam super confitentes pronuncient, non possint autem hoc sibi im- positum judicandi officium exercere, neque aequitatem in pœnis injungendis servare, nisi pœnitentes sua ipsi peccata sigillatim & in specie declararèt: ex eo (inquam) Concilium colligit necessitatē & obligationem in pœni- tentibus confitendi omnia peccata mortalia quo ad speciem & numerum, idque quia in hoc foro ratio dictat reciprocum esse debere onus & debitum in pœnitentibus integrè con- fitendi, quia in iudiciis ejusmodi fori: onus & obligatio est, debitè iudicium exercendi.

Q. 33. *An ex eodem vocabulo Concilii, obli- gante Episcopos ad plebi in Parochia predican- dum, rectè inferatur obligatio reciproca in plebe, ob simile vocabulum quò Concilium vritur ad obli- gandam plebem ad audiendum?*

Resp. Quòd sic: quia cùm Synodus non æquivocet in eadem materia (in præceptis enim edendis, sicut & in testamentis vten-

dum est voce clara, qualis verbi gratia est vox *Teneri* in materia obligationis) ubi Synodus similiter loquitur: si obligat in uno obligat & in altero, at verò similiter loquitur in Canone facto pro Episcopis & Parochis, ad prædicandum in Parochia diebus Dominicis & Festis solemnibus, & similiter iterum loquitur in Canone facto pro Parochianis populis ad audiendum: ergo si illi obligentur ad prædicandum, hi etiam obligantur ad audiendum. Probatur autem Synodum similiter loqui utrobique, quia pro utrisque utitur eodem vocabulo nempe *Teneri*. Pro istis quidem prædicare debentibus, habetur seu usurpatur vox *Teneri*, sess. 5. c. 5. pro populis verò audire debentibus, habetur etiam vox *Teneri*. sess. 24. cap 4. *Vnumquemque Teneri*. At verò Episcopi & Pastores omnino sentiunt se verè & in conscientia obligari ad prædicandum per se vel per substitutos, idque ob vim vocis *Teneri*, ergo & plebs pariter verè & in conscientia obligatur ad audiendum, propter eandem vocem *Teneri*, quæ sine dubio est utrobique ejusdem significati & vinculi.

Q 34. *An sint aliqua privilegia liberantia populum ab obligatione concionis Parochia?*

Resp. Negative: quia oporteret illa esse concessa per aliquod Concilium Tridentino posterius, quod tamen nullum est: vel per ali-

aliquam specialem Sedis Apostolicæ Bullam, qualis omnino nulla reperiri potest. non enim solent facillè summi Pontifices ultimo universali derogare Concilio.

Q. 35. An Casuista, si qui sunt, huic obligationi ad concionem parochialem, aliquid contrarium dicentes, debeant nos movere?

Resp. Quod non, quia si sunt veteres, præcesserunt Concilium, & ideo hoc Concilii statutum nescierunt cum nondum exstaret, si sunt recentiores, certè Concilium legere omiserunt, vel non attenderunt, vel si sunt Regulares, præ occulto fortassis affectu populos ad suorum Monasteriorum Ecclesiās coaceruandi, maluerunt connivere.

Q. 36. An sit cessandum ab ostendendo obligatione audiendi verbum Dei in Parochia juxta Canonem Concilii Trid. ne aliquis de plebe conijciatur in scrupulum conscientiae?

Resp. Quod non: tum quia sacrosancta Synodus obligat ad monendos populos de hoc Tum quia è contra obligatio præcepti cujuscunque benè intellecta, & obediendi affectu propter Dei amorem & sanctam ejus voluntatem implendam, executioni mandata: apta nata est scrupulum amovere. & obediētis animæ conscientiam mirum in modum in Domino tranquillare.

Q. 37. An aliqua consuetudo se absentandi à

concione Paroch & dictis diebus, possit excusare, à dicta obligatione?

Resp. Quòd non: quia post hìc promulgatum & receptum Concilium ultimum Oecumenicum, nulla populi in contrarium consuetudo, secura est in conscientia: sed est potius verissima corruptela, proindeq; nullo modo præscribere potest contra Concilium Trid.

Probatur 1. ex doctrina S. Augustini de Baptismo relata dist. 8. Frustra quidam qui ratione convincuntur, consuetudinem nobis obijciunt, quasi consuetudo sit major veritate: Aut non sit in spiritualibus sequendum quod melius à Spiritu Sancto revelatum est: hoc planè verum est: Quia ratio & veritas consuetudini præponenda sunt: sed si consuetudini veritas suffragatur, nihil oportet firmius retinere.

Probatur 2. ex S. Cypriano eadè distinct. Consuetudo sine veritate vetustas erroris est: propter quòd relicto errore sequamur veritatem: ignosci potest, simpliciter erranti: post inspirationem verò & revelationem veritatis factam, qui in eo quòd erraverat, perseverat: prudens & sciens: jam non in venia ignorantia peccat, presumptione enim, & obstinatione quadam nititur.

Probatur 3. ex August. lib. 2. de unico Baptismo. Veritate (inquit) manifestata, cedat consuetudo veritati: quia consuetudinem, ratio & veritas semper excludit. Iam autem quòd ovis debe-

debeat sequi pastorem suum, *Ratio est.* Quod obligato Pastore ut eam pascat, ipsa quoque illi vicissim obligetur, ut ab eo pascatur. *Ratio est.* Quod subjecti obediant superioribus juxta illud Hebr. 13 *Obedite Præpositis vestris, & subjacete eis.* *Ratio postulat.* Quod Pastoribus obligatis in die judicii reddere ex officio rationem strictissimam pro ovibus suis quo ad directionem salutis, hoc quoque se submittant sinantque se dirigi *Ratio exigit.* Quod præterea, Parochiani subditi caveant ne suis inobedientiis Pastores suos contristant, *Ratio est.* juxta illud ad Hebr. cap. ultimo, *Obedite eis ut cum gaudio hoc faciant & non gementes, hoc enim non expedit vobis, ipsi enim pervigilant quasi rationem pro animabus vestris reddituri.* Has probationes adduxi ut appareat quàm æquum est ut contraria consuetudo cedat rationi, juxta præallegatam illam S. August. maximam. *Consuetudinem ratio & veritas semper excludit,* Quod verò attinet ad veritatem, pravæ etiam consuetudinis exclusivam teste Augustino. Certè veritas est *Populum teneri ad verbum Dei in parochia audiendum;* cum ita expresse determinet Ecclesia Romana quæ. 1. ad Tim. 3. *Est columna & firmamentum Veritatis.* Cedat ergo etiam consuetudo veritati, nam ut ait dist. 8. *Iesus non dixit. Ego sum Consuetudo, sed Ego sum Ve-*

ritas

ritas, proinde usus qui est veritati contrarius, est abolendus.

Probatur 4. per hunc textum expressum in 6. titu. de consuetudine: *Consuetudinem quam in vestra Ecclesia servatam asseritis tanto tempore, quod in contrarium memoria non existit: videlicet, &c. corruptelam (cum sacris sit inimica Canonibus) meritò reputantes, eam auctoritate Apostolicâ reprobamus. Concludimus itaque nullam consuetudinem se absentandi à concione parochiali dictis diebùs, posse quemquam parochianorum ab hac obligatione excusare, & in suis absentiis securum quo ad conscientiam reddere: nam illa consuetudo est sacris inimica Canonibus, ideoque reprobanda.*

Q. 38. *An Consuetudo non frequentandi Parochiam, non evertatur & aboleatur per Concilium Trid?*

Resp. Quòd sic idque sess. 22. in Decreto de observandis & vitandis in celebratione Missæ: ubi S. Synodus volens etiam Censuris per Episcopos populum stringi (si opus sit) ad frequentandam parochiam: addit, *Non obstantibus consuetudinibus quibuscunq;*

Q. 39. *An Rodriguez 1. Tom. questionum Reg. quest. 43 artic. 7. faciat contra nostram præsentem doctrinam?*

Resp. Eum totâ illâ suâ quest. conari ostendere parochianos non debere audire nec
Mis-

Missam, nec Concionem in propria Ecclesia parochiali diebus Festis majoribus & Dominicis ex ulla ad peccatum obligatione. Sed quam indebitè hoc faciat, constabit ex discussione verborum ejus.

Q. 40 Quid i. alleget Rodriq; contra obligationem ad parochiam, & quidem specialiter contra debitum Missæ Parochialis dictis diebus?

Resp. Adducit Bullam Leonis 10. quâ declaratur fideles satisfacere præcepto Ecclesiæ de Missa audienda, dum audiunt illam in Ecclesiis Regularium Dominicis & Festis. Verum ibi pugnat sine hoste, litigat sine parte, quo ad hoc enim consentimus cum eo: neque id est, quod hic docere specialiter intendimus. Nam nos peculiari quodam modo distingvimus inter Missam præcepti universalissimi parochialem, ut videbitur in posteriore parte hujus nostri Tractatus, ubi agetur seorsim de debito Missæ parochialis Q. 17. Agnoscimus siquidem etiam diversos Canones de audiendis illis diversis Missis. Canon enim de audienda Missa præcepti, habetur de consecrat. 1. cap. Missas ex Concilio Agathensi, estque stricti præcepti & obligat universum Clerum, omnes Regulares, omnes Laicos, totamque plebem nemine fidelium excepto: quod bene est notandum. Canon verò de audienda Missa parochiali habetur in Concilio Trid fest.

22. in Decreto de Observ. Et vitandis in celebratione Missæ. continetque Constitutionem simplicis fortasse ad salutem directionis, sub nullo verisimiliter peccato (cur autem dicamus fortasse & verisimiliter patebit infra) ita tamen ut ad solos parochianos seu parochianorum plebes spectet & proinde illis speciale incumbit debitum humiliter obediendi huic expressæ Ecclesiæ Constitutioni, in dicto Concilii Trid. loco positæ, & postmodum in Bulla Clementis 8^a repetitæ (de qua Bulla infra) obediendi, inquam, tam exactè & seriò, quàm seriò Capucini, aut Patres Societatis IESU obedire feruntur & debent sui Ordinis Constitutionibus, tametsi sub nullo peccato ligantibus.

Nunc autem ad propositum nostrum redeundo; sicut ut satisfiat debito audiendi Missæ *Præcepti universalissimi*, totum scilicet Christianissimum strictè obligantis *Dominicis & Festis*; contenti inquam in Concilio Agathensi, cap. *Missas* oportet indubiè eam alicubi audire si ve audiatur in hospitalibus, si ve in Ecclesiis Regularium, perinde est, cū obligatio non sit localis, eò quòd Canon non liget ad locum, sed ad missam solam, sicut continet Bulla Leonina jam allègata. Ita quoque ut satisfiat *Constitutioni Tridentinæ & Clementinæ de audiendo Missam Parochialem*, clarum est Parochianos debe-

debere eam audire in propriâ parochia, Constitutio enim supradicta tam Concilii Trid, quam Clem. 8. determinat expressè locum Parochiæ: unde Leo decimus, gratis & extra propositû allegatur; cûm non agat de Missâ ut parochiali, in suâ illâ Bullâ: & licet de illa ageret, nihil contra nos faceret, nam inter Legislatores successivos prior non derogat posteriori, sed è contra: Concilium autem Trid. & Clemens 8. sunt Leone 10. posteriores, proindeque horum. Constitutio robur habet.

Q. 41. Quomodo Rodriquez prosequatur suam glossam hac de re super Concilium Trid. & an non videatur impingere in Bullam confirmationis, excommunicantem glossatores?

Ræsp. Quod, num impingat in dictam Pii 4. Bullam relinquo iis quorum interest determinandum juxta Bullæ tenorem. Interim videamus num benè glosset. Adducit igitur decretum seu Canonem sess. 24 c. 4. Moneatque Episcopus populum diligenter, teneri unumquemque Parochiæ suæ interesse, ubi id commodè fieri potest ad audiendum verbum Dei. Sic imprimis hoc glossat, ut dicat (absque ulla ulteriori discussione) statim, populûm ad id non obligari sub mortali. Tota autem illius hoc asserendi ratio, fundamentum aliud non habet, nisi in duobus istis verbis, moneat Episcopus. Notanda enim sunt illa verba. Moneat Episcopus, (agit Rodriqu.

ez) quæ designant monendos, non obligari sub peccato mortali; si enim (inquit) obligarent, diceret Concilium statim, quod si noluerint ejus monitis adharere, astringat populum ut concionem audiat, hætenus Rodriguez.

Q. 42. An Rodriguez jam allegatus rectè ratiocinetur de debito audiendi verbum Dei in Parochia?

Resp. Quod non. Nam, quod ait, duo illa verba, *Moneat Episcopus*, designare monendos non obligari sub peccato mortali; non video quare id dicat, nam ista duo verba non significant. nec ullo modo, explicitè vel implicitè important id quod ipse dicit, nimirum monendos non teneri sub peccato mortali. Totum quod ista duo verba important, est quod Episcopo incumbat monere. Unde non potest colligi obligatio plebis ad concionem, ex illo verbo, moneat, cum monere plebem non sit obligare plebem. Ideoque in colligenda hac plebis obligatione. attendendus est Canon integer, qui secundum diversas partes suas integrales, ut minimum per duo diversa verba, nempe *Moneat & Teneri*, duas indicat obligationes in conscientia, unam Episcopi, inclusam in verbo *Moneat*, hoc ipso siquidem quod Concilium imperativè dicit, *Moneat*, obligat Episcopum, ad monendum populum. Alteram autem populi, inclusam manifestè in verbo *Teneri* cum teneri sit obligari. Itaque Episcopo-

scopus obligatur in conscientia ad monendum, cum imperetur ei ut *Moneat* & populus ad parendum, cum decernatur eum *Teneri* in uno & eodem Canone.

Ratio autem cur Rodriguez non invenerit hic obligationem populi, est, quia glossando hunc Canonem, haesit tantum in ejus duobus primis vocabulis explicandis, *Moneat Episcopus*, & ad sequentia Canonis verba non processit, in quibus tamen dictam populi in conscientia obligationem invenisset: Quod autem ait ista duo verba *Moneat Episcopus*, designare monendos non obligari, jam respondimus sufficere quod per sequens verbum *Teneri*, designetur Populos obligari. Quod praeterea addit populum non obligari sub peccato mortali ad concionem parochiae, ego quidem illud non ausim pronuncie resolvere, an scilicet populus ad id obligetur sub mortali, an verò sub veniali tantum in hoc enim fixus haereo, saltem teneri sub peccato quaecumque illud sit, sive mortale, sive veniale. & licet obligaretur sub veniali tantum esset ne illud parvifaciendum? cum unum veniale voluntarium sit majus malum quam annih., latius totius mundi? sufficiat ergo *Teneri*, habere¹ vim praecepti ex Concilio Viennensi sub Clemente 5 ut supra Q. 11. monstravimus: & proinde non esse improbable id quod aliqui Doctores fecerunt dixisse, posse defendi hanc obligationem popu-

populi ex vi verbi *Teneri* esse sub peccato etiam mortali quod tamen ego decidere non præsumo, & ideo cum communi ratione peccati contentus remaneo, ratus obligationem conscientie etiam si sub solo esset veniali, tanti debere esse apud quemcumque fidelem Christi servum, ut sit ei in stimulum quod efficaciter adigatur ad obediendum Deo & Ecclesie quaecumque præcipienti.

Quod Rodriquez adjicit *Si enim obligarent* (scilicet duo illa verba de quibus ante, *Moneat Episcopus*) diceret *Concilium statim* quod si noluerint ejus monitis adherere, adstringat Episcopus populum, ut concionem audiat. Nullatenus quadrat: resumamus ejus verba per partes *Si enim obligarent*, ait *Resp.* Non requiri quod obligent, satis enim est populum obligari per sequentia ejusdem Canonis verba nempe, *Unumquemque teneri* Diceret, inquit *Concilium statim*, quod si noluerint monitis adherere, Episcopus adstringat &c. Respondeo non esse opus quod Concilium hoc dicat nimirum, *adstringat Episcopus populum*, quia jam est astrictus à Concilio in illa voce Canonis, *unumquemque teneri*, unde tantum est opus, quod Episcopus moneat populum, & hoc ipsum est quod Canon injungit Episcopo, dum sic incipit *Moneat Episcopus*. Unde patet quàm inconvenienter glosset Rodriquez.

2 43. An Rodriquez benè explicet hac Ca-

nonis verba, ubi id commodè fieri potest?

Resp. Quod hæc valde malè & indebitè glosset, quod ut meliùs capiatur, citemus ejus verba: sunt autem sequentia.

Præterea ait Concilium populum teneri interesse suæ parochiæ, ubi id commodè fieri potest, ad audiendum verbum Dei. Quod intelligendum est quādo in Monasteriis non predicatur: cū enim in ipsis predicatur, commodius multò est parochianis audire concionem in ipsis, quàm in parochiâ, cū in Monasteriis officia divina majori cum devotione celebrentur: & propter multitudinem sacerdotum non deficiant Misse, quas serò ad Ecclesiam venientes audire possint, & præcepto Ecclesiæ satisfacere. Et cū regulariter loquendo, Predicatores in Monasteriis predicantes, sint præstantiores quàm Predicatores in Ecclesiis parochialibus concionantes: & quia audientes verbum Dei à predicatoribus Ordinum mendicantium lucrantur indulgentias. Hactenus Rodriquez.

Quil vobis videtur de isto Commentario? præsertim post Pii 4. prohibitionem quæ sic habet: Apostolica autoritate inhibemus omnibus, Prælati quidem sub Interdicti ingressus Ecclesiæ, aliis verò sub Excommunicationis latæ sententiæ pænis, ne quis audeat sine auctoritate nostra ullos commentarios, glossas, annotationes, scholia, ullumvè interpretationis genus super ipsius Concilii decretis quocun-
que

que modo edere? Si non licet quocunque modo edere, quanto minus isto tam à verbis & intentione S. Synodi, alieno? dicit enim, ut verba ejus resumamus? *Quod intelligendum est quando in Monasteriis non predicatur.* Quis non videt ipsum hoc addere de suo, & alterare decretum? & cum addit parochianis esse commodius, audire concionem in Monasteriis, quàm in parochia, certè fidelis glossatoris partes non agit, præsertim in voce *Commodè* nam cum Canon usurpet solum *positivum* ipse in sua glossa superinducit comparativum in textu si quidem habetur *Positivus commodè*, in ejus autem glossa habetur *commodius*.

Deinde Concilium loquitur absolute ipse autem comparative. Concilium, solum Parochiæ locum nominat: ipse vero superaddit Monasteria, tanquam si utraque Ecclesia parochialis scilicet & Regularis, essent comprehensæ in Decreto allegato, & relinqueretur optioni ac libertati parochianorum alterutram adire, prout illis visum fuerit sibi esse commodius. Hoc autem repugnat Canon, in quo nulla sit mentio Monasteriorum nullaq; sit comparatio Ecclesiæ parochialis cum Regulari, nec manet indifferens populo eligere hanc aut illam in qua audiat concionem ut satisfaciat obligationi Canonis. Ratio est quia Canon solam exprimit parochiam, eò quòd intendat restituere spirituales disciplinas

paro-

parochiarum, unde hæc obligatio est parochianorum, prout sunt parochiani, quæ ut per se clarum est, non potest impleri nisi in parochiâ.

Q. 44. *An Rodriguez benè glosset vocem hanc Canonis, scilicet Commode?*

Resp. Quòd non ; nam cùm Synodus decernit populum teneri interesse parochiæ, sive ire ad parochiam & addit, *Ubi id commodè fieri potest* &c. per id, *Commodè fieri posse*, non intendit significare aliud quàm habere commoditatem interessendi suæ parochiæ sive eundi ad illam & personaliter ibi comparendi. Posse autem id facere, seu eò ire, *commodè*, est non esse legitime impeditum, sive est esse ab omni rationabili impedimento liberum : & quia aliquando rationabilia impedimenta occurrere possunt parochianis, qualia possunt esse: debilitas nimia: morbus : peregrinatio : tempestas aeris : viæ aut difficiles, aut ab inimici nostri insidiis suspectæ : aut adventus hospitem gravium, aut aliquod negotium tunc rationabiliter gerendum, aut quodcunque aliud simile. Ideo SS Synodus in hoc decreto suo Ecclesiastico, & jure humano volens agere humaniter memor conditionis humanæ, & possibilitatis impedimentorum variorum, obligationem illam sic per condescendentiam temperavit, ut adjecerit. *Si id commodè fieri poterit.* Ea autem planè est mens Concilii. Hanc autem aut non advertit aut dissimulavit Rodriguez

quez : nam deferens verbum textus Canonis
Commode & ejus loco substituens vocem *Commo-*
dius, manens in fieta illa sua comparatione paro-
 chie cum Monasteriis detorquet vocem com-
 moditatis à suo vero significato à nobis jam ex-
 presso & à Concilii Patribus intento & prosequens
 exponere suum imaginarium *Commodius* dicit
 ea quæ supra ex ipso citavimus initio Q. 42. &
 metitur commoditatem suo modò; nempe ex eo
 commodius esse, interesse monasteriis ad audi-
 endam concionem: quod in iis divina officia
 cantentur cum majori devotione: & quid hoc,
 quæso, ad propositum audiendi concionem?
 cum cantus & psalmodia sint impedimento audi-
 endi concionem & debeant cessare, durante illa?
 quid hoc iterum ad rem? cum sive officia de-
 votius ibi cantentur, sive non: Decretum solùm
 agat de concione parochie, & Monasterium
 non sit parochia? Quod dicit, ideo propterea
 esse commodius, quia in monasteriis multæ
 Missæ celebrantur, quas audire possint serò
 venientes ad materiam concionis? de qua hic
 agimus, non spectat, ideo non est ad rem. Præ-
 terea ideo commodius esse censet audire con-
 cionem in monasteriis, quia regulariter loquen-
 do præstantiores sunt ibi prædicatores, quam
 in parochiis. Hoc non videtur ita esse, regulariter
 loquendo, prædicatores parochiarum sunt sta-
 tionarii regulares, iique præstantiores aliis qui
 domi

domi relinquuntur ad concionandum in Ecclesia Monasterii. Deinde Pastores moderni civitatum doctissimi sunt & præstantiores multis Religiosis prædicatoribûs. Denique non tam est attendendum qui sint præstantiores in vanitate eloquentiæ, quàm vtilitate doctrinæ salutaris, de virtutibus & vitiis, pæna & gloria æterna, prout commendat Concilium Trid: sess. 5. cap. 2. idque juxta & pastorum & plebis capacitatem: id autem fidelius præstare valent Parochi, cum melius nôrint plebis suæ necessitates, & ad illam pascendam salubriter ex officio suo obligentur.

Quod dicit Rodriquez commodius esse audire concionem Regularium, propter indulgentias, quas eorum auditores lucrari dicit: ad hoc Respondet R. D. Abbas Henricus Zypæus libro de statu Religiosarum & filiabus devotariis parte 3. cap. 5. dicens illud indulgentiarum lucrû non esse intelligendum de illis mendicantium concionibus, quarum occasione auditores advocantur à præstanda obligatione audiendi concionem in Parochia: sed de illis, quæ audiuntur per modum super erogationis, impletâ tamen obligatione audiendi parochialem. Nunquam enim intelligit nec intendit Ecclesia Regularibus annuere priuilegia, quorum vsus destruere habeat sanctissimas ejus sanctiones.

Ex dictis itaque satis patet glossam Rodriquez inconvenientem esse, nec obligationi parochianorum ad concionem Parochiæ quidquam præjudicare.

Q. 46. An Rodriquez allegans alium Canonem faciat contra obligationem concionis Parochialis?

Resp. Quod non, ad quod ostendendum præmittamus illum Canonem Trid. sess. 22. in Decreto de observ: & vitand. in celebr. missæ, quem adducit Rodriquez, estque talis.

Moneat etiam eundem populum, ut frequenter ad suas parochias, saltem diebus Dominicis & Festis majoribus accedant. Itaque iste Canon contra obligationem, quam docemus nihil facit; nam non agimus modò, nisi de Verbo Dei audiendo in Parochiâ; hic autem Canon agit solum de Missa parochiali, non autem de concione. Cæterum an bene glosset hunc Canonem, proprio loco videbimus, nimirum posteriori parte hujus Tractatus, ubi agemus de debito audiendi Missam parochialem.

Q. 46. An Devotariæ seculares non sint Parochianæ & non teneantur cum plebe ad Parochiam?

Resp. Quod sic, sunt enim de Populo: unusquisque autem de populo tenetur ad Parochiam saltem ratione concionis, ergo &c.

Quod

Quod ut melius intelligatur, sciendum est adæquatam fieri diuisionem membrorum Ecclesiæ, in Clerum & populum, seu plebem: siue in Ecclesiasticos & sæculares, siue laicos. At verò fœmina non sit persona de Clero seu Ecclesiasticæ, nisi sit Monialis, Devotariæ autem istæ, de quibus intendimus loqui, non sunt Moniales; immo licet fortasse votum simplex castitatis fecerint, non sunt propriè in statu, ideoque manent verè sæculares ac laicæ. Vnde non gaudent privilegio fori Ecclesiasticorum; & qui eas verberaret, non incideret in Excommunicationem Can. *Si quis suadente diabolo.* Incideret tamen, si percuteret Monialem. Patet præterea Deuotarias tales, non esse de Clero, quia possunt conveniri coram iudice sæculari, ab eoque incarcerari ac puniri; Quin & ipsæ cum reliquis de populo suscipiunt Extremam Unctionem & Viaticum Sanctissimæ Eucharistiæ à suo Parocho; sunt igitur verè parochianæ, alioquin essent sine propria Ecclesia ac Pastore tanquam oves erraticæ nulli subjectæ: ex quo sequitur evidentissimè eas esse verè Parochianas; & proinde teneri cum populo ad omnia debita parochialia, & consequenter ad eas omninò & seriò pertinere præceptum Concilii Trid. supra Quæsito 3. positum de audiendo in Parochiâ verbo Dei. Interim permittite mihi, ut vo-

bis in sensu meo duo verba loquar: *O filia devotaria!* Lando vehementer, propositum vitæ vestræ, & pro vobis gratias ago Domino, quod ei in spiritu & devotione fideliter servire satagitis, & in Mundo de Mundo non esse contenditis: & per exercitia spiritualia, veramque propriæ voluntatis mortificationem Deo placere & ei adherere, unusque cum eo per intimum & gratuitum amorem, tandem, spiritus fieri laboratis. Ignoscite tamen mihi pauperrimo Religioso, si hoc vobis ingeffero. Quamdiu non obeditis Sanctæ Romanæ Ecclesiæ Christi Sponsæ Matri vestræ, vobis præcipienti audire Verbum Dei in Parochia vestra inter Missarum solemnias, singulis Dominicis & majoribus Festis, si habetis commoditatem: posito scilicet, quod hanc obligationem probè noueritis, si non paretis, tantum abest vt in vera via perfectionis ambuletis, quinimo in via boni & obedientis Christiani hominis nondum estis. Iterum credite mihi omnia meliora vobis desideranti. Quamdiu non dignamini sequi monita & divinissima consilia Nostræ Matris Ecclesiæ de audienda dictis diebus Missa Parochorum vestrorum, & exhibenda illis de corde sincero reverentia, nondum proculdubio estis in via vera perfectionis spiritualis, in quâ nostræ propriæ electiones ac voluntates, in rebus quantumvis

ex objecto bonis, exigui certè apud Deum sunt momenti, nisi fiant & servantur ea quæ sunt debiti; nec satis est id in Confessarium reijcere, si ipsæ veritatem nōstis. Caterum ipse qui vos in contrarium dirigit, malè dirigit, & indubiè reddet rationem Deo in die Iudicii de hoc scandaloso præjudicio contra sanctissimas Ordinationes Oecumenici Concilii, Matrisque Ecclesiæ.

Q. 47. Quid sentiendum de modo agendæ quorundam Confessariorum qui (postquam aliquis Prædicator cœpit docere plebem de sua obligatione ad Parochiam) timentes ne perdant suas devotarias: clam susurrari faciunt, eum potius turbare conscientias, quàm iuvare?

Resp. Quòd ille agendī modus, cum eo tendat, vt Prædicatorem talem; alioquin tuendæ authoritatis Romanæ Ecclesiæ verè fidum Aduocatum, populo simplici exosum reddat, idèoque in sua doctrina minus credibilem non esse secundum Deum. Malum enim quod inde resultat, grauius est, quam putetur: nam ex hoc deuotariæ & alii Regularium penitentes de Concionatoris doctrina minus bene opinantes, in eumque minus affecti, tandem, vt morem gerant suis directoribus & fugiant occasionem scrupuli, vt vocant: deserunt auditorium sermōis instructionis, ad fabulas autem conuertuntur, fabulas inquam:

quid enim aliud sunt, ejusmodi suasiones ordinationibus Ecclesiæ repugnantes, quam fabulæ, & quidem noxiæ? juxta id *Narrant mihi iniqui fabulationes, sed non ut lex tua.* Respondeo igitur, quod fideliter ignorantī populo Ecclesiæ præcepta exponere, & ordinationes Sedis Apostolicæ intimare; est reuerà vtilem esse, & verè salubriter conscientias iuvare: tantum abest, ut sit eas turbare; nisi fortè per accidens, & quidem eo genereurbationis, quod sit valde pium. Pium est siquidem, animam, audità, & jam primum detecta obligatione sua ad Parochiam nonnihil turbari: imò timere in posterum de culpa. Proinde illa sollicitudo cavendi erroris contrarii, qui consistit in nolendo ire ad Parochiam & anxietas illa acceptandi atque adimplendi obligationem frequentandæ Parochiæ, jam tandem agnitam ex vi nostrarum prædicationum, bona est & viam facit ad emendationem in futurum: estque; non aliud, quàm timor Domini, qui est initium sapientiæ. Conturbare quidem conscientias in ordine ad malum & errorem, est malum: *Abscindantur* (ait Paulus) *qui vos conturbant*: sed conturbare ad bonum, bonum est. Psal. 59. *Domine commovisti terram & conturbasti eam: sana contritiones ejus, quia commota est.* Vides post conturbationem venire ad sanationem? vis scire, quomodo id fiat.

Anima

Anima stimulo conscientiae agitata incipit
respicere retro ad larvam assueti erroris & sub-
latâ larvâ eum agnoscit: tunc se inde ave-
tit: & ante se respicit: & discoopertam in-
tuens faciem amabilis veritatis suam ei obliga-
tionem detegentis: non mirum, si tunc ani-
ma luctam habet: antrorsum enim trahitur à
veritate, retrorsum ab antiquo errore: modò
vult, modò non vult: Qualis lucta! qualis
conturbatio animi! praesertim si error erat non
in intellectu solum, sed & in voluntate. De-
tectâ enim suâ ad Parochiam obligationis ve-
ritate, eamque per conciones nostras probè
intelligens, si non paret deuotaria illa paro-
chiana: si non redit ad Parochiam; si non
negligit patrem suum spirituales, contraria
insufurrantem: jam non potest amplius in ex-
cusationem, dicere *Nescio* sed *Nolo*: non e-
nim est amplius ligata vinculo ignorantiae, sed
vinculo amoris proprii erga extraneos directo-
res: & quidè incredibile est quam difficile
sit vinculum istud fixae affectionis dissolvere:
Si enim concionando, repraesentaveris quam
sit: *Lex Domini in maculata convertens*, (scilicet)
animas ab omni inordinata affectione creaturae ad
Deum, & ad ejus implendam voluntatem sanctissi-
mam? statim audies ut olim ad Christum: lo-
quere nobis placentia, & audiemus te. Sed per-
mitte, ut ego dicam tibi, ô filia devota pa-

rochiana; mortifica te, & muta affectionem tuam, & juvabimus te. Sed quomodo illā (dices) ego nunc mutare potero ut pote inveteratam? Intra in te metipsam, agnosce inobedientiam tuam, considera divinam eamque infinitam maiestatem Creatoris tui cuius dominio & voluntati debes in omnibus obsequium; attende quod ipse dixerit; *Qui Ecclesiam meam non audierit, sit tibi sicut Ethnicus & Publicanus.* Puta eum tibi sic loqui: *Audi Filia & vide & inclina aurem tuam: obedi mihi per Ecclesiam meam ad te loquenti. Vbi est igitur fides tua? qui summum meum interris Vicarium audit, me audit; qui eum spernit me spernit, ne allegaveris te id non posse: sufficit enim tibi gratia mea, cum illā siquidem omnia potes.* Liberi porro es arbitrii: potes tecum ipsa, efficaci proposito statuere, & dicere: Domine Deus meus cui debeo totum id, quod sum, da mihi gratiam tibi ad nutum humiliter obediendi, præcepisti mihi per Ecclesiam sanctissimam sponsam tuam matrem meam, frequentare Parochiam meam, saltem Dominicis & Festis majoribus, si id cōmodè facere potero: ut quid, mi dulcissime Domine, ego creatura tua tibi non obsequor hilariter? ut quid ego ingrata famula tua non obaudio pleno corde suavissimæ voluntati tuæ, dixisti, fiat lux, & facta est lux, vocasti stellas, & dixerunt adsumus. Tu Deus vocabis

me

me & ego non respondebo tibi? non erit ita per gratiam tuam: ecce antiquam erroneam consuetudinem meam rumpo, & amore tui Parochiam meam ex nunc frequentare aggredior. O filia! si ita egeris, abundabis merito pace & gaudio.

Q. 48. Quid devotariam retinere soleat, ne redeat ad suam Parochiam frequentandam, saltem pro audiendo Verbo Dei juxta obligationem Trident?

Resp: Quòd præcipua catena hujus retentionis sit quidam affectus oppositus amoris proprii erga Confessarios non Parochianos siue Regulares certi Ordinis, ex quo resultant varii tenues respectus humani, contra quos prævalere nescit timor Domini sanctus, stimulus conscientiae intus alioquin ad obedientiam Decretorum Oecumenicorum non parum sollicitans, faminei isti & pueriles respectus sunt, si ego quæ hætenus vix semel fortassis in anno vel etiam in vita Parochiam adivi pro Parochi mei Missa & Verbo Dei audiendo juxta Canones: Si, inquam, id jam facere incipio, quid cogitabunt homines de inconstantia mea? quid dicent aliæ sociæ meæ ejusdem habitus & ejusdem hætenus ingenii? quomodo ferre valebo earum exprobrationes? vocari ab eis, profugam & parochianam? Ad quod respondeo, ista esse puerilia teretricula-
menta,

menta, ideoq. negligenda, vel propter amorem Dei, libentissime toleranda, absque ullo ad ea responso, spes enim & salus nostra non est in linguis opinionibusque hominum; sed in Dei verbo, ejusque sanctissimo beneplacito ac voluntate, cui amorose obedire, vivere est, immò & sanctificari: voluntas enim Dei (inquit Paulus) sanctificatio vestra.

Est & alius inanis respectus timoris humani de suo Confessario Regulari, & Confratribus ejus: quid dicent, quid cogitabunt, quid eis responderi possit, cum reuocabunt, aut ingratitudem pœnitentis exprobrabunt, suas ipsorum delusas operas, labores, sollicitudinem, & si quid aliud. Ad quæ respondeo, quod vix adducor, vt credam ista fieri aut obijci à Religiosis: nam cum Confessarii & directores isti debeant esse viri probi pleni charitate diuina erga proximum, cujus salutem zelent in Domino, habent potiùs unde gaudeant se non parùm profecisse, cum filias istas laicas spirituales induxerint efficaciter ad obediendum Sedi Apostolicæ, in frequentatione parochiæ juxta Ecclesiæ Decreta.

Est & aliud quodpiam retinaculum nuper à quadam seculari deuotaria insinuatum, ipsâ scilicet valde anxiam remanere de obligatione ad concionem Parochiæ, nam secum ita disputabat: fortasse non est verum me ad id obligari,

obligari, ea enim est opinio Religiosorum illius Ordinis de quo est meus Confessarius quos ego censeo omnium hominum doctissimos: unde dicebant mihi nuper, etiamsi ire ad Parochiam pro concione, sit perfectionis aut supererogationis, non est tamen ullius in conscientia obligationis, noli igitur angi ullo scrupulo tanquam si ad Parochiam esses obligata, fide nobis, esto de hoc secura, totum assumimus super conscientiam nostram: sic mihi his diebus loquebantur: tamen non ideo sum adhuc coram Deo pacificata & secura: nam ecce publice in templo Stationis Civitatis per plures continuas conciones docemur, serio obligari: & quidem Ipsemet Prædicator ut ostendat se loqui non de suo, allegat Canones, adducit proprios Concilii terminos, item authoritates Patrum, argumenta, rationes: addit insuper mandatum esse per Sixtinam Regularibus sub pœna Excommunicationis ne prædicent populum non teneri ad Parochiam: neque populos quoquo modo abstrahant à frequentatione Parochiæ. Deinde etiam Prædicator ait Regulares per Bullam Clementis Octavi obligari ad monendum & exhortandum nos ire ad Parochiam & tamen id non faciunt: quo fit ut ex nunc proponam ire ad Parochiam cum Dei gratia. O rectè deliberatum!

Q. 49. Si Episcopi non manuteneant supradictū Canonem de obligatione ad Verbum Dei in Parochia inter Missarum solemnias, an inde sequatur præjudicium?

Resp. Quod sic & quidem longe maximum. Primo enim inde consequentur omnia illa gravissima incommoda quæ enumerantur à S. Carolo Cardinali in suis Provincialibus Literis, sexto Mediolanensi Concilio Provinciali insertis, & à nobis posteriori parte de Missa, inferendis; quæ incommoda utinam bene expendantur. Secundo, Si in hoc Belgio & partibus Flandriæ, prædicta Decreti oecumenici obligatio non manuteneatur ac facta recta diligentissime conserventur, sit nobis re vera per omnes has populosissimas Parochias, notabilissima in Spiritualibus injuria: ratio est quia cum in Flandria nostra desit beneficium sanctæ Inquisitionis, nihil nobis superest in Belgio, quod vicem ejus & officium quasi supplere possit, quàm hæc sacri Concilii obligatio bene protecta & executioni mandata. Undique enim hic vallamur & pene commisce-mur Nationibus Anglorum, Francorum, Germanorum, & præsertim Hollandorum: Immo in singulis urbium nostrarum Parochiis multi latitant aut hæretici, aut suspecti, quorum conversatio & sermo ut cancer serpit, ac simplices imperceptibiliter inficit. Alii denique sunt,

sunt, Catholici quidem, sed frigidi & sensuales, qui vix unquam fortasse audiunt verbum Dei: suntque homines vitæ & conversationis plane ignotæ: sicut & eorum familiar. Magnum certè periculum & malū! cui interim abundè & convenienter occurritur in Italia per sacræ Inquisitionis Officiales vigilantissimos. At verò hic, ubi dicta Inquisitio locum non habet: quid quæso tandem supererit Spiritualis remedii certi & fixi, pro Dominis Parochiarum Pastoribus erga gregem suum dilectissimum, adversus prædicta formidanda mala: Si Reverendissimi Domini Ordinarii, præfatam fidelium ad proprias Parochias, sapientissime à Spiritu sancto inspiratam obligationem non manu teneant? foveant? protegant visitent atque defendant? Quo enim alio efficaci modo viâ ac titulô, poterit Curatus in ignotorum ejusmodi hominum vitam inquirere? quomodò ei poterit constare an singuli sciant necessaria ad salutem? An audiant salutare Dei verbum? An Divina frequentent? An practicè sint boni Christiani nec ne? præsertim hoc libertinô ac corruptissimô sæculô? Quid sic plurimi & plurimæ, dictis sanctis diebûs, nullibi locorum rem sacram, nec concionem audiant? Quid si è contra, istis neglectis aut forsitan contemptis; exerceant alibi in tabernis computationes & convivia?

convivia? vel quod pejus est, in latibulis nescio quibus, ex condito habeant conventicula hæreticalia? sicut credibile est ita nonnunquam fieri.

At verò jam consideremus difficultatem remedii. Ponamus Dominum Parochum esse zelosum pro suo grege: & quod istiusmodi homines convenire aggrediatur, rogetque eos de sua conversatione? quomodo se gerant in spiritualibus boni Catholici exercitiis? ubi verbum Dei audierint? Cur non interfuerint suæ Parochiæ; Nonne illi facillimè Curatum suū eludent, dicendo effronti quadam audacia se alibi concionem audivisse? in aliis Ecclesiis debitum suum probè explevisse? licet fortasse splendidè mentiantur? Et (quod nodus est) nonne ad manum habebunt hanc omnibus Pastoribus metuendam respondendi industriam? Non tenemur, non obligamur in conscientia Parochiæ nostræ interesse, nullum Ecclesiæ aut Sedis Apostolicæ Decretum violamus, non peccamus. Ad hæc quid quæso dicet? quid aget zelator Parochus? nonne manent isti licentiosi homines sine solido & efficaci legis remedio?

At verò, vigore Decreti Sacræ Synodi, accuratissimè custodito: benè commendata & etiam pro suggestu efficaciter inculcata supradicti Canonis ad Parochiam obligatione, ejusque

que fidelissima praxi diligenter curata & continuata: habet Dominus Parochus, unde constanter & efficaciter suos possit convenire de suo debito: habet unde ei constare possit de eorum vita & conversatione, quod Ecclesiam frequentent, sacramenta recipiant, Deum colant, verbum Dei audiant, Catechismo intersint, publicationes Bannorum, Iubilæorum, Supplicationum publicarum, Festorum, jejuniorum, & similium certò sciant, & denique necessaria ad salutem discant: de omnibus istis, inquam, facile Domino Pastori constare potest. Si enim singulis diebus Dominicis & Festis juxta Canonem, propriæ intersint Parochiæ, manifestè satis sit Concilio, & Pastoris desiderio: sin autem aliquando absunt, zelator Parochus tunc majori cum authoritate & fundamento inquit de causa, & in frequenter absentium vitam, mores, & conversationem securiùs, certius, ac utiliùs animadvertit.

Itaque dici vix potest quàm sit salubris sacræ Synodi memoratus Canon, obligationem ad Parochiam continens; imò quàm sit necessarius ad reformandam spiritualem Parochiarum disciplinam; ad varios libertinos ignotos, & ad Divina parùm aliunde voluntarios, mediante, super legem fundatâ, bonorum Pastorum animadversione, compellendos

in

in securiorem salutis viam. Ut proinde sit enixè optandum ut Reuerendissimi Domini Ordinarii pro demandata sibi à Concilio sollicitudine, stent viriliter & invincibiliter à partibus istius facerrimi Ecclesiæ Canonis.

Q. 50. An non possint inveniri quedam svavia remedia, quibus plebs parvo negotio redeat ad frequentandam Parochiam juxta Canonem sacrae Synodi, cum bona interim pace Regularium & Parochorum?

Resp: Quòd sic, ut illorum tamen remedium utilitas, melius apprehendi possit; prænotandum omninò est varios in his Flandricis Provinciis inolevisse modos & praxes aut saltem occasiones, divertendi plebem à suæ Ecclesiæ parochialis frequentatione ad Ecclesias Regularium: omninò tamen, ut existimò, præter mentem Summorum Pontificum: Et ut sint sanè, alii multi modi abductionis istius, de quibus mentionem facturi sumus in posteriori parte hujus Tractatus, vnus tamen est modus, aut potius occasio specialis, quæ hic venit attentissimè perstringenda: illa porrò ortum habet ex Bullis Summorum Pontificum concedentibus Indulgentias Plenarias extraneis Ecclesiis præsertim tamen Regularium, ratione Confraternitatum variarum, in diversis Ordinibus, aut alibi, ex Indulto Apostolico institutarum, aut ratione solemnitarum locali-

localium quæ frequentes occurrunt in diversis Religionibus aliisque Ecclesiis. Nam verbi gratia, cum Patres Dominicani habeant Indulgentiam Plenariam ratione Rosarii unâ ex Dominicis, cujusque mensis. Ut & Franciscani aliâ cujusque etiam mensis Dominica, ratione Chordæ: & Carmelitæ ratione Scapularis Nostræ Dominæ de Monte Carmelo. Et Augustiniani ratione Cinguli, & aliæ quædam Ecclesiæ alio titulo, sit ut in celebribus Urbibus, vix aut pauca admodum supersint Dominicæ in anno ab Indulgentia Plenaria liberæ: at verò populus ratione lucri talium Indulgentiarum facile & ordinariè deserit Parochiam vt confluat dictis diebus ad externas illas Ecclesias non sine iusta certè & penè continuâ lamentatione Pastorum, qui vix videntur de remedio ullo sperare posse in restituenda Parochiarum frequentatione. Nisi fortè aliquando contingeret per singularem Dei providentiam familiari quadam fidelitate *Sanctissimum Dominum Nostrum* penitiùs informari ab aliquo servo Dei de conditione, statu, & natura populorum Belgii, & Flandricarum Provinciarum, apud quos penè hæctenus Parochiales Ecclesiæ vehementer floruerunt populorum frequentia & Sacramentorum crebrâ perceptione, & divinorum Officiorum verbi que Dei pientissimâ ac diligentissimâ auditio-

ne: nunc verò (quod deplorandum est) non ita. Quid si consulerentur & cum tota animi demissione rogarentur. *Illustrissimi ac Reverendissimi Domini R. S. E. Cardinales*, de excogitando quopiam svavi modo retinendi Parochianos pro audiendo verbo Dei inter Missæ parochialis solemnità in propria Ecclesia? ita tamen vt non frustrarentur accessu Ecclesiarum Regularium sive externarum, & fructu indulgentiarum ibidem lucrandarum, occurrentium in Dominicis aut Festis maioribus, quibus tenentur interesse Parochiæ suæ, iuxta Concilium Tridentinum? Interim, tamen, dum id præstolamur, & excogitandum ab *Illustrissimis Dominationibus* & proponendum *Sua Sanctitati* mihi solatio erit apud memetipsum ruminari (inefficaciter licet) quempiam remedium modulum qui fortasse possit videri non inidoneus, vtpote sua jura Parochiis & Pastoribus conservans, & simul sua privilegia & Indulgentias Regularibus non impediens. Is autem modus esse posset, isque brevissimus: Vt, si hujusmodi Indulgentiæ cadant in Dominicas & Festa majora: ita quidem fidelibus concedantur, ut Parochianis tamen lucranda veniant cum conditione eodem die interessendi Parochiæ suæ in Missa Parochorum ad audiendum verbum Dei, si commodè fieri possit. Is modus videtur valdè compendiosus: pacis

& ami-

& amicitia inter Parochos & Regulares conciliatius, neutris quæ sua sunt auferens, con venientissimè, avidam Spiritualis lucri plebem, ad Missam Parochi sui alliciens, sicque illam paulatim quasi insensibiliter sine ullo violento compulso, aut clamore, Parochianam reddens, idque solius *sue Sanctitatis* expensis, ut sic loquar: id est, solâ hac jam dictâ conditione, suæ concessioni adjecta & absq; ullo dubio ab omnibus lubentissimè amplectenda. Quid habent ibi quo se commoveant Regulares? quid non habent ibi quo latentur Pastores? quomodò exultarent Belgicæ Provinciæ, sibi que de tam divino remedio congratularentur passim Parochiæ Flandricæ? quomodo universi gratias agerent Christo Domino, & Summo ejus in terris Vicario? Si dicas, positâ illâ conditione interessendi Parochiæ illo die, multos de plebe frustrandos fore lucro Indulgentiæ Regularium, cum non omnibus vacet interesse Missæ Parochiæ? Respondeo ideo nos u'tos fuisse verbis Concilii: *si commodè fieri potest*, ut parochianus scilicet intersit; *si enim non potest commodè*, sicut tunc per Synodum liberatur ab interessendi obligatione; ita per suam *Sanctitatem* liberaretur ab illa adjecta conditione Indulgentiæ, & absque ea indulgentiam lucraretur. *Dignetur suavissime Domine Jesu Christe, mihi indulgere invi-*

PAROCHIANUS

Altissima bonitas tua, omnia peccata mea, si
quæ egimus bona, tua sunt, si quæ scrip-
simus aut pro, suggestu, diximus vera, à
te sunt: Et quidem (Gregorii est in calce o-
peris Moralium) mala me aliqua etsi dixisse non
invenio: tamen quia omnino non dixerim non de-
fendo: Caterum Ecclesie Sponsæ tuæ iudicio mea
omnia & me totum humillimè submitto.

*Finis Prioris Tractatus de Verbo Dei. Se-
quitur posterior de Missa.*



TRA-

TRACTATUS. II.

De debito Missæ Parochialis
audiendæ diebus à Con-
cilio Tridentino statutis.

Q. 1. *AN Ecclesia Romana Christi Sponsa, aliquid statuenti, & faciendum, Spiritu Sancto inspirante, ordinanti, non sit affectuose, & reverenter obtemperandum?*

Respondeo. Quod sic, qui enim præfecit Petrum ovibus, indubiè ex adverso, subjecit oves Petro: unde ex eo quod astrinxit Petrum ex officio, ad pascendum eas: ex consequenti adstrinxit easdem ut pascantur ab illo. *Pasce oves meas*, expresse dixit Petro: Pascimini ab eo, dicit ovibus implicite: Alioquin qui Ecclesiam noluerit habere & audire matrem, sit tibi sicut Ethnicus & Publicanus. Quàm autem sit reverenter obediendum ordinationibus Ecclesiæ, Monet his verbis sanctus Agatho Papa 19. distinct. *Sic omnes Apostolica Sedis sanctiones accipiendæ sunt, tamquam ipsius divi à voce B. Petri firmatæ.* Quam verò sit grave peccatum iis nolle obedire, docet S. Damianus causa 25. quæst. 1. *Violatores Cano-*

num voluntarii, graviter à SS. Patribus judicantur: & à Spiritu sancto, cujus instinctu ac dono, dictati sunt, damnantur: quoniam blasphemare Spiritum Sanctum, non incongruè videntur, qui contra eosdem Sanctos Canones, non necessitate compulsi, sed libenter, ut præmissum est, aliquid, aut protervè agunt, aut loqui præsumunt, aut facere volentibus, spontè consentiunt.

Q. 1. Quotuplicibus Statutis Sedes Apostolica regit fideles sibi à Christo commissos?

Resp: Quòd duplicibus, Partim scilicet iis quæ sunt præcepti, id est continentibus præceptum; & proinde obligantibus in conscientia, atque ideò sub peccato. Quale monstravimus esse illud sess. 24. cap. 4. de Verbo Dei audiendo in propria Parochia, in Concilio Trid.

Partim aliis quæ sunt simplicis ad salutem directionis: constantque regulis consiliatoriis, monitoriis, exhortatoriis, inductivis; quibus ea populo Dei præscribi solent facienda, quæ Spiritui sancto visa sunt esse salubriora ut proinde Pastores summo Ecclesiæ Romanæ Pastori subjecti, non possint nec debeant sacris illis Conciliorum vel Papæ directionibus contravenire, nec sua ipsorum consilia istis contraria populo ingerere: multò minus id possunt facere Confessarii simplices, aut quivis Regulares, quibus plebs Parochiarum non est subdita.

subdita. Si enim ex indulto Sedis Apostolicæ, aliquid operari permittantur, meminisse debent se id habere ex sola simplici commissione, in aliquale Pastorum subsidium, qualia sunt prædicare & Confessiones audire. Commissarius porro commissionem suam excedere non debet, præsertim ubi suæ talis Commissionis functiones & actus sunt determinati, verbi gratia, absolvere & concionari: quas nihilominus functiones ita exercere habent ut serviant intentioni committentis, id est debite illas expleant & sicut oportet: siquidem non operari, sed benè operari, dignum est laude & præmio. Neque enim (inquit Card. Belarminus) coronantur verba, sed adverbia. Itaque Regulares Confessarii Sacramentum illud Pœnitentiæ administrando, cavere omnino debent ne pœnitentibus aliquid insinuent quod sit Ecclesiæ & Conciliorum Ordinationibus & Consiliis repugnans, si facta est iis prædicandi commissio, debent convenienter prædicare, id est non seipsos, & suum interesse, sed Christum, non suam ipsorum sed Christi & Ecclesiæ ejus doctrinam, quod certè non faciunt si dum Ecclesia in Oecumenico Trid. Concilio statuit & jubet publicari: *Populum teneri ad Parochiam ratione verbi Dei in Missa audiendi*, Ipsi è contra, aut in Confessionali privatim, aut in suggestu publicè, præ-

sumunt docere non teneri, sive, quod idem omninò est, non obligari: Aut si ubi Concilium hortatur ad Missam Parochialem, ipsi ex adverso dehortantur. Vel si etiam, ubi Sedes Apostolica expressò præceptò mandat Regularibus, ut seriò, & frequenter, quà catechizando, quà concionando, exhortentur, moneantque populum ut audiant Missam suorum Parochorum; ipsi è contra non obediunt neq; hoc prædicare volunt: aut si semel in anno, de hoc in alicujus Ecclesiæ Parochialis Dedicatione, rogatu Parochi, unum verbulum dicant inter concionandum non tam id præstare videntur in commendationem Statuti Synodici, aut Pontifici, favoremque Juris Pastoralis, & frequentationis Parochiæ; quam in præjudicium eorundem. Totum enim illud quod dicere solent, est: Quod si qui aut quæ velint diebus Dominicis & Testis frequentare Parochiam suam, non malè faciant: quin etiam bene faciant quidem, sed tamen revera, nulla penitus ad id sit obligatio conscientia: Quod interim est expresse contra textũ prædictum Concilii Trid. sess. 24. cap. 4.

Q. 3. Quo loco Concilii Trident: sit Statutum de Missa Parochia? & quale sit?

Resp. Quòd inveniatur in sess. 22. in Decreto de observandis & vitandis in celebratione Missæ, ubi Sacrosancta Synodus post nonnulla

nulla alia, quæ jubet circa Missam cavenda aut servanda. hoc subjungit.

Statutum de Missa.

Doceant Populum, quis sit, & à quo potissimum proveniat Sanctissimi hujus Sacrificii tam pretiosum ac Celestis fructus. Moneant etiam eundem populum, ut frequenter ad suas Parochias, saltem diebus Dominicis & majoribus Festis accedant.

Quod autem hoc Decretum de frequentanda Parochia pertineat ad Missam non est dubitandum: tum quia titulus capitis est de Missa. Tum quia toto capite non agitur nisi de Missa & spectantibus ad eam. Tum denique quia (ut in textu jam allegato patet) postquam actum est de fructu sacrificii Missæ commendando, statim immediate subjungitur, *Moneant etiam, &c.*

Q. 4. An Statutum illud de Missa Parochiali audienda, sit primi, an verò secundi generis: id est, An sit Præceptum, an verò Regula simplicis ad salutem directionis?

Resp: Pro nunc supponendum esse, ac si sit simplicis Directionis, quidquid sit interim de rei veritate, quæ in sequentibus poterit probabiliter etiam in alteram partem expendi: Continet nihilominus hoc præmissum Concilii Statutum manifestissimam Ecclesiæ intentionem & absolutam voluntatem, populo per Episcopos seriò intimandam, ut dictis diebus inter-
sit

fit Missæ Parochiali: quòd omninò præstandum est cum simplici & humili obedientia ac Christiani animi promptitudine.

Q. 5. An non sit perniciosum bono animarum spirituali ac svavi Matris Ecclesiæ, per regulas monitionas & hortatorias regimini, quòd non queratur, nec curetur amplius an Ecclesiæ Romana ordinet, statuat, velitne aliquid fieri? sed tantum an sub peccato?

Resp: Quòd sic: Et quidem talis insusuratio & clandestinum consilium quorundam non potest esse à Spiritu Dei. Primo quia repugnat consiliis, monitis, & ordinationibus Ecclesiæ quæ regitur à Spiritu sancto: Et destruit ex toto eam alteram regiminis Ecclesiæ partem, quâ regit, dirigit docet, moderatur & gubernat svaviter per hortativas & planè maternas ordinationes. Quæ si ita negligantur passim & iis non obtemperetur, metuentum merito est, ne in posterum paulatim præcepta negligantur. At vero iis posthabitis & neglectis, facile veniri posset usque ad defectionem fidei, quæ necessariò postulat omnem reverentiam & animi submissionem ad sanctam Sedem, ejusq; super totum Christianismum supremam in terris auctoritatem. Non enim procul est ab isto periculo, qui omissa reverentia & obedientiali affectu ad Romanam Sedem ejus dedignatur directivas regulas, mo-

nita

nita & statuta præ hominum consiliis Ecclesiæ consilio contrariis.

Secundò, quia repugnat animarum promotioni ad maiorem perfectionem: perfectius enim est ultra præcepta implere etiam Ecclesiæ sacrosancta monita & consilia, quam sola præcepta: quæ alioquin pauca admodum sunt. Et verò qui attendere non vult ad Christum Ecclesiamque monentem, sed dumtaxat ad præcipientem, convincitur quidem timere, sed non convincitur eam amare ac diligere: qui autem non diligit, quid meriti aut perfectionis consequi potest præcepta exequendo?

En quantum damnificentur animæ, & regimen Ecclesiæ, dum plebs à Pastoribus ad humiliter parendum Ecclesiæ monitis excitata, tandem assuescit renuere, multumq; subtiliter se defendisse, & Parochis respondisse putat, cum ex quorundam occulta insusurratione respondet constanter, *Se non teneri, nullamque Ecclesiæ obligationem sub peccato, exstare.*

Q. 6. An instructio quorundam data secularibus, ut respondeant se non obligari ad peccatum, sit damnosa?

Resp: Quantum ea respondendi doctrina sit perniciosa, quantumque spiritualis damni, populo simplici, afferat huiusmodi improvida subtilitas distinguendi inter præcepta & monita; colligere est ex indebito fine & scopo:

Ideò

Ideo enim, uti distinctione inter illa duo, apud filias spirituales seculares (quarum in Parochiis Flandriæ multæ & magnæ sunt catervæ) & alios plebeios; eoque fine ut posteriora, id est, *Monita* & Ecclesia statuta hortatoria substiceantur, supprimantur; nemo doceat, nemo hortetur, nemo catechiset, nemo prædicet, nemo inculcet, nemo commendet esse observanda, & quidem sic ut è contra, si quis id serio facere aggrediatur, mox audiat subinde à nonnullis sibi responderi: Estne quoad illam constitutionem, obligatio nobis imposita sub peccato? tenemurne in conscientia ad illam monitoriam & directivam Ecclesiæ voluntatem? offendemusne Deum si non obedimus? illa quæso tergiversandi instructio est nē toleranda? quantum certè, eo fine facta distinctio inter præcepta & monita, talisque ita respondendi insusurrata industria, noceat, hinc patet, quod viam aperiat ad ruinam boni publici, & perfecti regiminis omnium Communitatum, Rerumpublicarum & familiarum.

Quis quæso erit ordo in domo, cujuscunque Patrisfamilias, aut heri: si servi & ancillæ, si filii & filix, nullis ejus ordinationibus ac voluntatibus obsequi voluerint, nisi prius eis significetur & constet eum præcipere sub peccato? obligorne ad tuas ordinationes
sub

sub peccato? alioqui non obedio. Nequidem in exercitu sic responderi solet: Dico enim (ajebat Centurio) huic militi meo vade & vadit: & servo meo fac hoc & facit, veni & venit: quod & Christus vehemente laudavit: Quanto igitur magis in hoc mystico Christi Corpore, parendum est directionibus & voluntatibus illius Magnæ & Sanctissimæ Matris familias, quæ est Sponsa Christi, Romana Ecclesia?

Non inficior debere distingui inter præcepta (ut potè obligantia ad peccatum) & statuta monitoria simplicis directionis: sed eo fine distinguere, ut sola priora servantur: & posteriora nequaquam: sed potius negligantur, non curentur, nec custodiantur, id non est ferendum.

Alioquin, in simili obtestor ipsorum Religiosorum fidem: Nunquid Patres Capucini, præter vota essentialia & suæ Regulæ Franciscanæ præcepta, habent strictissimas suæ reformationis vitæ ac disciplinæ constitutiones, ad nullum prorsus, ne quidem veniale peccatum obligantes? ita planè. Nonnè & Patres Dominicani suas? nonnè & Patres Jesuitæ suas regulas & statuta nullius omnino ad ullum peccatum obligationis? ita est. Nunc ad propositum, Paterenturne superiores ea infringi? dissimularent ne si quis ea non observaret?

Nonnè

Nonne quotannis super hoc fiunt visitatorum Provincialium informationes, & transgressoribus poenitentia vigilanter imponitur? Et cur quæso tam accuratè invigilatur harum constitutionum observationi? Quia utique sepes sunt ad muniendam votivam essentiam Religionis: Fundator quidem plantaverat vineam, sed Generale Ordinis Capitulum, subinde sepem circumdedit ei: sicut Christus fundavit Ecclesiam, munivit eam maceria præceptorum suorum, Concilium autem Generale, sepem Canonum & monitorum suorum circumdedit eis. Quam autem sint necessariae ejusmodi sepes colligi potest ex eo quod Deus noster Isa. 5. pro magno supplicio minetur dicens: *Auferam sepem ejus, & erit in direptionem: diruam maceriam ejus, & erit in conculcationem.* Id est, propter demerita superiorum subtraham eis gratiam meam, & auxilia mea specialia, ut ex subsequentiis palpabilibus ordinis prævaricationibus, ordo ipse discat, quàm sine ope mea, nihil possit, & humilietur. Nostriis penè oculis vidimus declinationes & relaxationes plerorumq; Ordinum Religiosorum, proh dolor? & id unde? nisi ex neglectu suarum sepium seu constitutionum? esto, non obligarent sub peccato ullo, nam ut habetur Eccles. 10. *Qui dissipat sepem mordebit eum coluber.* & Eccles. 36. *Vbi non est sepes, diripietur*

tur possessio. Id est, ex non observantia statutorum & salutarium monitionum facile sequitur transgressio præceptorum, quia nimirum in statutis consistit cautio & bonum totius disciplinæ. Quod si ita est in Ordinibus Regularium, cur quæso in Ecclesia Christi, quæ est Communitas communitatum: Respublica rerumpublicarum, & exemplar omnis sancti Regiminis ac disciplinæ, non servatur ejus divina intentio, monita, directiones, constitutiones, ordinantiones, ac ejus sanctissima disciplina, ne populus tandem in pejora dilabatur?

Cur Confessarii & Prædicatores Regulares faciunt alteri nempe Ecclesiæ Romanæ Matri suæ, quod sibi ipsis non vellent fieri? nimirum negligi & non observari Sanctissima statuta superiorum legitimorum? & ipsimet Ordinum Provinciales, cur in visitationibus suis annuis non inquirunt unde lugeant desertæ Parochiæ? unde passim gemant Parochi privati aspectu & notitiâ & præfatis conventu charissimarum ovium, quibus à Sancta Sede præfati sunt? Cur non advertunt, num fortasse sui Religiosi non sint hujus mali & deordinationis causa? siue scribendo, siue concionando, siue priuatim suis familiaribus aut pœnitentibus colloquendo? si tale aliquid deprehendant, immò vel suspicentur, videant pro sua
pru-

prudētia quomodo hoc possint convenienter impedire.

Q. 7. Quid dicere possent Visitatores Ordinum suis Confratribus pro tuenda ordinatione SS. Synodi super frequentatione Parochiæ, & Missa Parochialis?

Resp: Dicere possent, *'Fratres mei, sumus Religiosi, & obedientiam professi, sed & tu-
mus filii. ac cooperatores sanctæ Ecclesiæ per
ministerium Confessionis & prædicationis. Por-
rò quatenus nos Religiosi profiteamur obedi-
entiam regularem: perfectissimè scilicet paren-
do Religioni nostræ in monitis & regulis, &
ordinationibus suis, debemus eatenus esse ple-
bi Christi exemplum obedientiæ promptissi-
mæ, ut ipsa quoque ad imitationem nostri
promptè & sincero affectu obediat Ecclesiæ
ni monitis & directionibus ejus. Simples
de plebe oculum figunt in Religiosos tanquam
in vivum exemplar obedientiæ, proinde te-
nemur ex charitate eis in hoc dare bonum
exemplum.*

Quatenus verò sumus Ecclesiæ filij, eandem
debemus sincerissimè amare, honorare, vene-
rari, observare, colere, sequi, obedire ejus
præceptis. Præcipit autem nobis arctissime
in Bulla Clementis 8. (de qua infra) ut se-
riò curemus monere, & exhortari frequenter
fideles ut pareant Sedi Apostolicæ audiendo

Mil-

Missam Parochialem diebus Dominicis, & festis majoribus. Obediamus ergo humiliter, & facto & verbo plebeculam accendamus ad amorem, reverentiam & obedientiam sanctæ Matris Ecclesiæ.

Quatenus autem Cooperatores ejusdem Ecclesiæ sumus, juvemus eam ex animo, satisfaciamus intentioni ejus, reddamus illam populo amabilem, quia Sponsa Domini est, honorabilem, quia Magistra veritatis est; obedi-
bilem, quia Mater est omnis sanctitatis, & organum Spiritus sancti, exaltemus monita ejus, statuta ejus merè cœlestia, cōsilia ejus à Deo sapientissimè inspirata, quibus membra sua dirigit ad salutem: Quod si præstare nos de-
cet, quanto magis oportet nos cavere ne contrariemur eidem Ecclesiæ, opponendo consilia nostra, consiliis ejus? nostra, inquam, merè humana, ejus planè divinis? nostra quæ quatenus nostra, falli & fallere possunt: immò & meritò (quatenus Ecclesiæ consilijs contra-
ria) esse possunt suspecta, de occulta aliqua quæstione nostri proprii interesse. Ecclesiæ autem Romanæ in universali Concilio congregatæ monita & consilia, tam certum est esse purè ad gloriam Dei, & solam animarum salutem; quam certum est Deum esse Deum. Non contristemus Pastores, meminerimus Six-
tum 4. nobis prohibere ne ullo modo popu-

los à Parochiæ frequentatione abstrahamus, idque sub excommunicatione ipso facto incurrenda. Itaque audiat Spiritus sanctus 1. Corinth. 10. *Sine offensione estote Iudæis & Gentibus & Ecclesia Dei.* Item 2. Cor. 6. *Nemini dantes ullam offensionem, ut non vituperetur ministerium nostrum.* Si Pastor Christus Dominus, per Ecclesiam suam vocat gregem suum ad Parochiam, nos qui gregis canes sumus latratu nostro consentaneo gregem eo convertamus, & dicamus gregi, *Vocaris* si vocet Monendo, dicamus conformi gregi, *Moneris*: si vocet præcipiendo, dicamus. *Teneris.* Et simul declaremus penitentibus nostris, frustra sperari perfectionem per ea quæ sunt humani consilij, neglectis & non impletis ijs quæ sunt debiti.

Q. 8. *An constitutio Tridentina Synodi supra Q. 3. [posita] sub vocabulo Monitionis expressa, non differat à nudo consilio?*

Resp. Quod sic: nam unusquisque potest mihi dare consilium: sive sit Doctor, sive Advocatus, sive socius, sive inferior meus: solius autem Superioris est, constitutiones facere, & per sese, vel per suos ministros ad illas servandas, subditos monere. Deinde id quod est nudi consilij, non est propriè debiti: sed relinquitur libertati & optioni meæ: è contra verò res monita, & per constitutiones

ones à Superiore ordinata & dictata, est debiti nec relinquitur nostræ optioni aut libertati. Vnde subiectus non potest respicere rem talem tamquam sibi indifferentē, non est enim amplius de numero obiectōrū indifferentium. Et Superior legitimus, licet possit & consilium dare, & ordinare seu monere ut aliquid fiat, aliter tamen facit hoc, & aliter istud. Nam viā consilij nudi, dicit vellem; viā autem ordinationis, dicit volo, quæ, ut patet, multum differunt. Testes hujus distinctionis mihi sint ipsi Ordinum Superiores, qui in actionibus adiaphoris seu indifferentibus ac meræ libertatis, Subditos suos suo ipsorum arbitrio relinquunt quasi dicerent *Si quis hoc agat vel omittat perinde esto*. At in iis quæ sunt Constitutionum & Regularium directivarum quibus totius Communitatis disciplina continetur, esto non ligent ad peccatum, Superior non dissimulat si quis contravenerit, ac si diceret: *Hoc ordinavi & statui, Volo & Moneo ut fiat*: & consequenter animaduerti solet in inobedientes.

Nunc applicemus ad propositum nostrū. Quod Parochiani audiant missam Parochiæ juxta Statutum Concilii Trid. supra 2. 3. positum, non est nudū consilij, nec meræ libertatis, sed debiti. Debitum verò istud oritur ex natura constitutionis præfatæ, factæ à supre-

mo Iudice, Principe, & Superiore Christi fidelium. Ac si diceret: Ex autoritate statuo, ordino, volo, & per Episcopos moneo, sic fieri. Dabet igitur ei obediri. Nam superiores Ordinum, si quid efficaciar & autoritatis habent in suis constitutionibus ad nullum licet peccatum ligantibus, indubie habent à supremo Ecclesiæ Capite. Iam autem.

Æquumne est, ut supremi Capituli sacerrimæ Regulæ & Constitutiones languant, jaceant, frustrentur, & ineffaciter subjectis ejus publicentur, & eis non obediatur: cum tam arctè Prælati minores Regularium à suis subditis faciant suas observari: ideo valde cavendum est, ne hæc de Parochiali Missa Constitutio & expressa eam frequentandi Monitio, vel subdiceatur à Prædicatoribus & Confessoribus, dum tempus & locus aut occasio eam manifestandi requirit: vel ne dicatur esse quid indifferens & nudi consilii. Nam ex similibus intricandi & loquendi modis facile omittit obedire simplex vulgus, & deviat à Regulis Ecclesiæ.

Q. 9. An non plus sit actionem aliquam esse consilii, quam esse licitam, & mera libertatis?

Resp. Quòd sic. Quia posterius, non supponit aliud in Superiore, quam Nudam permissionem ut res fiat, habetque se Superior ad eam quasi negativè. At verò rem esse consilii

filiū supponit aliquid plus in Superiore, nempe velleitatem ac desiderium aliquod ut res fiat, ratione cuius, habet se quasi positivè ad rem illam.

Porro, utrique, id est, tam permissioni quàm consilio commune est quod includant virtute prohibitionem ne quis à re illa libera vel consulta, subditos impedire valeat. Hanc difficultatem & distinctionis doctrinam, infra applicabimus. *Bulla Clementis 8.* in qua agitur de audienda Missa Parochiali: quæ in quam Missa Parochialis distingvetur ibi à nobis contra Missas Regulariū, quæ respectu Summi Pontificis Clementis, ne quidem sunt consilii, sed meræ & nudæ libertatis.

Q. 10. An Concilium Trid. non munierit Episcopos remediò contra Parochianos, Missam parochia frequentare nolentes?

Resp. Quòd sic, & quidem per hæc verba: quæ immediate sequuntur post statutum de Missa frequentandà supra *Q. 3.* positum.

Hæc igitur omnia quæ summam enumerata sunt, omnibus locorum Ordinariis ita proponuntur: ut non solum ea ipsa, sed quæcumq; alia huc pertinere visa fuerint, ipsi pro datâ sibi à Sacrosancta Synodo potestate, ac etiam ut Delegati Sedis Apostolica, Prohibeant, mandent, corrigant, statuunt; atq; ad ea inviolatè servanda, Censuris Ecclesiasticis; aliisq; penis quæ illorum arbitrio constitutu-

stituentur fidelem populum compellant: non obstantibus privilegiis, exemptionibus, appellationibus ac consuetudinibus quibuscumq;.

Ubi nota, quod Concilium, dicendo *Hæc igitur omnia*: comprehendit etiam ordinationem de Missa in Parochiis frequentanda Inter octo siquidem puncta, quæ toto isto Decreto, Episcopis curanda injunxit, omnium ultimum est de debito Missæ frequentandæ, quod proinde continetur sub vocula demonstrativa, *Hæc*, cujus natura est referri potius ad vicina, quam remota, continetur nihilominus etiam sub signo distributivo *omnia*: debitum enim frequentandæ Missæ, est unum ex his quæ summative enumerata sunt. Etenim si Concilium ponit *omnia*, ut nihil enumeratorum excludat quomodo auderemus nos excludere id quod Concilium non excludit, Missæ nimirum frequentationem? Proinde remedia illa in textu jam allegato expressa pertinent etiam ad curandam Missæ Parochialis frequentationem, Ideoque manent Episcopi benè muniti remediis adversus Parochianos vel Parochianas, Parochiam pro Missa Parochorum audienda, dictis diebus, frequentare negligentes.

Q. 11. An Episcopi per textum Concilii allegatum habeant sufficientem potestatem & media ad efficaciter curandam Missæ Parochialis frequentationem?

F 3]

Resp

Resp. Quòd sic: quia imprimis habent auctoritatem ad id plenissimam & amplissimam à sancta Synodo, tamquam Sedis Apostolicæ Delegati. Ista autem potestas, adeò latè patet, ut se extendat etiam ad quæcumque alia quæ huc pertinere visa fuerint, mādando, corrigendo, prohibendo, statuendo, Censuris Ecclesiasticis. aliisque pænis arbitrariis. populum compellendo, cum supra citatis, *Non obstantibus &c.* Certè potestas illa. Episcoporum adeo magna & ampla est, ut eā uti liberrimè possint in Regulares, si quoquo modo à frequentanda Missa Parochiali populū divertant ac impediant. Vnde sequitur quod cū inter istiusmodi, *Quæcumq; alia quæ huc pertinere videri possent* (ut loquitur Synodus) maximè recenseri habeant verba dissuasoria Prædicatorum & Confessariorum Regularium: sequitur inquam Episcopū in eos agere posse mandando, corrigendo, prohibendo, statuendo, ne ullis sive directis sive indirectis modis, plebis animos ab obedientia huius ordinationis alienent aut retardent. Nec obstat quod Regulares forte sunt exempti aut privilegiati, vel quod per diuturnam consuetudinem sibi videri possent in possessione præscriptā: nam ista omnia sunt exclusa per hæc verba: *Non obstantibus privilegiis, exemptionibus, appellatinibus, ac consuetudinibus quibuscunq.*

Q. 12 An Ioannes Gallemart, & Emanuel Rodriquez

driguez rectè dicant Sacram Cardinalium Congregationem declarasse Episcopos non posse uti Censuris, ad compellendam populum ad Missam Parochiæ?

Resp. Quòd non rectè id dicant: ut autè meliùs constet quid de hac re loquantur, citemus eorum verba. Dicit itaq; Rodriguez Quæstionum Regularium tom. 1, Quæst. 143. artic. 7. Præterea in eadem Congregatione, considerando verba dicti Decreti ibi *Monent etiam*: decisum est, quod populus monendus est, ut Dominicis & Festis majoribus Missas in suis Parochiis audiat. non est tamen ad id per Censuras Ecclesiasticas cogendus, hætenus ille. Ioannes Gallemart verò in suis Collectionibus decisionum & declarationum Congregationis Cardinalium super Concilium Trid. hanc annotationem habet: Vide Zerolam in praxi Episcopali parte 1. verbo Missa, ubi asserit sacram Cardinalium Congregationem censuisse non posse Episcopum cogere populum multis aut panis, etiam in casu notabilis negligentix aut contumaciæ, ire ad audiendam Missam in Parochia sua, hætenus citatus Zerola: Deinde Gallemart citat Franciscum Suarem super 3. partem Divi Thomæ, disputat. 88. sect. 2. opinantem quòd populus ad Missam Parochialem Censuris per Episcopos compelli non possit diebus Dominicis & Festis majoribus: adverto tamen Suarem eò locò tota
secti-

sectione, non agere nisi de Missa præcepti contenti in cap. *Missus* ex Concilio Agathensi; quærendo num Missa illa dicti præcepti pro diebus Dominicis & Festis singulis, debeat esse illa solemnis, quæ dicitur Parochialis & celebratur à Parocho in Parochia? Et resolvit quod non, & consequenter Episcopos non posse ad Missam dicti præcepti (ac si deberet esse necessario illa Parochialis solemnis) populum per Censuras compellere. Quod totum etiam dicimus, ideoque Snares & alii, qui illo sensu de Missa agunt. contra nos non faciunt. Nos enim distingvimus. inter Missam præcepti universalis, & Missam Parochialem, quæ & si non sit præcepti, est tamen statuti Ecclesiæ tamquam simplicis animarum ad salutem directionis; sed de ejusmodi Missæ distinctione infra ex professò loquemur. Maneat ergo populum Censuris, ad parochialem, dictis diebùs, per Episcopos compelli posse, juxta verba Concilii jam *Q. 10.* citata.

Nec obstant omnes illi Allegatores declarationem Congregationis: *Illustrissimorum Cardinalium. Gallemart, Rodriguez Zerolla. Marzillo, Soteallus, Farmacius, Horatius Lucius, Barboza.* Et si qui alii; nam extat Decretum expressum contra similes Scriptores.

Q. 13. Quod sit illud Decretum contra Gallemart, & similes allegantes Congregationem Cardinalium?

Resp.

Resp. Decretum ejusmodi manasse anno, 1621. esse tale.

Decretum.

Sacra Congregationis S. R. E. Cardinalium ad Sanctissimo D. N. Gregorio Papa. XV. sanctaeque Sede Apostolica ad indicem librorum, eorundem permissionem, prohibitionem expurgationem, & impressionem, in universa Republica Christiana specialiter deputatorum, ubique publicandum.

SACRA CONGREGATIO Illustrissimorum S. R. E. Cardinalium ad indicem deputatorum; viso decreto super prohibitione facienda omnium collectionum declarationum decisionum ac interpretationum Congregationis Concilii tam impressarum quam imprimendarum, infrascripti tenoris: videlicet:

Cum nuper S. Congregationi Cardinalium Concilii Trid. interpretum, innotuerit, aliquot volumina declarationum, ementito ipsius Congregationis nomine prodisse in lucem, quas in tenebris delituisse consultius fuisset, quando nedum undique scarent erroribus, sed ubicubi etiam vera ac germana Sacros. Synodi intelligentie prorsus adversantur. Cumque ejusmodi editiones unde confusio ac perversio oriri facile potest, gravissimis etiam penis interdicantur constitutione sanctissima Pii 4. quae incipit, *Benedictus Deus Illustrissimi Patres*, bonum semen ab inimici hominis zizania discerni, atque acumenica doctrina integritatem, salvam incorrumpramque

ptamq; in Ecclesia Dei Custodiri, pro eo ac debent satagentes, sanctissimo D. N. Gregorio XV annuente.

Decreverunt indici librorum prohibitorum addendas esse omnes & quascunq; Collectiones declarationum. decisionum, seu interpretationum Congregationis Concilii, impressas vel imprimendas, præsertim verò editiones infrascriptas.

Sacri Concilii Tridentini decisiones & declarationes Illustrissimorum S. R. E. Cardinalium ejusdem Concilii interpretum, ad diversa exemplaria, præsertim, secundum correctionem Petri de Marzilla, operâ & studio Ioannis de Gallemart.

Declarationes Concilii Trid. ex Bibliotheca manuscripta Prosperi Farmacii.

Remissiones Doctorum qui varia loca Concilii Trid. incidenter tractârunt, Authore Augustino Barbosa.

Declarationes Cardinalium Congregationis Concil. Trident. una cum Ioannis Soteali & Horatii Lucii annotationibus.

Declarationes eorundem Cardinalium, ex ultima recognitione Ioannis Gallemart, cum citationibus Ioannis Soteali, & remissionibus Augustini Barbosa.

Decreta Concil. Trid. ad suos quæque titulos, secundum juris methodum redacta, adjunctis declarationibus autoritate Aposto-

lica editis per Fratrem Vincentium de Marzilla.

*In quorum fidem hæc propria manu subscripsimus,
& sigilli Nostri impressione communiri fecimus.
Datum Romæ die 29. Aprilis 1621.*

R. CARDINALIS UBALDINUS

*Ideo prædicta sacra Indicis Congregatio volens
quamprimum executioni mandare, ut par est, huius-
modi prohibitionem: Omnes supradictas collectio-
nes, declarationes, decisiones, ac interpretationes
Congregationis Concilii, cum impressas tum impri-
mendas, & præcipue supra expressas præsentis De-
creto ob id specialiter facto prohibet, mandans sin-
gulis cujuscumq; gradus & conditionis sub panis
in Indice librorum prohibitorum contentis, ne im-
posterum, à præsentis Decreti notitiâ, aliquas hu-
jusmodi Concilii collectiones, declarationes, deci-
siones ac interpretationes imprimere, legere, vel
quomodocumq; etiam sine alia superiorum licentiâ,
apud se detinere audeant.*

*In quorum fidem, manu & sigillo Illustrissimi &
Reverendissimi Domini, Cardinalis Bruilacqua præ-
sens Decretum signatum & munitum fuit, Die
6. Iunii 1621.*

BONIFACIUS CARDINALIS BRIVILAQVÆ

Locus Sigilli.

FR. FRAN. MAGDALENUS CAPIFERREVS.

[Ord. Prædic. Secret.

*Romæ ex Typographiâ Camera Apostoli-
cæ M. DC. XXI.*

Hoc igitur Decretum expressimus, ut appareat quam pauci sint momenti illæ allegationes sive Gallemartii sive Emanuelis Rodriquez, sive cuiuscumque alius, quibus indicat Sacram Cardinalium Congregationem declarasse Episcopos: non posse uti Censuris Ecclesiasticis mulctis aut penis ad compellendum populum ad Missam parochialem diebus Dominicis & Majoribus Festis: cum id sit expresse contra textum Concilii Trid. supra artic. 10 expressum; & Congregatio Sancta ostendat hic se tam alienam à similibus declarationibus, quæ quomodocumque alterant Oecumenicæ doctrinæ integritatem, quam salvam incorruptamque in Ecclesia Dei custodiri, pro eo ac debent, hic satagere se dicunt.

Q. 14. An & quomodo S. Carolus Borromæus plebes ad frequentationem Missæ Parochialis reduxerit?

Respe. Quod id diligentissime curaverit, & inter alia media quibus ad hoc usus est in Concilio

cilio 6. Provinciali Mediolanensi litteras Divino zelo plenas ad omnes Episcopos suæ Provinciæ direxit hoc tenore, ante quas tamen hanc præmittit præfationem.

Candorem ratio & disciplina Ecclesiastica id maxime postulat, ut ad Ecclesiam Parochialem fideles quàm frequentissimè convenient: id quod ab Episcopis accuratè eos moneri, Oecumenica Synodus Trid. piè ac salutariter decrevit. Ejus Decreti autoritate, ut pro eo quod debemus, planè obtemperemus: in usumque Provinciæ nostræ inducamus. quòd bene agendi rationibus, usuique optimè consultum esse animadvertimus, litteras monitionis eo de genere infra explicatas hoc Provinciali Concilio 6. edimus, quas in omni parochiali totius Provinciæ nostræ Ecclesia, certis Festis diebus, quos pro suæ Diæcesis ratione Episcopus præstiterit, de more promulgari decernimus: quo diligentius Parochiales admoniti, cum officii religiosi partes facillè intellexerint, quas suæ quoque Ecclesiæ Parochiali debent, incitata quadam voluntatis propensione exequantur, quod de Sacrosancti illius Concilii sententiâ, eos salutariter & quam sæpissimè monitos esse volumus. Id verò non hæc nostra solum Provinciali cohortatione monitioneque contenti Provinciæ nostræ Episcopi præstandum curent, sed omni aliâ præcipuâ pastora-

storalis curæ ratione, quam ejus rei usui accommodatorem potioreque esse censuerint. Porro hujus nostræ literas, quo facilius planiusque intelligat, indeque partes officii sui non solum cognoscat sed rectè exequatur, eas in vulgarem etiam sermonem totas de verbo ad verbum converti, vel summam vulgariter explicari, & ita Fidelibus enucleari iisdem curent, prout Diæcesis suæ rationibus magis expedire videbitur.

Q. 15. Quæ sit formula monitionis S. Caroli de conveniendo ad Parochialem Ecclesiam?

Resp. Esse, ut sequitur.

Fuit olim tanti apud Antiquos Patres ille, frequens in Ecclesiam propriam parochialem Conventus, ut ad hanc disciplinam populi Christiani institutioni valdè accommodatam retinendam, certis Decretis cautio aliqua adhibita sit. Primò enim hoc jussum est ut Dominicis Festisque diebus, Parochi antequam Missam celebrent, plebem interrogent an alterius Parochiæ fidelis adsit, qui proprio contempto Presbytero, ibi Missam audire velit, quem si invenerint, statim inde ejiciant, & in Parochialem suam Ecclesiam, ad Missam audientiam redire compellant.

Deinde illud planè vetitum fuit, alienæ Parochiæ fidelem à Parocho ad Missam non recipi, nisi in itinere fuerit & placitum ibi haberit.

erit. Cujus veteris disciplinæ restituendæ in usumque revocandæ desiderio flagrans olim Summus Pontifex Urbanus VI. eo de genere Apostolica Sanctione diligentissimè cavuit, & nuper sacra Tridentina Synodus Oecumenica ab Episcopis Fideles non solum hoc mone-ri voluit ut frequenter ad proprias Parochiales Ecclesias saltem Dominicis diebus, Festisque majoribus accedant, sed illud etiam diligenter ostendit. *Vnumquemq; teneri, ubi commode fieri potest, Parochiæ suæ interesse ad audiendum verbum Dei* Ac proinde id præterea statuit, à Parochis animarumque Curatoribus inter Missarum solemnia aliquid ex iis quæ in Missa leguntur exponi, & sanctissimi illius sacrificii mysterium aliquod explanari, plebes sibi commissas salutaribus verbis pasci, easdemque doceri, quæ scire omnibus necessarium est ad salutem, in lege Domini erudiri, & sacra eloquia illis explanari, tum in unaquaque Ecclesia Parochiali pueros fidei rudimentis instrui.

Colligit S. Carolus frequentandam esse parochiam, & qui inde fructus sequantur.

His igitur ejusdem Tridentinæ Synodi Decretis, & veteri salutari exemplo adducti; cum populum urbis, Diæcesis Provinciæq; Mediolanensis nostræ, rebus ad salutem necessariis instructum, per bona opera ad præmium sempiternum perducere, summopere in Domino cupi-

cupiamus: hac nostra, monitione eos universos & singulos cohortamur, ac per viscera misericordiae JESU CHRISTI obsecramus atque obtestamur, ut quamvis in vicis, oppidis, & suburbiis Oratoria, Capellas, aliasve Ecclesias habeant, ubi sanctissimo Missae sacrificio interesse possint: frequenter tamen Dominicis saltem aliisque solemnibus festis diebus, ad suam quisque Parochialem Ecclesiam conveniant: ubi à Parocho cui eorum cura commissa est, verbo Dei pascantur, fidei Christianae rudimentis; aliisque animarum salutis necessariis praeceptis erudiantur, ad sanctissima sacramenta religiosius percipienda instruantur, ad eorumque frequentem usum ut illa sacra Synodus optat paternis ejus cohortationibus in dies magis inflammentur. Tum ab eodem item audiant, qui dies Festi, si qui in hebdomadam inciderint, colendi, quae vigiliae, jejuniave servanda sint, discant ab ipso, item quae Christianae pietatis officia, in illis religiosè colendis praestari oporteat, ac quae praeterea supplicationes, Processionesve, aut stationes, Orationes, Indulgentiae, Jubilaea indicantur: quae matrimoniorum denunciations fiant, quae item pro ratione temporum. admonitu jussuve Episcopali ad diligentiore eorum institutionem promulgentur.

tur. His atque adeò aliis fructibus, qui ex paternis Parochi vel in cohortando vel in monendo officiis existunt, eos carere contingit, qui ad Missam iis diebus, in suam Parochialem Ecclesiam non conveniunt.

Colligit S. Carolus quæ incommoda sequantur ex absentia à Missâ Parochia.

Immo verò quod hoc, audiendæ illis diebus Missæ Parochialis munus, à Fidelibus minus diligenter præstatur, & à quibusdam plane negligitur, multa incommoda inde existunt. Hinc in plerisque sæpè fidei articulorum & Dei Sanctæque Matris Ecclesiæ præceptorum quæ ad salutem consequendam Christianum hominem nòsse oportet, imperitia, Fectorum dierum cultus neglectus, debita Christianæ pietatis opera non exulta, non cognita Christiana familiarum institutio, languescens Sacerdotum Parochorum omne officium, eorum aliquis contemptus, Sanctissimorum institutorum & sacrorum Canonum violatus usus, hinc denique in Ecclesiis Parochialibus, quæ à majoribus tanto pietatis studio exædificatæ sunt instaurandis, ornandis, fartis rectisque habendis, cura multis in partibus neglecta, in illisque nulla aut pene exigua Ecclesiastica ad Divina officia obeunda, necessaria suppellex. His tot tantisque

[qualis

malis atq; incommodis unusquisque occurrere studeat, id diligenter exequendo quod SS. Patrum syadet autoritas: quod Tridentina Synodus moneri jubet, quod ex illius jussu nos de uniuscujusque vestrum salute solliciti, Paternis vocibus cohortamur & monemus in Domino.

*Adhibet S. Carolus motiva ad Parochia
frequentationem*

Nec verò quemquam aliquod, quod vel ex Parochialis Ecclesiæ aliqua distantia, vel ex pluvia, frigore, aestu, temporumve vicissitudine existit incommodum, ab hoc officio deterreat. Immo verò ad illud diligentius exequendum, prout in Domino confidimus, se quisque eorum accendat necesse est: qui salutis suæ memores hujus rei gravitatem; eorum, quæ commemorata sunt, ratione, perpendent; Quique aliquando secum animo reputabunt, non solum Parochialem Ecclesiam sibi datam esse in qua primùm baptismò susceptò, Christo Domino renati, aliis Sacramentis aluntur ad perpetuam salutem, sed Parochum etiam Sacerdotem sibi locò Parentis esse debere, quem diligant, colant, atque observent. Hoc sibi proponentes illum pro Fidelibus sibi commissis apud Deum internuntium, ac deprecatorem esse, Divinæ legis in-

terpretem, dispensatorem mysteriorum Dei, Christianæ vitæ & morum disciplinæ Magistrum, à quo omne petant pie recteque agendi consilium, ac denique Ministrum omnium ferè quæ ad salutem eis necessaria sunt. Huic autem nostræ monitioni, etsi omnes pro præcipua suæ salutis cura audientes esse debent. Imprimis tamen Patresfamilias, Tutores, Curatores, Ludimagistros, cæterosque aliorum moderationi curationive præfectos cohortamur, Divinaq; contestatione admonemus, ut de sua & aliorum quorum curam gerunt, salute solliciti primùm ipsi hæc Paterna monita amplectantur, tum illos etiam crebris cohortationibus ad illa exequenda inflamment, idq; curent ut non solum Missæ & Divinorum Officiorum tempore, illi in Parochialem Ecclesiam conveniant, verùm etiam ut institutas in ea doctrinæ Christianæ scholas, statim illis diebus frequentent. Hactenus S. Carolus.

Q. 16. An S. Carolus retigerit aliquid de officio Prædicatorum circa has & similes materias Parochiales & Episcopales?

Resp. Quòd sic, Actorum parte 4. Titulo Instructiones prædicationis & Urbis Dei, ubi has regulas dicat ex Decreto Concilii Provincialis Mediolanensis 3.

Omnes vero Conciones suas vim ad Episcopos

scopalis. Parochialisq; gubernationis rationes accommodabit: Episcopi monita, iussa, edicta, decreta, instituta ac disciplinam omnem perpetuè commendabit, atq; adeò tuebitur; ut Clerus & Populus concionibus suis benè excitatus, obtemperet pareat omni sanctæ obedientiæ spiritui. Concionator quoq; Regularis Parochorum curæ omnia prodesse studebit: ita scilicet, ut non modo nihil quidpiam proferat quod Parochialis curationis officia inturbet, sed omne studium adhibeat, quò populus in omnes Parochialis curæ partes, pie sancteq; conformetur.

Et verò imprimis proponet sæpè auditoribus Concilii Trid. decreta: ex quo tanquam ex purissimo fonte hauriet, quæ pertinent ad mores omnium ordinum corrigendos, fidem explicandam & Christianam disciplinam restituendam. Sic tamen facultate sibi datâ utetur ut parochialem utilitatem & populi disciplinam nusquam ullo modo labefactet, sed communiat omni studio atq; officio.

Q. 17 An Concionatores Regulares rectè impleant dictum S. Caroli consilium, quod est omnem suarum concionum vim ad pastoralis gubernationis rationes accommodare?

Resp. Quod non. Ideoque quoniam simplex populus faciliè disrumpit sepes constitutionum Apostolicarum propter non nullas conciones, sed præsertim propter Ecclesias Regulari-

gularium frequentandas, & occultis forte consiliis abducitur à suæ Parochialis Ecclesiæ frequentatione: necesse visum est, non tantum temporibus Sixti 4. ut infra citabimus, sed & nuper Duaci (quæ est Universitas in partibus Flandriæ) ortâ maximâ difficultate pro re de qua tractamus inter Episcopos & Parochos ex una parte & Regulares ex altera: necesse, inquam visum est Sanctissimo D. N. Clementi 8. utrique partium imponere silentium, & tamquam Apostolicum Iudicem decidere per sententiam quid privilegii Regularibus in hac re competat, & quid Iuris ac debiti ipsis Pastoribus Parochialibus. Unde Bullam sequentem fecit.

Q. 18. Quæ sit Bulla Clementis 8. concernens auditionem Missæ Parochialis?

Resp. Quod ista Clementina anno 1592. ad Octavium Nuncium Apostolicum in Belgio pro componendis dictis difficultatibus directâ, ut executioni mandanda, est hujus tenoris.

Venerabilis F. salutem & Apostolicam benedictionem.

Significatum fuit Nobis nuper, non, sine gravi animi nostri molestia, nuper in Oppido Duacensis Atrebatensis Diœcesis, nonnullos Parochos maximo cum fidelium scandalo, tum docendo & concionando, tum omnes reprehensi.

hensionibus, & Censurarum; Ecclesiasticarum
cōminationibus perterrendo, Christi fideles a-
vertere, ne Festis diebus ad Ecclesias Fra-
trum Ordinis Mendicantium, atq; Collegii
Societatis IESU, pro Missis audiendis accede-
re, & ne etiam Quadragesimali & Paschali
tempore Fratribus dictorum Ordinum, ac Pre-
sbyteris Societatis IESU peccata sua confite-
ri possent, ausos fuisse: affirmantes ipsis
Christi fidelibus, tam de jure, quàm de con-
suetudine prohibitum esse, in aliis quàm pa-
rochialibus Ecclesiis, Missas diebus Festis au-
dire: nec licere illis, Quadragesimali & Pa-
schali tempore, aliis praterquam propriis Pa-
rochis peccata sua confiteri. Unde maximam
in fideli populo exortam fuisse animorum per-
turbationem accepimus. Contra enim Fra-
tres Ordinis Prædicatorum, & Conventuali-
um, ac Presbyteri dictæ Societatis privilegiis
Apostolicis suffulti, tum privatim, tum publi-
cè in Concionibus contrarium utum in Eccle-
sia Dei receptum & permissum, ac à SS. Pa-
tribus, Oecumenicisq; Conciliis approbatum
defendere, conati fuerunt. Rem autem eo
pertractum fuisse intelleximus ut graues in-
de dissensiones inter dictos Parochos & Pre-
sbyteros Societatis IESU subortæ fuerint.
Quod autem Nos gravius affecit, illud impri-
mis

mis fuit quod Venerabiles Fratres Archiepiscopus Cameracensis & Episcopus Atrebatensis in consulta Sede Apostolica, negotium hoc in disceptationem, tum etiā in iudicium fortassis apud sæcularem Curiam deduxerunt. At Nos ne graviora scandala suboriantur paterne consulere, & celeri remedio prospicere volentes: causam & causas huiusmodi, si quæ coram quocunque iudice introductæ reperiuntur, ad Nos harum serie, advocantes illasque penitus extinguentes, ac perpetuum desuper tum Parochis tum aliis prædictis silentium imponentes. *Præsenti Nostro Decreto sancimus licere secularibus Christi; fidelibus universis, liberè Missas diebus Dominicis & aliis Majoribus Festis audire in Ecclesiis tam Fratrum Prædicatorum, quàm aliorum Mendicantium, nec non etiam Collegii Societatis JESU, juxta illorum privilegia & antiquas consuetudines: dummodo in contemptum Parochialium Ecclesiarum non faciant. Et tam dictis Fratribus Prædicatoribus & Presbyteris dictæ Societatis, quàm aliis privilegiatis prædictis, quibus id à Sede Apostolica indultum est, idoneis tamen & ab Ordinario approbatis, peccata sua etiam Quadragesimali & Paschali & quovis alio tempore confiteri licitè possent: dummodo tamen iidem Christi fideles sacra-*
men-

mentum Eucharistiæ die festo Paschatis Resurrectionis in propria Parochia ab eorum Parocho sumant.

Proinde tibi per præsentés committimus & mandamus, ut præsens Nostrium Decretum prædictis Archiepiscopo Cameracensi & Episcopo Atrebatensi notum facias, iisdemque Authoritate Nostra Apostolica mandes ut illud in prædicto Oppido Duacensi, & ubicumque opus fuerit, publicari & observari faciant: utque Parochos in eorum officio contineat! Illosque ab avocatione populi ab Ecclesiis privilegiatorum, ac etiam à propositionibus quibus tollitur populo libertas audiendi Missas in Ecclesiis privilegiatorum supradictis diebus, ac confitendi peccata sua etiam in Paschate ipsis privilegiatis, abstinere faciant. *Ipsis verò Privilegiatis eadem auctoritate præcipias, ut in Concionibus & Catechismis, populum ipsum tum ad reverentiam Parochorum, tum ad eorum Missas præsertim Dominicis & aliis solemniibus Festis diebus audendas, tum ad decimas resq; alias Ecclesiis debitas solvendas, frequenter moneant & adhortentur.*

Ac denique omnem huiusmodi controversiæ occasionem præcidere & tollere & Christi fidelium animos ad unionem & quietem traducere cures: omniaque præmissa publica-

ri & exequi, adjectis etiam Censuris Ecclesiasticis & aliis tibi benè visis pœnis, opportunisque omnibus juris & facti remediis adhibitis, mandes & facias: In contrarium facientibus non obstantibus quibuscunque. Datum Romæ apud S. Petrum, sub annulo Piscatoris, die 22. Decembris 1592. Pontificatus Nostri anno primo.

Q. 19 An Regulares ex ista Bulla Clementis & non teneantur ex præcepto, serid & frequenter in suis Concionibus & Catechismis hortari ad Missam Parochiæ?

Resp. Quod sic. & id quidem est manifestissimum cum expressis terminis illud eis imponatur ex præcepto de auctoritate Apostolica

Q. 20 An Regulares id præstare nolentes, non possint ac debeant per Noncium Apostolicum ad id compelli per Censuras Ecclesiasticas?

Resp. Quod sic. Dicta enim Bulla Clementis 8. ad calcem sic habet: Omniaq; præmissa publicari & exequi, adjectis etiam Censuris Ecclesiasticis, & aliis tibi benè visis panis, opportunisque omnibus juris, & facti remediis adhibitis, mandes & facias. At verò Religiosos debere, ex præcepto auctoritate Apostolica imposito, ad Missam Parochiæ populos hortari ac monere, est unum ex omnibus in Bulla Præmissis

missis; Ergo, ad illud etiam, ut curetur exequi, id est ut executioni mandetur, possunt ac debent adhiberi Censuræ; imò etiam suspensio prædicationis, cum Bulla habeat, & aliis tibi benè visis panis

Q. 21 An Religiosi, omittentes exhortari populos ad Missam Parochialem, juxta Q. 19 satisfaciant fini & intentioni dictæ Bullæ Clementinæ?

Resp. Quod non: Finis enim quem expressis terminis Bulla intendit, est, inter Regulares & Dominos Pastores, quoad Missarum auditionem, præcidi, & tolli omnem, in posterum, hujusmodi controversiæ occasionem; & Christi fidelium animos, ad unionem & quietem traduci (inquit, Clemens.) Qui tamen finis haberi non potest, nisi interim dum pro sua parte Domini Pastores obediunt, & implent, servantque sententiam Sedis Apostolicæ hæc Bullâ expressam; Regulares quoque pro sua parte eam servant & obediant, Præsertim cum sibi ad hoc impositum sit præceptum, cui tamen contravenire dicuntur passim multis modis.

Q. 22. Quibus modis Regulares contravenire servantur; præcepto Clementis 8. illis strictissime imposito, de frequenter monendo, & hortando populos ad Missam Parochorum?

Resp. Ferri eos contravenire duobus imprimis

mis modis generalibus, nempe directè & indirectè, sive quod idem est, explicitè & implicitè, sive formaliter & virtualiter. Directè quidem & formaliter, dum omittunt sive non monent, nec exhortantur penitus, vel si id faciant, non faciant frequenter: vel non in Ecclesiis inter catechizandum & concionandum, prout in terminis Bulla mandat. *Secundò.* Dum loquuntur, fortè quidem, inter concionandum, de Missa ac Parochia frequentanda uno & altero verbulo, sed ita, ut centum aliis verbis statim ex industria destruant & dissvadeant, quod quasi paulò antè commendare velle videbantur: & id quidem in præsentia & propria Ecclesia ipsorum Parochorum, non sine magna eorum mæstitia. Et sic, veluti futor inducit setam in corium suum, ut eadem statim extrusa, introducatur filum & ibi hæreat, ita illi Prædicatores Regulares, utuntur initio quadam apparente *Missa imò & concionis Parochialis* commendatione, quasi jocò; ut inde sumptâ occasione confestim inducant contrarium; & quidem non jocò, ut priùs, sed ita seriò & inculcativè & indubitanter, ut moraliter loquendo, necesse sit tale contrarium dogma hædere fixè in animis simplicis plebeculæ, velint nolint Pastores. Tales autem locutiones contrariæ quibus

bus utuntur, sunt hæc, *Nullam esse obligationem parochianorum ad parochiam*) cum interim saltem, juxta Canonem Concilii, teneantur ad eam, ratione Verbi Dei audiendi, si commode possint interesse parochiæ, Dominicis & Festis majoribus) & similes. Tale quid autem dicere, esse contra dictum Clementis 8. præceptum: Probatur quia secundum Theologos præceptum affirmativum alicujus actionis faciendæ (qualis actio est hic, sermo & frequenter hortari & monere ad Missam parochiæ) ex natura sua, includit semper aliud Præceptum negativum de omittendo contrario dictæ actionis præceptæ & quolibet voluntario impedimento ejusdem: Sicut verbi gratiâ, sub præcepto affirmativo honorandi parentes, indubiè continetur negativum, de non affligendo, non deferendo, non agendo, nec loquendo contra eos, de non inhonorando, & non despiciendo eos. Proinde à simili, cum Religiosis privilegiatis præcipitur hortari, sine dubio prohibetur implicite & concomitanter, dehortari, & quoquo modo, voce, gestu, & subtilitate quacunque impedire, & sanctam Sedis Apostolicæ Monitionem sine suo frustrari; qui finis est, *Populum de facto audire* Missam parochialem dictis diebus, *ante commoditate ad illa se conferendi.*

Quod

Quod si non impletur, frustra anno 1592. recursum est ad Sanctam Sedem pro hac difficultate. Frustra à supremo Ecclesiæ Capite, ita decretum est; frustra motæ super hac re controversiæ inter Regulares & Parochos, diremptæ sunt, frustra compositæ partes, frustra appositæ clausulæ à partibus observanda, frustra data est *Illustrissimo Domino Nuncio Apostolico*, potestas & mandatum curandi ut contenta in Bulla Clementina executioni mandentur, ad id, si opus sit, etiam Censuris & aliis panis utendo.

Tertio contravenire feruntur, & quidem valdè efficaciter, clandestinis diverticulis, & consiliis datis in Confessionali, vel in locutorio portæ Monasterii, vel alibi in privatis penitentium colloquiis, asscurando eos vel eas quod ad nihil Parochiæ in conscientia teneantur. Quâ tamen generali negatione, falsum dicunt, cum, ut in priore huius nostri Tractatus parte ostensum est, juxta Conciliū Trid. populus teneatur revera saltem ad verbum Dei in Missa parochiali audiendum. Quantum verò ad Missam parochiæ ita omnia silentio involvunt, ut non detegant plebi Constitutionē & voluntatem Ecclesiæ de ea audienda, quasi Constitutio præfata Trident. sess. 22. & voluntas Papæ

in Clementina ante Q. 18. à nobis citata eo
 solum quòd non sit sub peccato, sit supprimen-
 da nihili habenda, non inculcanda, nō com-
 mendanda, nō implenda. Quàd tamen quan-
 tum lædat authoritatē Sedis Apostolicæ, quis-
 quis est in eam *Pius*, facile judicabit. Cū (ut
 suprā monstratū est Q. 6.) ipsimet Superio-
 res Religiosorum nullatenus permitterent i-
 psorum regulas & constitutiones violari, licet
 ad nullum peccatum obligent: eas tamen
 non observari: in ruinam apertissimam disci-
 plinæ familiarum reputent. Et, unde, quæso,
 meruit Ecclesia Romana peioris esse condi-
 tionis in sua authoritate, quam Superior Re-
 gularium in sua? Quid ablatum est de pote-
 state & dignitate illa primæva sibi à Christo
 Domino collata, ut ita vilescere incipiat, ita
 jacere, ita non audiri, ut monita ejus fan-
 tissima, volita, & statuta & hortamenta il-
 lius, planè cælestia non habeant vim, non
 efficaciam, non vigorem, sed sint quasi non
 sint? Spero tamen meliora, Christo Domino
 super his, ut confidere par est aliter pro sua-
 vi sua sapientia provisoro.

Q. 23. An, ut intelligatur intentio Clemen-
 tina, quæ sancitur esse licitum & liberum populo
 audire Missas in Ecclesiis Regularium, & quæ
 etiam aliunde monetur populus audire Parochia-

lem: non sit cum prudenti advertentia, distinguendum inter Missam Præcepti & Missam Parochialem?

Resp. Quòd omninò ita agendum est. Distingvenda igitur venit Missa præcepti ut sic, id est formaliter sumpta ut est præcepti, & Missa Parochialis, quatenus Parochialis.

Primo. differunt quia illa omnino debet audiri ex debito constitutionis & ordinationis ad salutem directivæ sub nullo, ut ajunt peccato: ut proinde populus ad eam vocetur non præceptione sed monitione.

Secundò. Missa parochialis est loci determinati scilicet Parochiæ: Missa verò præcepti non est affixa loco. sed ubivis audiri potest sive in Hospitalibus, sive in Parochiis, sive in Religionibus: ubicunque dicatur, sit verè Missa, & præceptum non obliget nisi ad Missam, statis diebus.

Tertiò. Adeò differunt; ut habeant se sicut excedens & excessum, datur enim Missa quæ solum sit præcepti, & non sit Parochialis, qualis est illa Missa quæ sola, Dominico Die, auditur, idque apud Regulares. Datur alia quæ sit solum Parochialis & non sit Missa præcepti: qualis est Missa Parochialis quolibet die feriæ: imò etiam die fortasse Dominico, si audiat quidem Parochialis sed cum formali express-

pressaue intentione non satisfaciendi præcepto Ecclesiæ per illam, & postea audiatur altera apud Regulares aut in Hospitali, cum intentione implendi præceptum Ecclesiæ: denique datur Missa quæ sit simul Parochialis & præcepti; qualis est illa quæ sola auditur die Dominico, dummodo sit Parochialis per eam enim impletur etiam præceptum, & est parochialis quia est Missa Parochi & in Parochia.

Quartò Proinde differunt Canonibus, virtute quorum ordinantur audiendæ: Canon enim obligans ad Missam præceptivè in conscientia & sub peccato, est ille qui *De Consecrat. Distinct. 1. ex Concilio Agathensi*, sic incipit, *Missas die Dominico secularibus totas audire, speciali ordine præcipimus, &c.* Canon verò ordinans audiri parochialem est alius ex toto distinctus in Concilio Trident, sess. 22 supra à nobis *Q. 3.* citatus, & æquivalenter iteratus in Bulla Clementis 8. supra etiam *Q. 18.* allegata.

Quintò, Differunt extensione ad subjectos quos afficiunt. Nam Canon præcepti, extendit se & comprehendit omnes Christianos populum & Clerum, Sæculares & Regulares, utriusque sexus, prælatos, Abbates, Episcopos, Cardinales, &c. Canon autem de Missa

Parochiali, comprehendit solam plebē Parochia.

Sexto. Differunt circumstantiis notabilibus à Concilio Trid. appositis, nam affixum est Missæ Parochiali, debitum administrandi & audiendi verbum Dei inter ejusdem Missæ solemnias, & reliqua illa omnia præstandi, & docendi & discendi quæ sanctissimus ille Concilii Trid. *Affessor S. Carolus*, supra ex mente ejusdem Concilii, expressit, & nos retulimus Q. 15. paragrapho *His igitur*. Missa autem præcepti, quæ non est Parochialis istud non requirit: ut per se satis est manifestum. *Supposita illa convenientissima Missarum dictarum distinctione*, quæritur Q. sequenti, an Missa illa, &c.

Q. 24. *An Missa illa quas Clemens 8. decernit licere liberè audiri in Ecclesiis Regularium sine alia à Parochiali?*

Resp. Quod sint aliæ & planè distinctæ. Proptereaquæ nullum ex Clementina ista, adversus Missam Parochorum, à Parochianis, dictis diebus audiendam, Regulares privilegium habent.

Primò probatur, quia postquam Clemens 8. sanxit de Missis apud Privilegiatos audiri licitis & liberis, statim post in eadem Bulla excipit Parochialem; eamque expressè refert vat fidelibus in Parochia audiendam. Ergo

non

non est comprehensa inter illas licitas & liberae in Ecclesiis Regularium: nam res vel terminus exceptus, non continetur in illo à quo fit exceptio, alioquin idem esset exceptus & non exceptus, exclusus & non exclusus.

Secundò probatur, quia Missæ prædictæ liberae, sunt liberae quoad locum qualiter liberae sunt quævis Missæ quas vocamus *Devotionis*; qualiter quoque libera est Missa præcepti generalissimi Ecclesiæ, ubicumq; enim audiatur, satisfit præcepto. At verò Missa Parochialis non est libera quoad loca, sed est ligata determinata & affixa certo loco nempe Parochiæ, implicatq; eam audiri in Ecclesia Regularium, cum sint loca discreta & repugnantia: & proindè sicut Ecclesia Parochiæ non est illa altera Ecclesia, quæ est Regularium, ex consequenti Missa Regularium nequit esse altera quæ est Parochialis: igitur Missa Parochialis nequit contineri inter Missas illas liberae, quæ audiri possunt inter Regulares.

Tertiò probatur, quia Missæ suprapositæ differunt celebrante à Missis Parochialibus, cum istæ priores habeant ordinariè unum Regularem pro celebrante, hæ autem Parochum.

Quartò. Missæ Regularium sunt populo liberae & ultroneæ sive quod idem est, sunt meræ libertatis: Missa verò Parochiæ est de-

biti, nam quod debet fieri, est debiti, verè autem debet audiri Missa in Parochia, quia sic decernit Concilium, nullus autem negabit quin debeat servari Decretum, igitur Missa Parochialis est debiti, proinde non comprehenditur inter alteras priores quæ sunt libertatis.

Quintò. Alioqui Sua Sanctitas confuse & indiscrete loqueretur, si Missam Parochorum, quam ab Ecclesiis Regularium excipit, confunderet cum supradictis Missis apud Religiosos audiri liberis; quod tamen non decet supremi Ecclesiæ Principis sapientiam.

Sextò, Papa sibi contradiceret si Missam Parochorum vellet contineri sub istis Missis apud Religiones audiri liberis: vellet enim eam audiri in Parochia & simul non vellet: vellet, quia hoc expresse infra intendit, eò enim dirigit efficacia media tum præcepti facti Regularibus de exhortando & monendo populum ut audiat Parochialem tum media ipsarummet exhortationum & monitionum: tum alioquin Censurarum applicandarum. Non vellet autem, nam tunc, ponendo Parochialem Missam inter Missas apud Religiosos audiri liberas, relinqueret liberum eam audire liberum autem relinquere est nec velle nec nolle.

Septimò. Alioquin Papa destrueret suam
pius

plius ordinationem: nam statuit ne populus
avocetur ab Ecclesiis Privilegiatorum: & u-
abstineatur à propositionibus quibus tollitur po-
pulo libertas audiendi Missas in Ecclesiis Pri-
vilegiatorum, interim ipsemet advocat popu-
lum à Regularium Ecclesiis quoad Missam Pa-
rochiarum. Nec abstinere à propositionibus
quibus tollitur populo libertas audien-
di illam in Ecclesiis Privilegiatorum: &
quod amplius est, præcipit ipsismet Re-
gularibus idem facere seu advocare; idque
non tantum propositionibus simplicibus; sed
adhibitis etiam in facie Ecclesiæ monitioni-
bus & exhortationibus ut Parochiani eam au-
diant in Parochia. Hoc verò agere est ab
Ecclesia Regulari advocare; cum sit advocare
ad locum oppositum nempe ad Parochiam:
sine dubio autem advocat ad Parochiam qui
de mente Papæ & præcepto eius frequen-
ter in Concione, & Catechismo. sic dicit: Pa-
rochiani, venite quæso ad Parochiam audituri
Missam Parochialem: monemus in Domino ut ed
accedatis: exhortamur vos per viscera IESU
CHRISTI (ut loquitur S. Carolus Borrom.)
ut id facere non omittatis, talis enim est volun-
tas Clementis 8. ex cuius mandato, vos serio ad
Parochiam advocamus. Nonne sic loqui est ad
Parochiam advocare; jam autem advocare ad

unum locum, est concomitanter avocare ab altero loco opposito, & incompatibili. sicut exempli gratiâ, movere ad terminum ad quem est amovere à termino à quo. Locum autem Regularium, & locum Parochiæ, certum est esse loca repugnantia: cum idem corpus non possit simul esse in duobus locis. Ergo advocare ad Parochiam ut veniatur ad eam est avocare à Regularium Ecclesia, ut recedatur ab ea: nam accessus ad Unum est recessus ab altero. Ergo Clemens 8. nullô modô vult Parochialem Missam comprehendere inter illas Missas licitas & liberas: à quibus de Ecclesia Regulari avocare ad Ecclesiam Parochialem, prohibet: alioquin destrueret quod cõstruit, & præciperet fieri quod prohibet.

Q. 25. An Clemens 8. concordans Privilegiatos & Parochos quò ad Missam non concedat utriusq; quod suum est?

Resp. Regularibus ex gratia indulget solum hoc, ut scilicet, sit licitum & liberum populo, apud illos audire Missas Dominicis Diebus & maioribus Festis. Parochis autem concedit Missam Parochialem, à populo in Parochia, dictis diebus audiendam.

Q. 26. An Clementis 8. concessio facta Regularibus quò ad Missas sit equalis cum concessione quam facit Parochis?

Resp.

Resp. Quòd non, sed è contra est longè dispar & inferior. Nam primò latius patet concessio Parochorum; continet enim etià totum quod in Clementina Regularibus conceditur: nam est populo licitum & liberum audire Missas illas in Parochiis quas audire liberum est in Religiosorum Ecclesiis: quidem ita ut non liceat populum inde avocare. Et insuper continet ultra istas Missas libertatis, etià Missam Parochialem.

Secundò. Regularès, si bene expendant textum Bullæ, eorum in ea Privilegium, non est tam magnum ac plebi insinuant. Nam tota ejus vis continetur in his duobus terminis *licite & liberè*. Per *licite* porrò solummodo declaratur non esse peccatum illas Missas audire apud Regulares, quemadmodum etià licitum est, seu peccatum non est easdem audire in Hospitalibus vel in Parochiis vel ubicumque. Per *liberè* verò, solum declaratur quòd audire vel non audire ejusmodi Missas apud Regulares pendeat ex mera optione, libito & libertate Fidelium. Unde Clemens 8. habet se in eo solum permissivè & veluti negativè, nihil penitus agendo circa populum eò adigendum. Nam nullibi, quod sciam, Ecclesia decernit, præcipit vel ordinat, ut plebs audiat Missam apud Religiosos: immò nec mone-

nonnet nec hortatur, nec denique saltem dat
consilium ad hoc. Hinc evidenter sequitur,
quod supradicta concessio Regularibus indul-
ta, sit quid minus quàm consilium respectu
populi. Nam, verbi gratiâ, consilium Chri-
sti Evangelicum de castitate religiosa, vel &c.
licet hominem relinquat liberum ad tale ob-
jectum, iuxta id, qui potest capere capiat,
nihilominus est actio positiva in consulente,
quâ consulit ad illud amplectendum: unde
& Paulus ait 1. Corinth. 7. *De Virginibus
praeceptum Domini non habeo, consilium autem do.*
Item ait. *Solutus es ab uxore noli quærere uxorem.*
Volo enim vos omnes esse sicut meipsum.
Unde consulens habet positivum desiderium,
ut res consultata fiat: quod ne quidem inquam,
reperitur in hoc Regularium Privilegio de
Missis apud eos, à plebe audiri licitis & li-
beris.

Hinc infertur ipsos debere relinquere libe-
rum in mera natura liberi: seu relinquere
plebis libertatem intactam: neque debere
quidquam actitare positivi, ad inducendum
populum ut ad ipsos veniat, consulendo, hor-
tando, alliciendo, &c. Sed deberi ipsos pende-
re à mera plebis optione & libito, eamque
expectare non vocare: & finaliter non plus
facere, quàm faciat aut fieri statuatur Clemens
in

in hac concordia inter *Partes*, integrè justè-
que restituenda: alioquin esset assurgere ultra
terminos Privilegii, eoque quodammodo abu-
ti: Iura autem dicunt *De Reg. Iuris*. Quod
qui Privilegio abutitur, meretur Privilegium
perdere.

*Q. 27. An igitur concessio Clementis 8. facta
Parochis plùs contineat quàm concessio facta Re-
gularibus?*

Resp. Quòd sic, nam non excludit à seipsa
alteram illam quæ facta est Regularibus. &
insuper addit Missam Parochialem, hoc est di-
cere Ecclesia Parochia. talis est ut in ipsa sit
licitum & liberum populo audire omnes &
qualescunque Missas licitum & liberum est
audire apud Regulares, sed nihilominus ul-
tra eas Missas, plebs debet audire Parochia-
lem in Parochia.

Dico, debet, Clemens enim concedendo Pa-
rochis Missam non loquitur permissivè solum
quasi habeat se negative. sed positivè volen-
do & adhuc plùs quàm consulendo, quando-
quidem de hoc, statutum faciat, ut Missa Pa-
rochorum audiatur: Et eò fine monitiones
exhortationesque adhiberi strictissimè preci-
piat. Unde non est putandum quod Regu-
lares per hanc Clementinam sint in pari jure
cum Parochis, quando quidem populus de-
beat

beat audire Missam Parochorum suorum (subaudi semper diebus Dominicis & Festis majoribus saltem) nullam autem debeat audire Regularium, sed tantum possit, si velit. Unde alia illa Missa sunt populo merè libera & non debita: Perochialis verò est debita, quia de ea extat statutum, & non libera quia est affixa loco Parochia per Ordinationem S. Sedis Apostolicæ.

Q. 28. An si Parochiani non sint liberati à debito audiendi Missam Parochorum dictis diebus, inde benè sequatur, Ergò frustraneum est illud Regularium Privilegium quò Clementina decernit licitum & liberum esse audire Missas apud ipsos?

Resp. Imprimis me vehementer mirari, ipsos Regulares adeò metuere, ne illa pars Bullæ quæ ipsis favet, eosque tangit sit ipsis frustranea & sine effectû: & de cætero non curare, si altera ejusdem Bullæ pars, quæ ad Parochos attinet, non esse etiam frustranea & sine affectu favoris. Miror, inquam, eos tam parum aut nihil esse sollicitos, ne auctoritas Clementis, ejusque tam expressa & circumstantiata audiendæ à populo Parochorum Missæ ordinatio non sit quoq; frustranea & inefficax. Miror, an putabunt quoque esse frustra, quod Clemens ipsismet præcipit de

Au-

Authoritate Apostolica, ut in prædicationibus moneant & exhortentur plebem seriò ad audiendam Missam Parochialem, qui tam metuunt, ne aliquid pauxillum sit frustra pro ipsis, deberent, ut mihi videtur, etiam non nihil sollicitudinis habere, ne totum sit frustra pro aliis.

Resp. 2. Si ex eo, quòd populus non liberetur à Missa Parochiali, consequens esset Regularium Privilegium esse frustrà, hoc certè nulli alii imputandum erit, quàm ipsi Sedis Apostolicæ: nam ipsa est, quæ populum non vult liberare à Missa Parochorum; ipsa est, quæ etiam præcipit contrariæ parti, nempe Regularibus, monere & exhortari plebem ad auditionem Missæ Parochiæ: imò nisi Religiosi obediant in hoc, vult eos ad id adigi etiam per Censuras.

Resp. 3. Tunc primùm bene discerni, sententiam Iudicis non esse sine effectu; si bene expendantur *Allegata partium*, & *status disceptationis*. Status autem talis erat in hac controversia, *Pastores* prædicabant non esse Parochianis liberum, nec in conscientia licitum audire Missas in Ecclesiis Regularium Dominicis & Festis, sed debere solum in Parochia. Item suis Doctrinis & Censurarum comminationibus avertebant Fideles ab Ecclesia Privilegi-

egiatorum. Ex eo capite duo quædam sequebantur incommoda, unum in ipsis Fidelibus; nimirum conijci in scrupulum conscientiæ, ne audire Missas apud Regulares esset fortasse peccatum. Alterum in *Privilegiatis* ipsis, nempe suas Ecclesias non ita affluenter frequentari, de quo turbabantur. His itaque præmissis, facile est agnoscere in quo consistat efficacia & utilitas sententiæ Judicis, & quod non sit frustranea Religiosis ob exclusam ab iis Parochialem Missam: nam hunc sortitur effectum, *Declarando* scilicet definitivè, *licere & liberum esse* in Ecclesiis Regularium Missas dictis diebus audire, & insuper non posse nec debere populum inde averti. Ex illa sententia duo secuta sunt manifesta beneficia: unum in plebe, nempe restituta, sublati omnibus scrupulis, conscientiarum serenitas. *Alterum* in Regularibus, nempe favor Apostolicus, quod decernitur populum esse liberum ad Missas Regularium: & in hoc solo consistit substantia Privilegii, quod ad Missas attinet: Cujus tamen Privilegii usus (cum sit ex parte ipsorum Regularium merè passivus, consistens nimirum in padiri à populo, activus autem ex parte populi consistens in adire spontaneè & liberè, *to Missis audiendis*) aliò modò, in favorem

Re-

Regulæsum, per hujus Bullæ sententiam restitui non debuit, nec potuit, quàm auferendo scrupulos Fidelium de suspitione peccati in adeundo Monasteria pro Missis audiendis, eisque amovendo omnem metum comminationis Censurarum, & eos denique pristinæ suæ libertati restituendo quoad hoc. Ecce igitur quomodo illud Privilegium quod Clemens 8. concedit Regularibus non sit frustra, sed sortitur effectum suum per sententiam juxta allegata & probata partium pronunciatam.

Alteri autem partium nempè Parochis nihilne Clemens concessit? nihilne reliquit? immò; nam reliquit parem omninò libertatem audiendi Missas supradictas sive liberæ devotionis, sive præcepti æquè benè in Ecclesiis Parochorum quàm Regularium; & insuper ordinavit audiri Missam Parochialem in Ecclesia Parochiali, & quidem adeò seriò indicans voluntatem suam, ut suam illam ordinationem munierit seriis, frequentibusque monitionibus ac exhortationibus & quidem ab adversa parte de Mandato S. Sedis faciendis; alioquin ad hoc Censuris utendum esse per illust. Nuncium Belgii, nisi Regulares in hoc paruerint.

Q. 29. An quia Tridentinum Concil. sess. 22

§ Clementis 8. solum dicunt moneant ad audiendam scilicet Missam Parochialem: sit idèò dicendum, Sedem Apostolicam, non reverà & propriè velle illam audiri? eiq; perinde esse, si de cetero populus non obediat?

Resp. Id nec posse dici, nec putari sine injuria Sanctæ Sedis: Quid enim; monetne tam graviter & seriò sancta Romana Ecclesia, & illud ipsum quod ita monet ut fiat fieri tamen non vellet? hocine præferebat ore & scripta constitutione & interim contradiceret corde & interna voluntate? Absit. Et certè si monitio non repugnat præcepto ut convenienter moneatur subditus ad obsequendum præcepto: multò minùs monitio repugnabit statuto simplicis directionis, & proinde convenientissimè monetur subjectus populus ad parendum constitutioni & voluntati Ecclesiæ, licet ad nullum obligantis. peccatum. Certè magnificienda est illa tam expressa statuentis voluntas, quæ nescio an altius assurgere valeat, nisi usque ad præcepti naturam & rationem pertingat. Maximè si perpendatur, quàm veniat benè armata censurarum comminationibus, tum in Regulares, per Clementem 8. nisi obtemperent præcepto de monendo populum ad Missam Parochialem audiendam tum in ipsum populum ni pareat eam audi-

audiendo, sicut habetur in Trid. sess. 22
Decreto de Obseru. & vitand. in celebratione
Missæ.

Q. 30. Sixti 4. Bulla Extravagans, qua in-
cipit Vices illius: Quid habeat de Missa Pa-
rochiali audienda?

Resp. Habere hæc quæ sequuntur. Fra-
tres Mendicantes non prædicent populos Parochi-
anos non teneri audire Missam in eorum Pa-
rochiis, diebus Dominicis & Festivis: cum jure
cantum sit, illis diebus Parochianos teneri audire
Missam in eorum Parochiali Ecclesia: nisi fortè
ex honesta ea ipsa Ecclesia se absentarent. Paulò
post sequitur.

Injungentes singulis Fratribus Mendicantium
sub pena Excommunicationis lata sententia: quam
contrafacientes, & quemlibet eorum contrafacien-
tem incurrere volumus eò ipsò: à qua absolui ne-
queant, nisi de expresso consensu partis læsæ, &
debita satis factione inviolabiliter observent & quan-
tum in eis est observari faciant ab aliis. Item
sequitur.

Neq; etiam populos à suarum Ecclesiarum Pa-
rochialium frequentia & accessu abstrahant quo-
modo sub pena Excommunicationis, &c. De-
inde sequitur.

Et hæc omnia viribus perpetuè subsistere debe-
re decernimus, non obstantibus, &c.

Q. 31. *Qua specialiter notanda veniant ex hac Bulla Sixti 4.?*

Resp. 1. Notandum esse usque ad tempora Sixti 4. 1478. fuisse præcepti (ut patet in terminis) audire Missam Parochialem. 2. Mandatum esse Regularibus, ne prædicent populum ad id non teneri. 3. Mandatum esse illidem ne quoquo modo populos abstrahant à frequentia suarum Parochiarum. 4. Contrafacientes Regulares excommunicari ipso facto.

Q. 32 *Quid Leo. 10. de Missa decreverit in Bulla qua incipit, Intelleximus?*

Resp. Haberi in illa Bulla sequentia.

Authoritate Apostolica tenore presentium notum facimus omnes Christi fideles utriusq; sexus, qui (non contempto proprio Sacerdote Parochiali) in Ecclesiis Fratrum Ordinum Mendicantium Dominicis & Festis diebus Missas audiunt, satisfacere præcepto Ecclesiæ de audienda Missa, nec aliquam labem mortalis peccati panamque propterea incurrere.

Q. 33. *Quid per Leonem 10. sublatum sit de Sixtina præcitata?*

Resp. Sublatam esse obligationem audiendi in Parochia illam Missam- quæ est præcepti generalissimi Ecclesiæ, relictumque libertati Episcopii, eam Ubiliaet audire, etiam in Ecclesiis Regularium.

*Q. 34. Quid novissimè per Concilium Tride:
& per Clementem 8. statutum sit de Missa Pa-
rochiali?*

*Resp. Tridentinum Concilium edidisse sta-
tutum expressum sess, 22. licèt non obliga-
tivum sub peccato (dicunt aliqui), ut su-
pra in priori Parte hujus Tractatùs latè de-
duximus. Q. 3. & sequentibus. Item Cle-
mentem 8. illud confirmasse, aut potius iterato
posuisse, novoque rigore munivisse, apposi-
tò scilicet Mandatò Regularibus de frequen-
ter exhortando & monendo populum, ut au-
diat Missam sui Parochi .: & ut Nuncius A-
postolicus istud curet publicari & exequi e-
tiam per Censuras, aliasque pœnas, si opus
fuerit. Nec obstat istud statutum non esse
sub peccato: quia nec statuta Religionum
sunt sub ullo peccato, & eo non obstante
curatur enixè ut ea servantur ad amissim à
singulis subditorum sub certis pœnis à Pa-
tribus Religionis legitimè constitutis. Papa
autem plus est quàm Ordinum Prælati: ideo-
que non minus, saltem, debent ejusdem sta-
tuta servari quàm istorum: alioquin etiam ab
Ecclesia meritò provisum est, ut sub certis pœ-
nis Fideles inobedientes ad obtemperandum
Constitutionibus Papalibus compellantur. Ne-
que hoc est novum, nam: et referente Re-
veren: Domino Abbate Sancti Andreæ juxta*

Brugas Henrico Zypao de statu Monialium & filiabus devotariis: Concilium Constantinopolitanum 6. excommunicat Parochianos, quibus tribus diebus Dominicis continuè se à Parochia absentant.

Q. 35. Quid habeat hac de re Synodus Diocesana Cameracensis sub Illustrissimo Domino de Berghes Anno 1604. tit: 3. Cap: 3.?

Resp. Habere sequentia. Doceant præterea quantæ sit utilitatis Ecclesiam Parochialem frequentare, tum ut populus monitioni Concilii Tridentini satisfaciat & inter Missarum solemnias Evangelicam doctrinam hauriat: Tum etiam ut quisque intelligat, quomodo totâ septimanâ in sua familia se gerere debeat, ex iis, quæ Parochus in sua Concione annuncia verit, videlicet quæ jejunia, quæ festa, quæ publicæ Supplicationes, quæ Missæ votivæ, & quæ alia pietatis & charitatis Christianæ sint officia agenda, ut audiant publicationes Bannorum, tam eorum qui Sacris Ordinibus sunt initiandi, quam qui Matrimonio sunt conjungendi, ut impedimenta, si quæ sint denuncientur. Denique ut Christi Fideles de pluribus aliis instruantur, quæ ad suam & proximorum salutem, & bonum publicum pertinent.

Q. 36 Quid habeat hac de re Synodus Diocesana Cameracensis sub Illustrissimo Domino de Croy Annò 1556 tituli 7.?

Resp:

Résp: Eam habere sequentia. *Licet juxta Sancta Matris Ecclesie statutum & ordinationem, quilibet Christianus, singulis Dominicis & Festivis diebus Divino Officio Missæ & prædicationis interesse teneatur, ut ibidem de Divinis præceptis & doctrinis Evāgelicis informetur: Nonnullorum tamen fide digna accepimus relatione populum plerisque in locis Nobis subditis eisdem raro interesse. Quapropter Omnibus & singulis Presbyteris, Curatis Nostrarum Civitatis & Diœcesis Cameracensis, districtè præcipimus & mandamus, quatenus Parochianos suos qui ad annos discretionis pervenerint hortentur & moneant sub pœna Excommunicationis, ut deinceps singulis Dominicis & Festivis diebus Officio Missæ interesse studeant, & prædicationem Verbi Dei diligenter audiant, nisi legitimo impedimento ex causa rationabili quis excusetur, nec ab officio hujusmodi ante benedictionem sacerdotis, donec compleatur, recedant sive discurrant. Item ne per Capellas honor Matris & Parochialis Ecclesiæ pereat: Statuimus & ordinamus, quòd Parochiani de villis seu confinibus, adjacentibus & Capellis seu Oratoriis attinentibus, saltem quibus libet diebus Dominicis & Festis solemnibus sub pœna Excommunicationis teneantur ad Ecclesiam suam Parochialem ac-*

cedere atque ibidem Missarum solemnia audire, prout in Concilio, à Sanctis Patribus institutum est.

Q. 37 Quid de hoc habeat Concilium Provinciale Cameracense sub Illustrissimo Domino Barlemontio Annò 1586 tituli: 19

Resp: Habere Sequentia.

Studiosè observent Pastores, eos qui diebus Dominicis & Festis vel omninò Missam non audiunt, vel ad Missam Parochialem non conveniunt. Ac primum privatim, & paterne sui officii commoneant. Quod si post admonitiones non emendentur, ad Ordinarios deferant.

Q. 38 An ex Oecumenica Trid. Synodo videatur posseverissimè colligi populum teneri ad Missam Parochialem?

Resp: Quod sic: ex eo nimirum quod eadem SS. Synodus sess. 24. c. 4. decernat: Teneri unumquemq: interesse Parochia sua, ubi id commodè fieri potest, ad audiendum Verbum Dei. Inde enim rectissimè videtur consequi teneri etiam ad Parochialium Missarum solemnia. Et ratio est, quia mandat sacra eloquia & salutis monita à Parochis explanari intra Missarum solemnia sess. 22. in doctrina de Sacrificio Missa cap. 8.

Ubi sic habetur. Ne oves, Christi esuriant, neve parvuli panem petant, & non sit qui frangat eis, mandat Sancta Synodus Pastori-

storibus & singulis curam animarum gerentibus, ut frequenter inter Missarum celebrationem vel per se, vel per alios, ex iis quæ in Missa leguntur aliquid exponant, atque inter cætera Sanctissimi hujus sacrificii mysterium aliquod declarent diebus præsertim Dominicis & Festis. Idem repetit S. Synodus sess. 24. in Decreto de Reformatione. cap. 7. ubi habetur. Curent ut inter Missarum solemnias aut Divinorum celebrationem, sacra eloquia & salutis monita, eadem vernacula lingua, singulis diebus Festis vel solemnibus explanent: eademque in omnium cordibus, postpositis inutilibus quæstionibus, inferere, atque eos in lege Domini erudire studeant. Sicut etiam notavit Sanctè Carolus Borromæus in monitione sua Provinciali supra à nobis expressa quæsitò quintò. Hoc autem ita probato, nimirum sacras conciones ex Decreto Concilii debere haberi in Missæ Parochialis celebratione: ut ex ejusdem Decreto constet populum teneri ad eas conciones non possint autem audiri nisi in Missa, quia tum fiunt, argumentum videtur convincere populum teneri quoque ad Missam.

Secundò. Videtur, probari posse, populum teneri ad Missam Parochialem ex eo quod Sacrosancta Synodus Trid: sess. 22. in Decreto de observandis & vitandis in celebratione-

tione Missæ statuens frequentari Parochiam
 pro Missa, vult Episcopos compellere popu-
 lum ad Missam Parochiæ etiam adhibitis Cen-
 suris Ecclesiasticis, si opus fuerit, non obstan-
 tibus, &c. Censura autem est gravis pœna,
 qualis infligi non solet nisi graviter delinquen-
 ti. Idem adstrui potest ex eo quod Cle-
 mens 8. in sua Bulla quæ incipit. *Signifi-*
catum fuit Nobis: & à nobis supra 2. 18
 allegata, ita graviter & severe iuculcat vo-
 luntatem suam & intentionem de audienda
 à populo Missa Parochorum: ut Regulares i-
 ipsos expresso Mandato cogat, de hoc imple-
 do, monere & exhortari populum: & qui-
 dem frequenter in Catechismis & Prædica-
 tionibus suis. Quod cum ita sit, negari non
 potest, Clementi vehementer cordi esse, ut
 habeat finem intentum nempe auditionem
 Missæ Parochorum, cum eò ordinet tam grave
 & severum medium, quale est præceptum
 illud monendi populum Regularibus factum:
 & (quod rem vehementer augeat) superadi-
 cienda sit Censura Ecclesiastica in dictos Re-
 gulares Privilegiatos, casu quo non obediant
 Mandato Papæ de frequenter & serio mo-
 nendo plebem ut audiat Missam Parochi sui
 diebus scilicet & in ista Clementina & in Trid:
 Concilio, designatis. Hoc Quæsitum adicere
 volui ut saltem pateat, quàm meritò sit ut ur-
 gen-

gens populus ad Missam Parochialem ob tam
seriam sedis Apostolicæ Ordinationem, quæ
si non est præceptum, parum certè videtur
distare à præcepto. Quòd enim objici pos-
set Leo 10. supra à nobis Q. 32. citatus,
declarans populum satisfacere præcepto Ec-
clesiæ, audiendo Missam etiam extra Para-
ochiam diebus Dominicis & Festis. Nihil o-
best. Nam ut Q. 23. demonstravimus: ali-
ud est Missa præcepti Ecclesiæ generalissimi
in Cap. *Missas*. aliud Missa Parochialis. Leo
10. autem non loquitur nisi de Missa præce-
pti, nos verò hic agimus de Missa Parochi-
ali audienda per Statutum Concilii Trident.
& iterum. Clementis 8. qui sunt Leone po-
steriores quibus propterea derogare non po-
test.

Q. 39. *An Laurentius Berlinghæus Protono-
tarius, Theologus, Canonicus, & Archipresby-
ter Antverpiensis, huc faciat?*

Resp. Quòd sic. Nam in magno suo the-
atro humanæ vitæ, litera P. pag. 28. hæc
habet de debito audiendi Missam Parochia-
lem. Certè quod Sixtus quartus dicit: Iu-
re cautum, teneri unumquemque in sua Pa-
rochia Missam audire: Quod Concilium Nan-
netense tam distictè fieri præcepit: Quod
Concilium Constantin. 6. Oecumenicum sub
Excommunicatione mandavit. Quod viri
Prin-

Principes scandalosum, censent, si omittatur, non video qua fronte, illud audeant plerique, tanquam rem omninò liberam unicuique, & planè indifferentem asserere. & per hoc populum à suæ. Parochiæ frequentatione abstrahere. Cum illi hoc faciunt, dum assumpti fuerint duntaxat in subsidium Ecclesiæ Parochialis & Parochorum: non verò, ut hujus & illius contemptum & desertionem procurent: debitamque illis subjectionem enervent.

Q. 40 An idem Archipresbyter Berlingueus prædenter eandem Parochianorum obligationem colligat ex concordatis Regularium cum Magistratu aut Clero Urbium in quas admitti postularunt?

Resp. Quòd sic. Nam paulò post, pag. 29 marginali litera D. postquam ostendit præceptum esse Regularibus frequenter adhortari populum, ut officiis divinis Ecclesiarum suarum Parochialium, & Parochorum intersint cum jure tantum sit eos ad id teneri ut constat ex Sixto quarto. Hæc subjungit.

Ad quod etiam faciendum, victi rei ipsius æquitate illi ipsi, quodque se solum in subsidium Parochialis ministerii, & officii ad Civitates & celebriores vicos admitti, & ob id, populi liberalitate ac eleemosynis potissimum sustentari sciant; ultro plerisque in locis, dum ad ea reciperentur, sese obligarunt: Cur-

ius rei testimonia producemus ex archivis Capituli Antverpiensis: ubi in concordatis initis cum Religiosis mendicantibus in eorundem admissione, cavetur commendatio Ecclesiarum Parochialium, & officiorum quæ in illis fiunt. *In concordatis initis* inter idem Capitulum & Franciscanos anno M. D. XLVIII. quæ itidem renovata fuerunt anno M. D. XCV. hæc inseritur clausula.

Item debent quantum eis fuerit possibile, informare populum, ut festivitibus, & diebus Dominicis, Ecclesiam propriam Parochialem visitet, nec Parochianos dictæ Ecclesiæ matricis, aut aliarum Ecclesiarum Antverpiensium (cum verbum Dei audire debeant in propria Parochia) attrahere ad divina audienda in eorum Ecclesia quomodolibet debent.

Similiter Carmelitarum ad eam urbem anno M. CCCC. XCIV. mense Aprili venientium, superiores cum præfato Capitulo convenerunt; se que in perpetuum obligârunt in hæc verba. Item quod si Fratres ex nunc in antea in singulis suis sermonibus, tam in ipsorum Conventu, quam aliis locis pro tempore faciendis; informabunt populum, quantum in Iphis erit: ut in solemnitatibus nec non Dominicis & Rogationum diebus frequentent matricem Ecclesiam, & filias ejus re-
specti-

pective, in iisque divina ejusmodi, & sermones audire studeant.

Neque est aliustenor, quo ad ista, novorum Concordatorum initorum Annò 1519. cum Clericis Societatis JESU, in quibus leguntur sequentia. *Monebunt & adhortabuntur populum*, tam in Concionibus quàm in Confessionibus: ut quisque suis Parochiis Divinum officium frequentet, &c. Haud aliter admissi pridem Augustiani anno 1508. se obstrinxerunt: sic namque Concordata cum supradicto Capitulo conclusa, habent.

Tenebuntur etiam prædicti Fratres, in suis sermonibus, & populorum Confessionibus. & alias, quantum iis fuerit possibile, exhortari & informare populum, ad frequentationem matris Ecclesiæ, & Parochiarum, ut in iisdem divina & officia, & prædicationes suorum Pastorum; audire studeant: nec poterunt illud omittere, quotiescunque, à nobis, ad id fuerint requisiti Hæc verò variorum Religiosorum Concordata produximus hoc fine, ut unusquisque clarè videre possit, quàm validum alicujus ad Missam Parochialem obligationis argumentum verisimiliter esse possit illud, quòd peti & attendi potest, ex tam seria utrimq; stipulatione & conventionem Regularium & Capitulorum, ut omnimodè caveatur frequentationi Parochialium Ecclesi-

clesiarum non solum quo ad concionem sed etiam quo ad officium Missæ solemnis quæ est præcipuum omnium Parochiæ officiorum divinatorum quæ in istis Regularium Concordatis tam advertenter & serio commendantur.

Q. 41. An Regularium ex Clementina. Privilegium possit militare contra debitum Missæ Parochialis in Parochia à populo audienda.

Resp. Quod non, ut satis patuit in præcedentibus quæsitis. Tum, quod privilegia hæc habentur pro *Odiosis*, pro eo, quod sint contra jus commune, cui derogant. *Odia* autem sunt restringenda, modò scilicet favoribus oppositò, favores enim sunt ampliandi. Ex quo sequitur, quod Privilegium Regularium in Bulla Clementis VIII. debeat restringi & in rigore terminorum strictissimè accipi. Ita ut non plus amplietur, nec extendatur contra jus Pastorum, quàm importent ipsi termini Bullæ in rigorosa sua significatione. At vero Privilegium supradictum quò ad Missas, non consistit nisi in hoc, quod sit licitum & liberum populo audire Missas, apud Regulares. Verùm, quid est *Licitum*? nisi quod populus non peccat? *Quid Liberum*? nisi quod audire possit, si velit. Ex his terminis liquet, nihil ex parte Regularium addi posse ad attrahendum populum ad se, cum id termini Privilegii Bullæ non importent. Multo minus posse populum divertere

tere à Missa Parochiali quocunq; modo & genere loquendi, aut concionandi: præsertim, cum eadem Bulla excipiat Missam Parochialem, contra quam loqui nullò modo possunt, cum è contra teneantur ex præcepto loqui pro ea: ut patet in calce Clementinæ.

Q. 42. An Penitentibus ad Regulares Confessarios redeuntibus & ob auditam forte concionem de obligatione ad Parochiam, conquerentibus se in conscientia sua pœnam sentire & turbari: rectè consulatur eis, similes conciones vitare, quæ plus turbant, quàm pacificent?

Resp. Quòd non: Pœna enim ista & perturbatio conscientie non est mala sed bona & salutaris: siquidem veluti test proprium spiritus maligni initio animam delectare & in fine contristare. Ita proprium est boni spiritus qui est Spiritus veritatis, peccatorem in principio contristare & sancto timore concutere, sed finaliter lætificare. Gaudeo dicebat Apostolus non quia contristati estis sed quia contristati estis ad pœnitentiam; quæ enim secundum Deum tristitia est pœnitentiam in salutem stabilem operatur: ut verbo dixerim qui non lubenter audit suam obligationem: ad illos pertinere videtur qui tunc dicebant ad ipsummet salvatorem nostrum loquere nobis placentia & audiemus te. Ut potè quia durum est multum nimis valde per omnem modum

dum renunciare; particularibus directorum affectionibus ad parendum supremo Christi Domini in terris Vicario ac omnium Fidelium Universali ac infallibili ad salutem certissimo Directori.

Q. 43. Quæ tandem Conclusio finalis harum aliquot concionum nostrarum in hujus Tractatus compendiosi formulam redactarum?

Resp. Conclusio est Dignetur Dominus Deus pro sua immensa bonitate & misericordia speciali aliquo celesti radio superiores & Principes Ecclesiæ suæ illuminare: quo multiplicia derelictionis Ecclesiarum Parochialium incommoda penitus intelligere valeant: bene intellecta convenienter impedire. Dignetur Fideles omnes eâ quâ decet reverentiâ & obedientiâ erga Sanctâ sedem Romanam, suâ peculiari opitulante gratiâ, efficaciter afficere: quo alacri & Christiano Zelo frequentent Parochias suas sibi ab Ecclesiæ Christi spiritu distributas in quibus omnes illos tam magnos & varios spirituales fructus percipere possint qui supra enumerati fuere. Dignetur quoq; me miserrimum peccatorem in numero servorum suorum recipere in bono usq; ad mortem Sanctam perseverantiam dare in Cælesti suo Regno locum inulgere, & Ecclesiam matrem meam quam hic adhuc vitatricem suspici, audiri, & in sacerrimis statutis

tutis suis à cunctis Christi fidelibus honorari, obediriq; satago tandem in cælis in omnes æternitates mirabiliter triumphantem merear intueri.

A P P E N D I X.

De Obligatione Parochiani ad Communionem Paschalem sumendam.

Q. 1. Quò ætatis annò & quo tempore anni obligat præceptum Communionis.

Resp. 1. Pueri non obligantur ad sumptionem Eucharistiæ ante annos discretionis, sed quando jam pueri incipiunt aliqualem usum rationis habere, ut possint devotionem concipere huius Sacramenti, tunc potest eis, hoc Sacramentum conferri: Ita D. Thom: 3. par: ar. 9. ad 3. Porro pueri non tam citò obligantur ad Eucharistiam quàm ad Confessionem. Ratio quia Eucharistia est maioris dignitatis & minoris necessitatis, quàm Sacramentum Pœnitentiæ, Ergo requirit majorem præparationem.

Resp. 2do Juxta Canonem Concil: Lateranensis sub Innocentio III. Omnis utriusq; sexus, Omnes Fideles tenentur communicare in Paschate, seu tempore Paschali. de manu proprii Sacerdotis, præmissa Confessione, aliàs peccant mortaliter: & in pœnam debent excommunicari, & sepulturâ Ecclesiasticâ privari.

Q. 2. Communio Paschalis ubi peragenda est?
Retp:

Resp. in propria Ecclesia Parochiali, & non extra. Ita Concil: Lateran: Et Ratio subjungitur quia justum est (ait Contendon) ut Christianus ibi suscipiat alimenta vitæ, ubi in Christo primum vivere capit, nec Pastorem videretur agnoscere, qui ab eo pane vitæ pasci abnueret.

Dixi: *Communio Paschalis* quia ex devotione tempore Paschali, apud Religiosos communicare moderna praxis non improbat. Casus.

Sempronius Tempore Paschali communicat in Ecclesia Mendicantium. Q. An Communionem Paschalem possint Mendicantes in Ecclesiis non suis administrare Fidelibus absq; Parochi licentia?

Resp. Quòd non: Et si enim Communionem illam quæ voluntariè & ex devotione à Fidelibus suscipitur, possint tam in propriis, quam in alienis Ecclesiis administrare per privilegium Nicolai V. Sixti IV. & declaratione ac Extensione Leonis X. prout habetur in Compendio Privilegiorum verbo *Communicare*: attamen ad Communionem, quæ est de præcepto, dandam limitârunt semper ut id fieret in propriis Religiosorum Ecclesiis, & ideo qui extra Monasterium in aliena Ecclesia susciperet à Religioso Communionem in die Paschatis, nequaquam satisfaceret præcepto, & dictus Religiosus incideret in excommunicationem latam à Clem: V. in c. *Religiosi de Privilegiis.* Q.

Q. 3. Si prouideatur impedimentum tempore Paschali, debet ne anticipari Communio? affirmo Ratio quia etiam Con. Trid. sess: 13. Can. 3. decernit. Ad minus Paschate esse communicandum, quibus verbis Conc: exprimit Ecclesie intentionem esse ut communio non differatur ultra tempus Paschale in memoriam Passionis & Resurrectionis Christi; sed prouidens impedimenta, & non proueniens, sciens & volens differt ultra, ergo peccat mortaliter nisi anticipet. Qui verò Communionem Paschalem intermisit, tenetur prima-commoditate postea communicare, ita ut eò gravius peccet, quò diutius differt Ratio quia qui statuto tempore non solvit quod debet, per hoc non deobligatur, sed potius termino solutionis elapso arctius tenetur & compellitur. Ergo.

Q. 4. Satisne sit precepto Communionis Paschalis per Communionem sacrilegam Dico: Quòd non Ratio quia Communio sacrilega non est præcepta sed prohibita & Con: Later: decernit: Eucharistiam debere sumi ad minus in Paschate & quidem reuerenter.

Interim omnia quæ in hoc parvulo Tractatu continentur, censuræ iudicioq; Ecclesie, toto corde submitto.

F I N I S



BIBLIOTHECA
VNI. S. S. S.
CRACOVENSIS

kiego nie znieć iet uprzedliwiaiąca kádze-
go człowieka przez poświęcenie Dufzy iego, ieżeli
przez łaskę łobie od Boga dąną c
tąż do wierzenia Kościoł poc
czynienia nakázanie, chronić się te
czną zákázanie kárą y zgubą życia;
pokázanie się Święta Wiara náfza.

CZESC DRUGA

Święta Wiara náfza; bo náuka iey nie
wzysko dobre w łobie z

TA po policie Náuka iest dobra
kich tron Święta nie w łobie ziego niemaiąca,
ktora i. fundue się ná Práwie od Boga dąnym, bo:
Práwo Páńskie wedlug Dáwida (x) niepokálane iest.

Biblioteka Jagiellońska



stdr0025791



